

Lo38i, 997

E/-





22

13

RE

THE NEW YORK

LIBRARY

OF THE

ALBANY

ACADEMY

OF THE

ARTS

AND

SCIENCE

OF THE

STATE OF NEW YORK



BRUTTI A CALUMNIA  
DE INLATIS  
JESU CHRISTO  
DOMINO NOSTRO  
TORMENTIS ET MORTE VINDICATI  
DISSERTATIO  
PETRI POLIDORI FRENTANI.




ROMÆ MDCCXXXVII.  
Ex Typographia S. MICHAELIS ad Ripam  
Sumtibus Hieronymi Mainardi.

---

SUPERIORUM PERMISSU.

BRUTIA A CALUMNIA  
DE INLA  
JESU CHRISTO  
DOMINO NOSTRO  
DISSEPTATIO  
PETRI POLIBERINIANI



ROME MDCCXXV  
In Typographia Michaelis a. 1725  
Zachariae Heideggerii

1021/1022



(III.)

## A P P R O B A T I O N E S.

**D**issertationem, cui titulus, *Bruttii a Calumnia de inlatis JESU CHRISTO Domino Nostro tormentis & morte vindicati*, incredibili animi voluptate perlegi. In ea Cl. Author Petrus Polidorus, sacrae ac prophanae historiae peritissimus, & egregie doctus, Veterum Scriptorum, Auli Gellii praesertim, Liviique testimoniis inter se collatis, atque ad severioris Criticae leges exactis, Bruttiorum gesta Annibalis aetate recensens, adeo perspicue eorum nomen ab omni criminatione purgatum exhibet nobis, ut nec adversariorum calumnia possit retundi validius, nec veritas clarius exprimi. Porro qui illam attente volet expendere, atque ad examen vocare, fallor, si non statim de praconcepta in Bruttios iniqua opinione aliter sentire incipiat, ac fateatur ingenue, anilem prorsus fabellam, invictis, quae ex tota antiquitate suppeditat argumentis, ita explodi, atque refelli, ut eidem aeternum silentium tandem aliquando a recentioribus imponi necesse sit. Quare Opus hoc omnigena eruditione refertum, dignum publica luce censeo, cum nihil in eo offendatur, quod mortum disciplinam, aut fidei candorem laedat, si ita visum fuerit Rmo P. Joanni Benedicto Zuanello Sacri Palatii Apostolici Magistro.

Romae ex Aedibus Vallicellanis VII. Idus Octobris, anno Domini 1736.

*Joseph Blanchinus Congregationis Oratorii Presbyter*

**D**issertationem clarissimi viri Petri Polidori Frentani, qua *Bruttios a Calumnia de inlatis JESU CHRISTO Domino Nostro tormentis, & morte vindicat*, jussu Rmi Patris Magistri Sacri Palatii Apostolici accurate legi, quae quum nihil catholicae Fidei, & bonis moribus adversum contineat, imo varia, nec passim obvia referta sit eruditione, quam ex intimis sacrae, & prophanae historiae monumentis doctissimus Auctor eduxit, eandem typis dignissimam censeo.

Romae ex Bibliotheca Ottoboniana Idibus Septembris 1736.

*Constantinus Roggerius Bibliotheca Praefectus*

*IMPRIMATUR;*

Si videbitur Reverendissimo Patri Sacri Palatii Apostolici Magistro.

*Nuncius Baccarius Episcopus Bojanen.  
Vicesgerens.*



*IMPRIMATUR.*

Fr. Joannes Benedictus Zuanelli Ord. Præd. Sacri Palatii Apostolici Magister.



(V.)  
INDEX, SYNOPSIS,  
ET  
ARGUMENTA CAPITUM  
DISSERTATIONIS.

- I. **BELLUM** Panicum secundam a Chartagine usibus cum Romanis gestum maxime omnium memorabile. A pluribus Latinis, Græcisque descriptum; a multis etiam enarratum. Ipsorum loci aliquot ambages pariunt, & errores.
- II. **Bruttios** omnium primos ex Italia populis ad Hannibalem defecisse; ob idque ad servilia ministeria Magistratibus in provinciam euntibus præstanda a Romanis damnatos, A. Gellius falso memorat. Ætas qua ipse vixit, aperitur. Camillus de Silvestris notatus.
- III. Idem ac Gellius prodit Festus, quibus graves, & illustres Scriptores inferioris ævi adstipulantur.
- IV. Hæc synodi commento moti alii, Bruttios tormenta, & mortem Jesu Christo Domino nostro intulisse produnt. Recentis Auctoris confidens de re ipsa iudicium. Strabo & Diodorus Siculus perperam ab ipso citati. Scribenda pro Bruttii Dissertationis propositum.
- V. De Gellii loco corrupto nonnullorum explosa sententia. Ejus integritas asserta, & propugnata.
- VI. Bruttiorum adversarii loco Portii Catonis ex libro de falsis pugnâ a Gellio recitato potissime nixi. Seniori ne, an Juniori ea opella sit adscribenda? ambigitur. Titulus an corruptus? I. Lipsii emendatio rejecta. Qui neutri Catoni eam tribuendam censent, consultati.
- VII. Catonis locum ad Bruttios Calabriae populos non pertinere ostenditur. Diodori Siculi testimonium de Bruttiorum origine expenditur, & refellitur. Nomen Bruttii Græco sermone fugitivos nequaquam significat. Diodorus a Cælio Rhodigino parum fidè redditus. Strabo Diodoro adversus.
- VIII. In Bruttiorum dedecus ea nominis interpretatio a Græcis jactata, & cur? Ratio probabilior probrofa interpretationis exquiritur. Varia probra ex imperiti vulgi opinione in Bruttios effusa per nomen Gentis perspicua contumelia.
- IX. Nominis Bruttii Etymologia, & Orthographia varia ex Græcis scriptoribus animadversa. Dionis lætio defensa, & illustrata. Leopardus, & Xylander improbat.
- X. Longe alia Nominis ratio a Latinis tradita. Perottus, Calepinus, & Hofmannus notati. Trogi Pompei locus expensus, & illustratus. Græci scriptores ad fabulas proni. Criticorum de Diodoro Siculo adversa iudicia.
- XI. Calabriae populi, de quibus agitur, a Latinis Bruttii constanter appellati. Fulvii Ursini error animadversus. Claverii de veriori Bruttii nominis ab Græcis, & Latinis scriptoribus usurpata Orthographia prudens iudicium. Varia Latinorum sententia de illius etymologia. Amnius Viterbiensis, & alii confutati. Festi & Porphyrii loci de Brutatibus, & Brutacibus expensi, & explicati.
- XII. Extremam Italiae partem, ad Occidentem incoleutes populi florente Romana Republica, & primo Jesu Christo seculo, non Brutiani, sed Bruttii constanter dicti. Eodem nomine appellata Regio, & que ad Bruttios respectabant.
- XIII. Qui ad Brutum, Brutovse pertinebant Brutiani a Latinis dicti primo & sequentibus Christiana Ecclesie seculis. Brutianus in Urbe Campus a Bruttii nomen non traxit. Item Brutiana Domus, & Brutianus Vicus. Bruttios Brutianorum nomine Lætariorum fungentes ministerio scenicis fabulis Romæ inservisse, commentum est. Brutiana Figlina a Brutorum servis curata. Ludovici Vivis in A. Gellium gravis censura & iusta.
- XIV. Portii Catonis locum de Brutianis a Gellio figmento abesse, aliis momentis ostenditur.
- XV. Apparitorum genus multiplex. Lictores antiquitus ex Romana plebe, & libera gente delecti. Tum e servis, & libertis propriæ familie a fungentibus magistratu sumti. Primo Christi seculo promiscui, ac etiam ex servis publicis. Quinam servos haberent publicos? Gellius alio errore laborare ostenditur.
- XVI. Causam cur Bruttii ea pœna a Romanis multati seruntur, Gellius arbitrario committitur. Secundo bello Panico omnium primi in Italia ad Carthaginienses descivere Boji, Galli Cispalini, Insubres, Ligures.
- XVII. Ipsorum populorum assu, & improba in Romanos facta aliis historiæ testimoniis manifestantur.
- XVIII. Ad Picinum, Trebiam, Trasimenum & in



in Umbria, ante pugnam Cannensem infelicitate cum Hannibale Romani confligunt. Ad Trasimenum Iussus adversus Romanos pro Pœnis militavit. Bruttii etiam in Cannensi prælio Populo Romano fidam operam impendunt.

XIX. Quo die, mense, & anno pugnatum ad Cannas? Cladis magnitudo ab hoste Romanis inlata multis ostenditur. In extremam infelicitatem, ac pene desperationem populum Romanum adducit. Viramque Consul legatis Campanorum ingenue aperit, & opem flagitat.

XX. Campani postulata negant. In auxilium accissa Reipublica armantur seroi, pueri, ac prætextati. Hostium spolia e deorum templis abstracta. In usus publicos privatorum opes sumpta. Romanorum extrema necessitas rursus expenditur. Alieno indigentes auxilio Socii in præsentis discrimine laborantibus opitulari nequeunt. Petiliorum in Brutiis, itemque Siculorum & Sardonum exemplis afflictæ Romanæ reipublicæ conditio manifestior redditur.

XXI. Acceptæ cladis magnitudo Sociorum quoque animos dejicit. Necessitate ac desperatione ducti Italiae populi ad eam diem fidi, & constantissimi labare incipiunt, & ad Pœnos deficiunt. In his recensentur Bruttii. Illorum defectio error non scelus habita.

XXII. Italorum primi, qui post pugnam Cannensem ad Hannibalem descenderunt, fuere Apuli, Samnites, Campani: qui, jam tum a prælio ad Trasimenum commisso, rebus novis studere coeperant. Campanorum ante alios Italos populos defectio Purpurionis, & Polybii testimonio manifestatur. Silii Italici locus expensus, illustratus, & emendatus. Harpi Dauniae Civitas illustris, Argyriæ quoque appellata, ad Pœnos transgreditur.

XXIII. Bruttii, illorumque Urbes, nec statim a pugna Cannensi, nec uno tempore, nec omnes ad Carthagenenses desciscunt. Iniqua temporis conditio, qua Bruttii potissime premebantur, exponitur. Duodecim illorum populi ad Hannibalem deficiunt, & quando? Bruttiorum erga Romanos voluntas vel inter adversa patuit.

XXIV. Petellini obsessi a Pœnis frustra a Romanis opem postulant. Fidem suam invictæ constantia ad extremum vitæ spiritum comprobant. Ob id præclaris Scriptorum elogiis celebrati. Urbs post undecim obsidionis menses ab hoste capta, & incensa. Silius illustratus.

XXV. Consentia persans in fide Romanorum ab Hannibale expugnatur. Rheginorum in populum Romanum fides eximia ad ultimum servata. Locrensum in Romanos studium. Miserabili infortunio ad deditionem ab hoste compulsi. Eodem tempore afflictæ erga Romanos voluntatis

edunt argumenta. Livius multipliciter notatus.

XXVI. Crotonis fortuna varia atque conditio. A Carthagenensibus obsidetur, & capitur. Arx retenta. Dissensio inter cives orta. Pœnis favens, ab optimatibus, qui Romanis studebant, dissidet. Idem vitium commune omnibus Civitatibus Italiae. Arx certis conditionibus deditur: Cives Locros traditi. Croton & Sybaris finitima oppida Romanos juvant.

XXVII. Defectionis Bruttiorum ad Hannibalem parum diligens enarrator Livius. Ejus negligentia multis ostenditur. Plures indicantur loci, qui ambages historia pariant, & notantur. C. Cæsar & Erasmi in Liviam censura.

XXVIII. Consentini, & Thurini in Romanorum fidem, & ditionem redeunt. Causa cur alii in Brutiis idem non præstiterint, aperitur. Livii emendatio a Sigonio proposita. Terina ab Hannibale capta, & incensa. Locus ubi olim posita designatur. Stephanus notatus. Terinensium fidem eleganti Epigrammate Alilius commendat.

XXIX. Misera Bruttiorum conditio per illa tempora deterior facta ob eorum in Romanos studium. Locus Strabonis illustratus. Annona difficultas, & prava corruptæ militiæ exempla mala augent. Campi Bruttiorum ab amicorum etiam copiis populati.

XXX. Metapontum ac Thurium Urbes, exacerbata Romanorum injuriis, ad Pœnos desciscunt, inter cives seditione orta. Indemnitati Vatinii præfecti & militari præsidio Thurini consulunt. Pro partium studio alii aliis vim inferunt, & detrimenta.

XXXI. Legatione ad Q. Fulvium Consulem missa, Bruttii in Romanorum fidem, ac ditionem redeunt. Cum Verborum tantum increpatione ob ERROREM PRÆTERITUM accepti. Historia illustratur, Obsequens notatus.

XXXII. Bruttiorum reditus in societatem Romanorum multis nominibus expenditur, & laude præcipua commendatur. Periculum ab hoste potente ob id ipsis creatum. Post deletum ad Metaurum Asdrubalem, Hannibal omnia auxilia in Bruttios contrahit. Silius illustratur. Castra Hannibalis quis locus in Brutiis?

XXXIII. Difficultas alendi Carthagenensium exercitus in Brutiis unde? In dies aucta. Qui & qualis Hannibalis milites? Illorum in Duces fides, & studium. Duo Consules ab ipso, uno prælio, nec satis magno, interempti. Idem labore casso tentat Salapiam. Ad Locros Cincium fugat, victorque urbem obsidione solvit.

XXXIV. Bruttii fidem suam Romano multipliciter comprobant. Tarentum illorum opera recipit.



pit. Contra Romani male de Brutiis merentur. Locrenses ad Romanos inclinant, Pannumque deserunt. Nimis rigidum Scipionis in Græci iudicium.

XXXV. Romani milites, eisque præfectus Q. Pleminius, Locris a Scipione relicti præsidio publice ac privatim magnopere noxi. Ipsorum iniqua, impia, & propoſita facta narrantur ex Livio. Senatus Pleminii, & Tribunorum milites contentione orta, indignæ crudelitatis sævitur exemplis. Pari atrocitate Pleminius grassatur in Locrenſium principes, qui ad Scipionem provocarunt.

XXXVI. Legati a Locrenſibus Romam miſſi ad expoſtulandum injurias a Pleminio, ejusque militibus acceptas. Gravis illorum ad Senatum oratio, qua turpiſſima Romanorum scelera memorantur. Senatus ingens commotio. Q. Fabii in malorum auctores juſta ſententia. Pannæ in reos homines conſtituta. Locrenſes Viri boni, Socii & Amici a Senatu, Populoque Romano appellati. Iſſis libertas, legesque redditæ. Prætor in Bruttios miſſus, ut decreta exſequatur.

XXXVII. Bruttiorum in Romanos conſtans fides atque voluntas aliis argumentis aperitur. Petelia vi capitur. Conſentia & Pandofia ultro dedantur. Illarum exempla alia in Brutiis Civitates, & populi ſequuntur. Livius emendatus. Coſſenia Vrbs, quæ nunc Cuiſanum. Livius notatus. Oſſequens illustratus. Durante Punico bello Romana militia adverſus Pannos in Brutiis aucta. Quæ ab Carthaginienſibus adhuc inſidebantur Bruttiorum Oppida, pauca erant, & vi reſerta. Paulus Diaconus conſutatus. Multi Italici generis cum Brutiis ab Hannibale in Africam vi tranſluſi.

XXXVIII. Bruttii non omnium poſtremi ex Italici Poenorum ſocietatem deſervierunt, ob idque a Romanis multati fuere. Appianus Alexandrinus redargutus. Etas, qua vixit. Virorum eruditorum de illo adverſa iudicia. Campani defectionis ad Hannibalem miſerando exemplo pœnas luunt.

XII. An in Tarentinus ob defectionem ad Hannibalem Romani animadverterint? Joannes Lumenſis, & Antonius Galateus expenſi, & improbat. Rhegini, Neapolitani, Tarentini cum Populo Romano uno atque conſenti fœderis jure conjuncti. Ligures, Galli que ad extremum Poenis favent. Diuturnæ temeritatis dant pœnas.

XL. Strabo Appiano, & Livio adverſus. Bruttii quare dicti Cingerones? Fulgentii Placiadæ locus illuſtratus. Joſephus Scaliger reſectus. Picentes, Lucani, Bruttii nunquam Carſorum, & Tabellariorum ſervili miniſterio a Romanis damnati.

XLI. Vterque Scriptor Græcus novis momentis

notatus. In milites qui apud Cinnas republicam deſervierant, rigidiffime animadverſum a Romano Senatu: mox pœna temperata. Scriptorum diſſentio in hiſtoria falſitatis indicium.

XLII. Appianus ſcribens ablatam Brutiis libertatem cum jure ſocietatis, atque militia reſellitur. Bruttios poſt alterum bellum Punicum militaſſe, ſociosque Romanorum habitos, oſtenditur. Qui fuerint Navales Socii? Ratio apud Romanos ſervata inſcribenda, vel ſupplenda militia. Servi omni jure exati erant: carebant nomine, tribu, cenſu. Bruttianæ Parmæ quales fuerint?

XLIII. In Brutiis quamplurima Municipia atque Colonia poſt alterum bellum Punicum. Valentia Romanorum Colonia. Paterculus notatus, & illuſtratus. Vrbs ipſa Locrorum fuit ædificium. Ejus varia fortuna & nomina. Duæ Latina Coloniae miſſæ in Bruttios. Livius expenſus, & ex conjectura emendatus. Thurium, & Terina Colonia. Thurium a Tarentinis everſum. Colonia eodem a Romanis ducta, & Vrbs appellata Copix. Godeſeraeus reprehenſus. Vrbs ipſa Julii Caſaris ætate Municipium. Tempſa, Croron, Rhegium Colonia. Rhegium item, Locri, Vibbo, Petelia Municipia.

XLIV. Coloniarum & Municipiorum jura pateſacta. Vrbes nonnulla vario tempore utramque conditionem expertæ.

XLV. Poſt bellum Sociale Italici Civitas data. Bruttiorum oppida civium Romanorum jure ſubinde gaviſi.

XLVI. Quæ fuerit in Romana Republica & Imperio ratio ſcribendi milites ex Sociis, Civibusque? Ut aqua eſſet, cenſus habitus. Huc ſpectat Breviarium Romani Imperii ab Auguſto Caſare conſectum.

XLVII. JESUS CHRISTUS Dominus noſter a militibus illuſus & Crucifixus.

XLVIII. Sub initium Romani Imperii, & primo Chriſti ſeculo milites, promiſcue apud Romanos reis hominibus, vel damnatis ſupplicia inferbant. Tertullianus, & Juvenalis illuſtrati.

XLIX. Centuriones etiam, ac Tribuni ad neces inferendas adhibiti.

L. Fere Speculatores milites ſupplicia apud Romanos irrogabant. Etymologia ex Varrone pateſacta. Speculatores pedites, Legionarii, Prætoriani, Urbani, Claſſarii, & Equites. Spiculatores a Spiculo quibusdam dicti.

LI. Speculatores munus ex Evangelii libris, aliisque Scriptoribus illuſtratum. Veſtes affectorum ultimo ſupplicio ad Speculatores pertinebant. Panniculariorum nomine a Romanis legibus cenſiti, ac Speculationibus ipſis affectæ. Ita idem quandoque a Chriſti martyribus Speculatoribus compenſatum, vel cumulatum.

( VIII. )

- II. *A militibus item rei homines capti, & vinciti. Carcerum custodes adhibiti. Reorum custodia multiplex. Militaris quanam fuerit? Per milites verbera inflicta, & ab ipsis interfectorum servata cadavera.*
- III. *Eadem militum munera ex historia Ecclesiastica primorum seculorum illustrata.*
- LIV. *Judaene, an Gentiles Jesu Christo tormenta & mortem intulerint obscurum, & incertum. Antiqui Ecclesia Patres citantur, qui in alterutram sententiam abierunt. De natio-*

*ne Centurionis, qui latus Jesu Christi & Crucis pendens lancea transfodit, varia item Scriptorum sententia.*

- LV. *Bruttii ex eo numero non fuerunt, nec esse potuerunt, ex adversariorum assertis. Apud Romanos opposita omnino fuit conditio Militis & Servi. Rigidissimis legibus Servi a militia repulsi. Eadem libertate donati, militiae adscripti, sub priori vexillo, secreti ab ingenuis, aliterque armati, ab Augusto habiti.*
- LVI. *Dissertationis conclusio.*



( IX. )

BRUTTII A CALUMNIA  
DE INLATIS  
JESU CHRISTO  
DOMINO NOSTRO  
TORMENTIS ET MORTE VINDICATI  
DISSERTATIO.

I.



ELLUM *maxi-  
me memorabile  
omnium, quæ  
umquam gesta  
sunt, Punicum  
alterum extitit-  
se, quod Car-*

*thaginenses Populo Romano intulere, veterum historicorum testimonio exploratum est. Enimvero, auctore Livio, libro xxi. Neque validiores opibus ullæ inter se Civitates, gentesque contulerunt arma: neque ipsis tantum umquam virium, aut roboris fuit. Præterea non ignotas utriusque gentis militibus belli artes inter se, primo bello Punico expertas conferebant, & adeo varia belli fortuna extitit, ut propius periculo victores fuerint. Historiam Latinis, Græcisque jamdiu mandatam literis, insequentis ætatis scriptores multifariam illustrarunt. Miratus sum tamen vehementer, quod, quum viri eruditione præstantes & ingenio exponendis veterum scriptorum obscuris locis utilissimam navarint operam, aliquot nihilominus intactos omnino reliquerint, vel ad exactum criticæ examen non revocaverint, qui germanam tanti belli historiam non uno nomine labefactant, & putidissimorum in dies sunt errorum*

*fontes. Auctorum illustre nomen grafsanti late malo vires augeat. Nec ita facile posteri eos suspicantur errasse, qui ne errori esset locus, hac potissimum in parte studium ac diligentiam adhibuisse præferulerunt. Qua quidem in re humanæ mentis imbecillitatem licet arguere, quæ interdum ibi turpius caligat, ubi majori vigere lumine oportuit; aliisque dignoscendæ veritatis viam aperire, ac faciem præferre.*

II. Exemplo nobis sit Aulus Gellius, qui libro x. Noctium Atticarum capite tertio ex vagis illis, ambiguisque M. Catonis verbis, in libro, ut vulgo legitur, *de falsis pugnis adversus Q. Thermum prolatis: Dixit a decemviris parum sibi bene cibaria curata esse: jussit vestimenta detrabi, atque flagro cædi. Decemviros Brutiani verberavere: hæc in Bruttios notissimos Italiæ populos ultro commentatus est: Quod Cato dixit: Brutiani verberavere, ne quis fortasse de Brutianis requirat, id significat. Cum Annibal Pœnus cum exercitu in Italia esset, & aliquot pugnas Populus Romanus adversas pugnavisset, primi totius Italiæ Brutii ad Annibalem desciverunt. Id Romani egre passi, postquam Annibal Italia decessit, superatque Pœni*  
B *sunt,*

sunt, Brutios ignominiae causa non milites scribebant, nec pro Sociis habebant: Sed magistratibus in provinciam euntibus parere, & praeministrare servorum vice jusserunt. Itaque ii sequebantur magistratus tanquam in scenicis fabulis, qui dicebantur Lorarii, & quos erant jussi, vincebant, aut verberabant. Quod autem ex Brutiis erant, appellati sunt Brutiani. Gellii assertum tantam apud plerosque auctoritatem sibi vindicavit, ut majorem fortasse non exegisset, si ille Hannibalis ævo Romæ vixisset. Quoniam vero non parum refert ætatem noscere, qua hæc tradens scriptor vixit, ut quo loco narratæ ab eo res antiquæ habendæ sint, facile pateat, præstat hic de illa inquirere. Inter Grammaticos, qui Trajano & Antonino Imperatoribus floruerunt a Petavio lib. v. Rationarii temporum. cap. ix. num. x. recensetur A. Gellius. Floruisse ipsam sub Antonino Pio, mortuumque primis annis M. Antonii Philosophi, scribit I. Albertus Fabricius in Bibliotheca Latina Tomo I. lib. I. cap. I. ex Henrico Dodvvello Dissertatione de ætate Peripli maris Euxini §. x. Phavorinum Philosophum, qui Antonino Pio claruit, visum, nec semel auditum fuisse a Gellio, liquet ex Notitium Atticarum libro xii. capite I. lib. xiv. cap. I. lib. xx. capite item I. At id accidisse, quum illustris Philosophus premeretur senio: quæque Gellius adolescens ab illo quondam acceperat, adulta demum ætate scriptis mandasse, ab ortu Jesu Christi tertio excurrente seculo, ac prope millesimum ab Urbe condita annum, satis exploratum est. Ipse siquidem Gellius citato capite libri vicesimi de duodecim Tabulis verba faciens, scribit: Trecentesimo namque anno post Romam condi-

tam Tabulæ compositæ scriptæque sunt. A quo tempore ad hunc diem anni esse non longe minus septingenti videntur: Millesimus annus natalis Urbis Romæ celebratus fuit Philippis Imperatoribus, anno secundo Olympiadis CCLVII, ut constat ex P. Victore de Caesaribus, Julio Capitolino in vita Gordiani III. Eusebii Chronicis, Cassiodoro, & aliis: Philippi Imperatoris anno quarto labente (inquit Petavio lib. v. cap. xii. Rationarii temporum) quo consul ipse tertium, filius ejus Philippus Cæsar secundum fuisse, Romæ ludii seculares anno Urbis vertente millesimo celebrati sunt, Christi CCXLVIII. circa messis tempus, ut ex Zosimo libro II. colligitur. Hæc non animadvertit Vir cl. Camillus de Silvestris in Epistola de ætate A. Gellii ad Apostolum Zenum; quæ excusa legitur Venetiis in Tom. vi. Collectionis Opusculorum Scientificorum, & Philologicorum. Ubi minus recte, & exacte Grammaticum ipsum sub annum Christianæ salutis CL. Commodò imperante floruisse, atque scripsisse tradit. Commodus enim, ut discimus ex Lampridio, natus est M. Aurelio Patre, & Lucio vero Coss. anno scilicet Jesu Christi CLXI. occisusque pridie Calendas Januarii, anno ab ortu Salvatoris CXCH. post exactum Imperii annum, xii. menses novem, ac dies quatuordecim: ut scribit Xiphilinus, quum vixisset annos xxxi. & menses quatuor, teste Lampridio.

III. Idem ac Gellius de Brutiis sensisse videtur sextus Pompejus Festus inferioris (licet incertæ) ætatis auctor in libro de Verborum significatione: Brutiani dicebantur, qui officia servilia magistratibus præstabant: eo quod hi primi se Hannibali tradiderint, & cum eo perseveraverunt usque dum recederet de

Ita-



*Italia* : Nihil tamen dubito, quin Gellius in hujusmodi tradendo posteritati figmento Appianum Græcum hominem, qui paullo ante scripserat, auctorem habuerit : quamvis ipse in causa narranda adversa fronte cum Appiano pugnet. Hic enim factum testatur ; quia Brutii Italarum ultimi in Hannibalis societate pertinacissime manserint ille quod *primi totius Italiae* ab Romanorum fide ad ipsum defecerint . At pleniori examine capitibus xxxviii. & sequentibus Appiani locum expendemus . Gellio simul, ac Festo subinde non pauci recentiores adhærescunt scriptores, quorum illustre in Republica Literaria viget nomen, nec minimi habetur auctoritas. Alexander ab Alexandro Genialium Dierum lib. iv. cap. 22. *Quum secundo bello Punico, post Cannensem Cladem Brutii ad Annibalem primi defecissent, postea dejecto Annibale, eos Romani numquam milites scripsere ; neque pro sociis habuere, sed magistratibus prestare jusserunt servorum munia militis domique*. Idem habet lib. i. cap. 27. Nicolaus Perottus Sipontinus Archiepiscopus in Cornucopia, seu Commentariis Lingue Latine fol. 238. editionis Aldi Manutii : *A Brutis Brutiani dicti, qui officia servilia magistratibus prestabant : eo quod hi primum se Annibali tradiderunt, & cum eo perseveraverunt quousque ex Italia recederet*. Ludovicus Coelius Rhodiginus *Lectionum Antiquarum* libro xxv. capite undevicesimo : *Apud Romanos pergentibus in Provincias magistratibus preministrabant servorum vice qui dicebantur Brutiani, tanquam in scenicis fabulis Lorarii nuncupati : & quos jussi erant, vinciebant, verberantes quoque*. De Brutis vero populi ratio propagata nominis est. Caro-

lus Sigonius libro secundo de antiquo Jure Civium Romanorum cap. xv. *Punico autem bello confecto, qui magistratibus in provincia apparerent, eos fere e Brutis fuisse : unde Brutianos dictos tradit Gellius : cujus mox descripta recitat verba*. Petrus Crinitus libro secundo de honesta disciplina, capite septimo, quum ex Gellii sententia enarrasset, post aliquot minus feliciter a Romanis pugnatas pugnas, primos ex omni Italia Bruttios ad Pœnos defecisse, addit : *Sed quum superatus Hannibal Italia excedere cogeretur, bono atque utili exemplo Senatus Populusque Romanus censuit in Brutios animadvertendum ; ac ita eos puniendos, ut numquam deinde profociis Romani Populi haberentur*. Sed illud etiam statuerunt, ut ad majorem quidem ignominiam omnes Bruttii Romanis in Provincias tendentibus parerent ; ac veluti mancipia quedam vilissima serviliter iisdem ministrarent. Pardulphus Prætejus in Lexico Juris Civilis, & Canonici, sive Thesaurio de verborum, quæ ad jus pertinent, significatione, libro II. pag. 60. *Bruttiani dicebantur, qui coacti erant servilia exhibere, pro eo quod bello secundo Punico post cladem Cannensem ad Annibalem defecissent*. Cæsar Cardinalis Baronius in notis ad Martyrologium Romanum die xxvi. Maii, verbo *Officiales*. Apparitores autem erant infime militiæ milites judicibus servientes, quibus nec ad altiore militiam aspirare licebat. Est de his lex 19. & 20. de diversis officiis Codic. Theodosian. Brutianos eidem muneri fuisse mancipatos ex Senatus consulto, eo quod ipsi primi se tradidissent Annibali, auctor est Festus verbo *Brutiani*. Philippus Broidæus in Auctionario ad historiam Fori Romani Francisci Polleti

libro v. cap. tertiodecimo, loquens de Licetoribus: Magistratibus vero (inquit) peregre proficiscentibus, atque in provinciis agentibus quondam Brutiani apparebant; Quod (ut testis est Gellius lib. x. cap. 3. Noctium Atticarum) quum Brutii primi totius Italiae populi ad Annibalem defecissent, idque Romani agerrime tulissent, Brutios ignominie causa nec milites scribebant, nec pro sociis habebant: sed magistratibus in provincias euntibus parere, & praeministrare servorum vice jusserunt.

IV. Gellii, Festique verbis potissimum ductus Gregorius a Jesu & Maria in opere, cui titulus Prætorium Pilati: Volumine secundo, parte IV. lectione xxii. numero sextodecimo, eos qui Christum ligarunt, Brutios fuisse censet, An vero, addidit, a dictis fuerit Christus, sicut ligatus, ita flagellatus, hoc nec certum, nec verisimile esse credo. Et ratio est: quia tunc in flagellatione hoc munus ministros justitie (quales Brutios asserit), & militibus indifferenter impositum erat: ut patet evidenter ex textu Divi Joannis -- Et milites &c. . . . & etiam ex Tertulliano, qui libro de Corona militis capite xi. suadens Christiano viro ne militet, hac de causa id suadet, quia, ut ipse ait, vincula, & carcerem, & tormenta, & supplicia administrabit, nec suarum ultor injuriarum. Alphonsus Salmeronius Tom. x. historie Evangelicæ Tractatu xxix. ad tertium argumentum, ex memoratis Gellii, & Festi locis conjici, quamvis dubie, posse suspicatus est, non quidem a Calabris Jesum Christum Dominum nostrum ad columnam ligatum, sed quod multo majus est, flagellis caesum, & crucifixum: Ex his (inquit) non improbabiler elicimus, Brutios

milites Ministros fuisse Pilati, qui Dominum flagellarunt, & forte etiam in Crucem aegerunt. Sunt autem Brutiani, vel Brutii Populi, quos hodie Conserzinos vocamus, cum pagis vicinis, qui sunt, ut ferunt, supra trecentos. In ejusmodi evulgando figmento dubitationem omnem fustulit Jacobus Hyacinthus Serry in exercitatione LXV. de Christo, ejusque Virgine Matre. Scribit enim numero x.: Tertiam questionem aliquantulum odiosam ægre admodum attingo de Licetoribus, Tortoribus, & Carnificibus, qui ex Pilati sententia Christo Domino supplicium infligere. Vereor enim, ne ad alicujus regionis injuriam pronunciare censi possim. Quia tamen nil possum contra veritatem, dicam libere: Christi Licetores, atque Carnifices fuisse Brutios, seu Bruttianos Italiae populos, tractum illum Italiae quondam incolentes, qui hodie Calabria dicitur. Constat siquidem ex Aulo Gellio Noctium Atticarum lib. x. cap. 3., & Festo Pompejo in verbo BRUTTIANI, ex Strabone libro vi., & Diodoro Siculo, Brutios in pœnam, quod primi totius Italiae a Romanis ad Annibalem defecissent, ea infamia notatos fuisse, ut Magistratibus ad regendas provincias euntibus parerent, & ad infligenda supplicia delinquentibus suam operam exhiberent. Hinc illud Catonis libro de falsis pugnis: Jussit illius vestimenta detrabi, & flagro cedi: Quem subinde Brutiani verberaverunt: Nempe ii licetorum officio fungebantur. Nihil itaque dubitandum, Pilatum Judææ Procuratorem, ac Præsidem ex more, & usu Romanorum Bruttis, seu administris, ad infligenda Christo supplicia, usum fuisse. Idem ante Serry confidentia pari asseruit Donatus Cal-



Calvus in *Proprinomio Evangelico*: Resolutione lxxi., lateque per vulgi ora ad Calabrorum augendam invidiam circumfertur, nec sine convicio. At vero, an ita res se habeant, præsentī Dissertatione disquirendum est: qua sane Gellium, ac Festum, & qui cum Gellio, Festoque sentiunt, ab historica veritate longe abesse palam faciemus. Vindicandi siquidem ab huiusmodi commentis sunt Strabo, & Diodorus Siculus, quibus per apertam injuriam id recentes quidam scriptores affigunt. Quod enim uterque Græcus auctor de Brutiis assertum protulit, alio prorsus tendit, quam quo illi attrahunt.

V. Perspicuo, ac permolesto Gellii loco, ut vim adimat Gabriel Barrius in libro *de situ Calabriae* pag. 34. a malignis odio ductis adversus Calabros, corruptum pronunciat, ac pro Brutianis, *Bajani*, vel *Bojani* legendum contendit. Hanc tamen sententiam non probat Sertorius Quatrimanus in notationibus ad opus Barrii, quæ scriptæ manu prostant Romæ in Bibliotheca Angelica Fratrum Ordinis Eremitarum Sancti Augustini: *Non est inquit, Gellii codex corruptus, nec pro Brutianis Bojani, aut Bajani legendum: quia Bojani primi ad Annibalem desciverunt, & antequam in Italia pugnaret. Gellius autem scribit, post aliquot adversas pugnas a Romanis acceptas. Ergo Brutiani omnino legendum: & incusandus Gellius, qui livore animi in Brutios invehitur, & contra omnem historię fidem. Vel dicendum: Gellium incidisse in corruptum Catonis Codicem. Vel legendum Bajani a Baiis, seu Campani potius. Nam Campani defecerunt a Romanis ad Annibalem. Verum nec Bajanos, nec Campanos hac ignominia a Romanis affectos le-*

*gitur, quod sciam: Vel dicendum: has tres voculas POST ALIQUOT PUGNAS ab aliquo quopiam additas, qui Gellii codicem corripit, ac in Brutios extorsit, quod ille in Bojanos dixerat.* At vero manuscriptis Auli Gellii codices, quos hæcenus consulere licuit apud multos viros doctos, nec non in Bibliotheca Mediceo-Laurentiana, & Cœnobii S. Crucis Florentiæ, Montis Oliveti, & S. Joannis de Carbonara Neapoli; quæ demum omnium instar esse potest, Romæ, in Vaticana præsertim sub numeris 259. 360. 1531. 1532. 1534. 1535. 1536. 1537. & 3453. *Brutiani* habent: tum illa quæ in dubium revocantur verba *post aliquot pugnas* exhibent.

VI. Qui vulgatam ab Gellio narrationem adversus Bruttios veram habent, non ita ipsius auctoritate nituntur unice, quin longe potissimam ex recitato ab ipso Catonis loco arceant. Ut autem validiorem ostendant, librum *de falsis pugnis* celeberrimo illi Marco Portio tribuunt, qui anno ab Urbe condita DCV. Lucio Censorino, & M. Manilio Consulibus, ætatis quinto & octogesimo, ut Cicero in Bruto Capite xx., & Plinius in historiis naturalibus lib. xxix. capite primo testantur, vita decessit. Tametsi hunc ipsum Livius libro xxxix. diutius vitam produxisse, annoque nonagesimo Servium Galbam ad Populi Romani iudicium adduxisse narrat. Quod prodit etiam Plutarchus in ejus vita pag. 344., nec ab utroque dissentit Valerius Maximus libro viii. capite septimo, numero primo. Eorum tamen sententiæ non facile adhæreo, neque ab re dubito, an Seniori potius, quam M. Catoni Nepoti, qui anno Urbis conditæ DCXXXVIII. Consul fuit, opella sit adscri-

adscribenda. Certè, scripsit, & ipse *Orationes* ( ut verbis utar Joannis Alberti Fabricii in Bibliotheca Latina lib. 1. capite altero ) *quæ a veteribus allegantur, & cum orationibus avi subinde confunduntur*. Gellii quoque diligentiam in ejusdem opusculi designando titulo, & argumento viri docti desiderant. Enimvero idem Fabricius citato loco aperte fatetur, *Gellium Orationem Catonis librum appellare*. Justus autem Lipsius *Variarum lectionum* libro primo capite xvi. inquit: *Marci Catonis libri cujusdam de FALSIS PUGNIS commemoratio fit apud vetustiores Grammaticos. Cujus inscriptio satis ne recta, & integra sit? soleo nonnunquam dubitare. Nam, quum eo libro, quod ex fragmentis perspicuum est, non aliud quam de Magistratuum, & Prætorum iniquo imperio, & dominatione in Provinciis, tyrannide in socios, denique de pœnis, mulctis, falso, & præter æquum provincialibus irrogatis apud populum conquestus sit, videtur mihi quidem inscriptio illa de FALSIS PUGNIS non satis huic materia, & argumento convenire: potiusque ex ea levi mutatione de FALSIS POENIS faciendum*. At nec ita restitutus titulus difficultate caret. Cur enim *falsa*, & non potius iniquæ illæ pœnæ sint appellandæ, quæ contra leges, & jura irrogantur, plane non video. Latinorum loquendi usus id dicendi genus minime effert: quamobrem facile mihi persuadeo, verum, atque germanum, non falsum, aut corruptum operis titulum indicari a Gellio. Nam ab Romanis statuta in milites pœna fuit, qui strenuum quidpiam a se factum ad Ducem, aut Tribunum falso retulissent, teste Polybio, cui crimini de falsis pu-

gnis proprium nomen existit: Nec infrequens in antiqua Republica illorum numerus, & animadversio. Plautus in *Truculento* Act. II. Scena VI. vers. 4:

..... mille memorari potest;  
Qui & convicti, & condemnati  
de Falsis pugnis sient.

Ex crimine postulatum a M. Catone Cenforio Q. Thermum in illa oratione, cui ab argumento titulus est factus, minime dubito. His accedit, quod non Gellius tantum, verum etiam Nonius Marcellus *Tractatu III. de proprietate sermonum*. Verbo *vibices* citatæ Catonis orationi eundem titulum tribuit: Ac ita quidem recte apud utrumque scriptum esse, nec audiendos qui legunt *POENIS*, eo quod in fragmento servitæ, ac pœnarum mentio, nobiscum censuit Josias Mercerus in notis ad vitam Cornelii Agricolæ num. 2., quamvis parum accurate locus ipse sit expressus in editione Lugdunensi apud Marcum Orry. Liberali enim vero ditati ingenio libenter favemus Gellio, ubi ratio, aut æquitas patitur. Adeo ut facile prudens lector intelligat, in auctoribus quos excutiendos suscipimus, veritatem nos unice quærere. Eadem ex causa ab iis etiam ultro dissentio, qui alterutri Marco Catoni tributum librum ita abjudicant, ut plane rideant, & flocci pendant: monumentum tamen nullum afferunt, quo rem conficiant. Quod enim objiciunt: *Ea ne fieri bonis bono genere natis, boni consulitis: antiquum Latinorum dicendi modum non referre: pace illorum dixerim, si quæ verba locus profert, quæ vetustatem, puramque Latinorum elegantiam sapiant, ac morem redoleant, ea profecto sunt*. Joannes Bertrandus libro primo de Juris peritis in *Domitio Ulpiano* pag. 123: scite animadvertit, Roma.



Romanos nobiles, bonos appellasse, eosque Plebi opposuisse, ut videre licet apud Ciceronem in oratione pro Sextio: *Cajus Gracchus frumentariam legem ferebat, res erat jucunda PLEBI repugnabant BONI*. Romanæ eloquentiæ Principi Latini scriptores veteres, atque elegantissimi adstipulantur. Plautus in Persa Actu IV. Scena IV. *Bono genere natus*. Terentius in Phormione Actu I. Scena II. *Illam Civem esse Atticam bonam, bonis progeneratam*. Eadem sententia Claudius in Oratione habita ad Senatum pro assumendis ad Imperii honores, & munera victis Populis, apud Lipsium in Commentario ad librum XI. Annalium Cornelii Taciti num. 84. pag. 152. editionis Parisiorum: *ET. PATRUUS. TIBERIUS. CÆSAR. OMNEM. FLOREM. UBIQUE. COLONIARUM. AC. MUNICIPIORUM. BONORUM. SCILICET. VIRORUM. ET. LOCUPLETIUM. IN. HAC. CURIA. ESSE VOLUIT*. Quicumque proinde pari gaudens nomenclatura germanus designati opusculi fit auctor, sua per nos illi stabit auctoritas, quam Marco Tullio homo antiquior sibi vindicat. Non enim adversantes Scriptores diffimulandi, fugiendi, vel contra fas contemnendi sunt, sed æquo, ac maturo judicio examinandi, ut illorum mens, dictorumque pondus, & veritas pateat, quæ justam semper facit causam, atque defendit.

VII. Quoniam vero Brutianorum cognominatio Gellianæ commentationis subtruit fundamentum, totaque afferti moles M. Catonis loco nititur, ut rem propius attingamus, num Brutios ille populos, qui extremum Italiæ angulum ad occidentem incolunt, eo nomine designaverit, videndum est.

Profecto res ipsa apud Catonem adeo obscura est, & anceps, vix ut alia in Romana historia sit incertior. Nullum ille de loco, nullum de tempore, nullum denique de personis prodit momentum, quo obtrusa per Gellium fabella certo probetur, tum firma, & tuta consistat. Gentis nomen a Græcis, Latinisque scriptoribus usurpatum Gellio non favet. Primi eam Βρέττιος appellarunt, quod magna fere ex parte, ut ipsi quidem ferebant, servi essent fugitivi, raptoque, ac præda viverent. Belli subinde artibus instructi, atque insignem adepti potentiam, præcipuam sibi constituere Rempublicam, teste Diodoro Siculo Bibliothecæ historicæ libro xiv. Ubi sub annum Mundi MMMDCXVI. Olympiade CVI. Urbis conditæ CCCXVII. Consulibus C. Mutio, & Cn. Manlio narrat ἐπὶ δὲ τῶν κατὰ μὲν τῶν Ἰταλίων ἡγεσίῳ τῇ περὶ τῶν Λευκανίων πληθὺς ἀνδρώων πανταχόθεν μετὰ τὸν πλεῖστον δὲ δούλων δραπέτων. Οὗτοι δὲ τὸ μῆλ' ἑωρῶτον ληστρικοὺν ἐνεστήσαντο βίον, καὶ διὰ τὴν ἐν ταῖς ἀγρυπλίαις, καὶ καταδρομαῖς συνήθειαν ἔχον τριβὴν, καὶ μελέτην τῶν κατὰ πόλιν ἐργων. Διὸ καὶ τοῖς πολεμικοῖς ἀγῶσι προτεροῦντες τῶν ἐγχωρίων, εἰς ἀξιολογωτέραν κατέστησαν. Καὶ πρῶτον μὲν Τερτίαν πόλιν ἐκπολιορκήσαντες δυνήσαντο, ἐπεὶ Ἄρπωνιον, καὶ Θουρίδας, καὶ πολλὰς ἄλλας χερσὶν ἀμεινοὺς κοινὴν πολιτείαν συνέθεντο. Καὶ προσγνωρεύθησαν Βρέττιοι, διὰ τὸ πλεῖστος εἶναι δούλους, καὶ γὰρ τῇ τῶν ἐγχωρίων διαλέκτῳ οἱ δραπέται Βρέττιοι προσγνωρεύοντο, τὸ μὲν ἔν τῶν Βρεττίων πληθὺς οὗτο συνέστη κατὰ τὴν Ἰταλίαν. In Italia multitudo quædam hominum promiscuorum, plerique autem servi erant fugitivi, ex variis locis circa Lucaniam confluxerunt. Hiprimum vitam prædatoriam insituebant. Mox excubiarum

rum in agris; & incursionum consuetudine, rerum bellicarum exercitationem usumque sibi compararunt. Itaque quum bellicis conflictibus Incolis regionis superiores evaderent, ad augmentum insigne progressi sunt. Ac principio Terinam Urbem expugnatam diripuerunt. Inde Arponio, Thuriisque; & multis aliis subactis, propriam sibi rempublicam constituerunt. Et quia plerique servi erant, Brettiorum nomen sumserunt. Indigenarum enim sermone fugitivi, Brettii nuncupantur. Brettiorum ergo in Italia multitudo ita coaluit. Parum certe accurate descriptum Diodori locum expendit Cœlius Rhodiginus libro VII. *Lectionum Antiquarum* capite XXV. scribens: *BRVTVM* vero latina dictio est unde & Brutiis conciliatum nomen, ut scribit Diodorus. Quod eorum plerique omnes fugitivi servi initio fuerint, ac *BRVT* Agens, hominum colluvione circa Lucaniam confluyente. Strabo libro VI. *Geographiæ* eidem Populo Bretiorum nomen Lucanos tribuisse memorat, causamque & occasionem aperit contumeliæ: quia nimirum, quum Pastores Lucanorum essent, ab eis desciverunt, quamvis non reticeat, ipsorum indulgentia fuisse Bruttios libertatem adeptos. Strabonis hæc verba sunt. Ὀνομασται δὲ τὸ ἔθνος ὑπὸ Λευκανῶν, βρετιῶν γὰρ καλοῦσι τὰς ἀποστάτας ἀπελευθερωθέντας ὡς φασὶ ποιμένοις αὐτοῖς πρότερον εἶσθ' ὑπὸ ἀνέσεως ἐλευθερίασαντες.

VIII. In dedecus illustis Populi ab Græcis jactatam fuisse hujusmodi interpretationem vocabuli arbitror, non quod reipsa Græca lingua Bretios fugitivos, aut servos significat, quod jam pridem viri docti Joannes Federicus, & Jacobus Gronovii ad caput tertium libri x. Noctium Atticarum Auli Gellii

adnotarunt, sed quod afficta illis in contumeliâ origo, saltem ex opinione atque dictorio indigenarum Græcorum, id secum ferret. Cujus generis multa apud Italos, aliasque nationes vigere scimus, & usurpari nomina. Aliud est enim id, quod nomen nativâ significatione sonat, aliud id, ad quod significandum certis moti causis homines adhibent. Dionysii, atque Strabonis verba facile hanc interpretationem admittunt. Nec alia fortassis via suppetit, qua verum habeatur, id cognomentum illustrem gentem sibi summissee & usurpasse ultro; simulque contumeliosum illi fuisse. Æmilius Lucanus, qui sextodecimo Jesu Christi seculo in eunte vivebat, propositam sententiam alia ejusdem vocabuli usurpatione comprobât. Joannem siquidem Calabrum Compfanum Prætorem satyrico carmine perstringens, de Brutiis hæc habet.

Bruttius an non INFIDVS sonat,  
improbe, vulgo?

Priscaque res verbo rationem in-  
gessit apertam?

Si tantum tu prisca petas, & non  
tua maris.

Gens etenim hæc propriæ fuit  
olim infida parenti,

Nec profuit quidquam vitam tri-  
buisse, vel artes

Militiæ: queis clarebat Lucanæ  
Juventus.

Ipsa etiam sociis Romanis perfida  
fregit

Prima fidem, dum miles Afer se-  
ra bella cieret,

Victor & e Cannis Urbem terrore  
repleret.

Sed pœnam sceleris retulit dam-  
nata probrosam,

Afflictare reos pœnis, & plectere  
fontes.

Eodem



( XVII. )

Eodem forte vulgi dictorio, seu mavis contumelia, qua *Bruttium infidum*, ac *proditorem* significare Æmilius asseruit, Q. Sæctanus inhærens, *Judam Bruttium* fuisse prodit. Enimvero Philodemum Calabrum hominem, qui se Neapolitanum prodebat, probroſis notis adſpergens, Satyra 1x. ſcripſit:

*Albo Paſtorum, & veſtris expungite faſtis*

*Suppoſitum nomen. Non hic natalia traxit*

*Parthenope, patriæ titulum mentitur, & ortus*

*Diſſimulat, Civemque ſuum, qui perſita felle*

*Oſcula divino potuit libare Magiſtro.*

Græci ſane Bruttios, a quibus urbibus, agris, & ampla ditione ſpoliati fuerant, oderant, & metuebant, ut diſcimus ex Livio libro xxxiv. Qualis vero ob id eſſe conſueverit Græcorum indoles, & animus in eos, quos adverſos patiebantur, & dominos, norunt viri docti.

IX. Si Lucanos probroſæ agnominæ auctores malumus, non diſpar concepti in Bruttios odii, ſive invidiæ ſubeſt cauſa. Quomodocumque tamen res accipiatur, originatio hujusmodi conſtantem apud veteres fidem non invenit: & quod poſſime Bruttiorum cauſæ patrocinium aſſert, non omnes æque Scriptores Græci eandem Bruttiorum nomini etymologiam tribuunt. Profecto a Bretto Herculis filio, qui eam regionem quondam incoluit, rexitque, populos appellatos fuiſſe *βερτρύς*, produnt Euſtathius in commentario ad Coſmographiam Dionyſii Afri, Stephanus Byzantinus in libro de Urbibus & alii. Variatum aliquantiſper ab Græcis Scriptoribus, & in Brettiorum orthographia

eſt. Appianus enim Alexandrinus in Hannibalica hiſtoria *βερτρύς* vocat. In pervetuiſta inſcriptione, paucis ab hinc annis non longe ab arce Tarenti reperta, legitur ΣΑΛΛΑΝΤΙΝΟΙ ΚΑΙ ΒΡΕΚΤΙΟΙ. Dionyſius Afer *βερτρύς* ſcribit: Euſtathius *βερτρύς* duplici ἢ appellandos eſſe contendit. Et ipſorum quidem Regionem *βερτρύς* fere dixerē Græci, quamquam Olympiodorus apud Photium pag. 181. Bibliothecæ Codice... *βερτρύς* appellat *Μητροπολιν τῆς βερτρύας*: quod Saſmaſius in exercitationibus Plinianis, ex Diodoro item Siculo, & Athenæo, ſumtis confirmat testimoniis. Polybio quoque in xi. libri Eclogis Bruttiorum tellus *βερτρύς* eſt. Cum autem *βερτρύς*, tum etiam *βερτρύς*, a Bretto Herculis filio eam Græcos appellaviſſe cenſet Albericus Longus in notis ad Dionyſium Afrum, quas MS. habemus. Aſſentiri proinde jure non poſſumus Paulo Leopardo, qui libro IV. *Emendationum, & miſcellaneorum* cap. 12. in Dionis libro XLI. ubi ſcribitur *ἡ βερτρύς ἡ βερτρύς* legendum putat cum Xylandro. Priorem lectionem ſpectans antiquus auctor notiæ Provinciæ Italiæ, editæ Romæ anno quingentefimo tertio ſupra milleſimum, in Ædibus Jacobi Mazzocchi Romanæ Academiæ Bibliopolæ cum auctoribus de *Roma priſca, & nova* pag. cxii. *Nona (Provincia) inquit, Calabria: Quæ primitus ab antiquis BRITANIA dicta eſt ob immenſam affluentiam totius deliciæ, & ubertatis.* Sed hanc rationem nominis *Calabriæ*, non *Britaniæ* congruere, græcæ linguæ peritis ſatis exploratum eſt.

X. De ſignificatione nominis Bruttii a Romanis uſurpata non ita honorifice ſentit Nicolaus Perottus in Commentariis *Linguae Latine* pag. 238. 2 quo

quo *Bruttii* appellati putantur, quod quasi *bruti*. & obsecant sunt. *Brutum* enim dicitur, quod tardum, stolidum, & sine sensu est: a quo *Bruti* cognomen, qui se stolidum simulavit. Eadem assertio in *Lexicon* Latinum, quod *Calepini* nomine circumfertur, irrepsit: nutansque & arbitraria sententia turpi errore oneratur, quo *Bruttii*, vel *Bruttii*, ac *Brettii* eos esse in Italia populos asseritur, quos *Abruzenses* vulgo dicimus. Felicior hac in parte non fuit *Joannes Jacobus Hofmannus* in *Lexico Universali*, falsoque opinamento *Perrotti* & aliorum inhærens, novi figmenti genere labefactat historiam; *A Romanis* ( inquit ) *Bruttii* appellati sunt quasi *Bruti*, hoc est stupidi, & recordes. Qua ignominia ideo notati sunt, quod secundi belli *Punici* tempore ad *Annibalem* descivissent. At vero si prisca *Latinorum* de *Bruttiis* consulamus monumenta, longe alia occurreret caussa, quamobrem eo nomine sint appellati *Trogus* siquidem *Pompejus Strabone*, *Dionysio Afro*, *Appiano*, ac *Stephano* antiquior, qui *Augusto* imperante, eadem, qua *Dionysius Siculus*, ætate floruit, libro *xxiii.* historiarum a *Iustino* breviatarum, capite primo, de *Dionysio Siculorum* tyranno loquens, narrat: *Primi igitur hostes illi Bruttii fuere, qui & fortissimi, & opulentissimi videbantur, simul & ad injurias vicinorum prompti. Nam multas civitates Græci nominis talia expulerant: auctores quoque suos Lucanos bello vicerant, & pacem cum his æquis legibus fecerant. Tanta feritas animorum erat, ut nec origini suæ parcere.* Namque *Lucani* iisdem legibus liberos suos, quibus & *Spartani*, instituire soliti erant. Quippe ab initio pubertatis in sylvis in-

ter *Pastores* habebantur sine ministerio servili, sine veste, quam induerent, vel cui incubarent: ut a primis annis duritia parcimonieque sine ullousu urbis assuescerent. Cibus his præda venatica, potus aut lactis, aut fontium liquor erat. Sic ad labores bellicos durabantur. Horum igitur ex numero quinquaginta primum ex agris finitimorum prædari soliti: confluentes deinde multitudine sollicitati præda, quum plures facti essent, infestas regiones reddebant. Itaque fatigatus precibus *Sociorum* *Dionysius Sicilia* tyrannus, sexcentos *Afros* ad compescendos eos miserat: quorum *Castellum* proditum sibi per *Bruttiam* mulierem expugnaverunt: ibique Civitatem, concurrentibus ad opinionem novæ Urbis pastoribus, statuerunt. *Bruttiosque* se ex nomine mulieris vocaverunt. Primum illis cum *Lucanis* originis suæ auctoribus bellum fuit. Qua victoria erecti, quum pacem æquo jure fecissent, ceteros finitimos armis subegerunt: tantasque opes brevi consequuti sunt, ut perniciosi etiam regibus haberentur. Feminam illam *Bruttiam* nomine, a qua suum sortiti sunt *Bruttii* *Lucanorum* proles, *Reginam* fuisse, *Jornandes* de rebus *Geticis* capite *xxx.* & *Paullus Diaconus* libro secundo de gestis *Longobardorum* capite *xvii.* memorant. At quæcumque illa fuerit, nulla a *Trogo*, & ab iis, qui *Trogum* sequuti fuerunt, *Bruttiis* est afficta servitus, nulla memorata fuga probrosa. Quinimo *Lucanorum* prolem *Bruttios* fuisse, inter pastores more gentis educatos, primumque prædatoriis velitationibus, tum demum justo bello rem privatam ac publicam auxisse, *Latinorum* narrant historiæ. Neque levia suadent momenta, ut, ubi de *Bruttiis* agitur



agitur, illis potius, quam Græcis fidem habeamus. Quorum auctores, præterquamquod rem alienam atque externam attingunt, suopte ingenio ad fabulas proni pervulgato proverbio locum fecere apud Juvenalem Sat. X. vers. 174.

... *quidquid Græcia mendax  
Audet in historia* —————

Ab hoc numero viri critici Diodorum Siculum contumeliosæ in Bruttios narrationis auctorem profecto non eximunt, quem Ludovicus Vives *de causis corruptæ eloquentiæ* libro II. pag. 155. & Joannes Bodinus in *methodo historiæ* capite quarto, merito nugacitatis arcessunt, ac iudicio maxime adverso perstringunt.

XI. Constans gentis nomen apud antiquos Romanos non *Bretii*, sed *Bruttii* fuit. Tabulæ Capitolinæ apud Gruterum pag. 169. primæ editionis col. 2. DE LUCANIS. BRUTTIEIS. pag. 191. n. 1. BRUTT. Apud Rainerium classe VI. Inscriptione 12. CORRECTORI LUCANÆ BRUTTIORUM. Antiquis lapidibus adstipulantur emendatissimi, ac optimæ notæ codices MS. Latinorum historicorum, Oratorum, Poetarum: quorum locos & exemplaria longum esset hic recensere. Testes autem rei perspicuæ multos habemus viros criticos eruditione præstantes & ingenio. A vero proinde aberrat vir doctissimus Fulvius Ursinus in notis ad Epitomam Festi Pompei, verbo BRVTIIANI scribens: BRETTIANI esset legendum, quia a BRVTIIS, quos Græci βρεττιες dicunt, ductum est nomen. Nec aliter habent manuscripti libri Livii, quam *Brettii*. Notandus sane in rem ipsam est locus Cluverii Italiæ illustratæ libro IV. cap. XV., qui designatum a nobis discrimen nominis ab Latinis, Græcis-

que usurpatum, expendens: *Vera* (inquit) *vocabuli formatio magis genuina fuerit Gentis appellatio Romana, at Græca, equidem haud facile dixerim. At id scio mihi minime convenire peritiorum ea in re me velle esse Romanis: qui certe non per imperitiam, sed certa ratione BRVTII maluerunt dicere, quam BRETTII. Non me latet Joannem Annium, aliosque nonnullos a BRVTO, spectatæ virtutis viro Brutiorum nomen derivasse. At ejus rei Christophoro Cellario Geographicæ antiquæ libro II. capite IX. merito incerta est ratio. Nobis vero adeo sententia non aridet, quin etiam potissime improbatur. Nullus siquidem usquam Brutus peculiare quidquam habuit cum eo populo, cujus causâ illi nomen inderet. Dolemus profecto Annianum placitum ita nonnullis arrisisse, ut pro historia vendidaverint; & quod magis mirere, illud merito in dubium revocari non posse, prodiderint. Hoc autem reolenti Harpasti Senecæ Uxoris succurrit historia, quæ quum cæcitæ fuisset oppressa, cæcam tamen se esse nesciebat, videntesque orbata lumine ducere volebat. Jactatum vulgo assertum opportune arripuit Bonaventura Moronus Tarentinus Poeta nobilis; laudique Bruttis vertens, sequenti celebravit Epigrammate.*

*Brutius a Bruto sumens agnomina,  
factis*

*Gaudet magnificis, & leve spernit  
opus.*

*Inclita fama, decus clara sunt præ-  
mia Genti;*

*Par tamen est merito gloria  
nulla suo.*

*Virtutem natura juvat; juvat usque  
ferocis*

*Igneæ vis animi, maxima semper  
avens, C 2 Quod*

Quod autem alii cum Joanne Florio parte prima *Calabria illustrata* lib. I. cap. 3. appendice I. arbitrantur, illis ab origine fuisse proprium atque germanum nomen *Brettii*, *Bruttiosque* appellatos postea ob feritatem in victos exercitam, perinde incertum est. Ambages & difficultates auget Pompejus Festus libro *De verborum significatione* pag. xxiv., ubi *Bruttios* ab antiquissimo Sallentinorum Poeta Ennio *BRVTATES* dictos memorat, *bilinguesque* appellatos, quod *Osce*, & *Græce* loquerentur. Apud Porphyriionem veterem Horatii interpretem illustrantem verba *Canusini more bilinguis*: *BRVTACES* legitur: quo eos nomine & *Lucilium* indicasse prodit. *Bilinguis dicitur, quoniam utraque lingua Canusini usi sunt; sicut per omnem illum tractum Italiae, quem ex majori parte Græci incoluerunt, ex quo magna Græcia nomen accepit. Ideo ergo Ennius & Lucilius BRVTACES bilingues dixerunt*: Ita enim ex veteri codice emendandum esse Porphyriionis locum, monet Josephus Scaliger in *Castigationibus* ad Sextum Pompejum Festum pag. 31. editionis Parisiensis.

XII. Porro extremam Italiae partem occidentem versus incolentes populos a Latinis aureo florente seculo *BRVTIANOS* dictos, novum prorsus & infuetum est. De vero ejus gentis apud Latinos usurpato nomine, super vacuum duco recensere antiquorum Scriptorum testimonia, quæ *BRVTIOS* eam appellatam ostendunt. Quin imo id nomen adeo proprium ac peculiare fuit eidem populo, ut ipsa, quam incolebat regio, & quæ ad illum res pertinebant, non alio vocabulo appellarentur. M. Tullius Cicero in oratione pro A. Cecinna: *Si via sit in Brut-*

*tios immutata*. In Oratione pro Sexto Roscio Amerino. *Qui in Sallentinis, aut Bruttis habent*. Livius libro XXVII. *Locros in Bruttis*. Item: *In Apuliam ex Bruttis reditum*; & in fine ipsius libri: *Hannibal, ut omnia auxilia, quæ diffusa latius tueri non poterat, in extremum Italiae angulum Bruttios contrahere; & Metapontinos civitatem universam excitos sedibus suis, & Lucanos, qui suæ ditionis erant, in Bruttium agrum traduxit*. Lib. viii. ejusdem Decadis. *In Bruttis propter Junonis Laciniæ templum æstatem Hannibal egit*. Pomponius Mela libro II. de situ Orbis capite septimo: *Agro Bruttio adnexa*. *Ager Bruttius* Plinius historiæ naturalium lib. III. cap. v. *Bruttium situs*. Ibidem. *Bruttia pax* libro xv. cap. vii. & lib. xvi. cap. xi. Silius Italicus libro xvi. de Bello Punico secundo versu 1.

*Bruttia moerentem casus patriæque, suosque,*

*Annibalem accepit tellus* —

Et libro xvii. versu 437.

*Savior his Latios vastabat Brutia signa*

*Lælius increpitans* —

Silvam in Bruttis optima abundantem pice Strabo libro vi. *Geographiæ* Βρέτιον Σίλαν appellatam memorat. De qua Bruttiorum Silva inter nemora agit Vibius Sequester in libro de Fontibus, Lacubus, Nemoribus, Paludibus, & Montibus ad Virgilianum filium.

XIII. Contra, quod ad Brutum spectabat a Latinis scriptoribus, qui ante, vel post Gellii ætatem florere, *Brutianum* appellatum est. Quamobrem hoc item nomine perspicuum fit, id genus adjectivum a *Bruto*, non a *Bruttis* derivatum esse. Sic *Brutiana castra* non semel dicuntur a Vellejo Pa-



Paterculo libro II. historiarum capite LXXV. Item *Brutianæ partes*, *Brutiani milites* a Julio Obsequente libro de Prodigijs cap. CXXIX. ad annum Urbis conditæ DCCXII. M. Lepido, & Munatio Planco Coss. *Brutianis in prælium egredientibus Æthiops in porta occurrit, & a militibus confossus*: *Cassius, & Brutus interierunt*. Latantius Firmianus, qui apud Latinos nostros *M. Tullius Cicero Christianus* audit, libro altero Divinarum Institutionum cap. VI II. bellum, quod a Bruto gestum est, *Brutianum* nominat. *Campus Brutianus* in Regione XIV. Transiberina memoratur ab antiqua inscriptione Capitolina, a Publio item Victore, aliisque, qui Romanæ Urbis partes enarrarunt, & nobiliora ædificia. Apud eundem Victorem in ipsa regione VICVS BRYTTIANVS occurrit: Itemque DOMVS BRYTTIANA. In Sexto Rufo inter ædificia III. regionis legitur DOMVS BRYTTIANA. In antiquæ Urbis Notitia DOMVS BRITTI Domus D. BRVTI, quæ Foropropinqua erat, meminit Sallustius in conjuratione Catilinæ. De his locis Pancirolus in Urbis Romæ descriptione, agens de regione XIV. hæc habet. *Campum Brytianum, & Codetanum. Hos Victor dividit, & Campum Brutianum appellat ab eodem Bryto, seu Bruto: cujus Domus pro insigni in tertiæ regione supra ostenditur. Hunc campum complanatum exornatumque puto: Loquens autem de regione III. ad illa verba: DOMVS BRITTI. Rufus inquit, & Victor pro Brytti habet Bryttiana: credo legendum Bruti, vel Brutiana; Græci enim librarii sæpe ponunt Υ. pro V. ut ex lectione Pandeetarum Florentinarum apparet. Quare bujus Descriptionis librarius Græcus fuisse*

*videtur. Cujus vero Bruti hæc domus extiterit, difficile est discernere: plures enim fuere. Patet itaque ratio, cur pro: VICVS BRVTIANVS. DOMVS BRVTIANA, ET BRVTI: Vicus Bryttianus, Domus Bryttiana, Bryttiana, & Britti citatis locis contra rectam Latinorum scribendi rationem a Librario notatum sit. Non me præterit, Famianum Nardinum libro VII. de Urbe Roma capite XI. Campum, quem paullo ante memoravimus, a Bruttiis habitatum censere, ab iisque Bruttianum dictum. Sed viri critici tantæ rei locupletiolem testem desiderant. Quod autem Xiphilini testimonio in Nerone freti nonnulli ajunt: scenicis fabulis, quæ in eodem campo exhiberi consueverunt, Lorariorum ministerio Bruttianos inservisse, purum item putum commentum est. Nihil enim tale Xiphilinus prodit: nec historica veritate fulcitur assertum, tametsi passim recentes scriptores obtudant, & recoquant. Nicolai Calliachi Cretensis *De ludis scenicis Mimorum, & Pantomimorum syntagma posthumum* non ita pridem Patavii prodiit, in quo nulla de Lorariis suam operam navantibus fabulis scenicis, neque de Bruttianis, eodem Romæ ministerio fungentibus, mentio est. Et fortasse, si Gellium excipias, antiquum scriptorem reperies neminem, qui de Bruttiis Lorariis scenicis mentionem faciat. De BRVTIANA Figlina, a Brutorum servis curata in agro Romano, duplex occurrit monumentum: quorum alterum, duodecimo ab hinc anno descripsimus ex tegula effossa in Villa Cæsarina non longe ab Oppido Cynthiano, & antiqua Urbe Lavinio; habetque.*

BRVTIANA  
VERNÆFF.

Al-

alterum repertum jam pridem in via Latina, tertio ad Urbem lapide, descripsit Raphael Fabrettus inter veteres Inscriptiones Capite VII. num. 66. pag. 497. exemplo sequenti.

## BRVTIANA

S. V.

Figlinas antiquos Romanos in fundis habere consuevisse, liquet ex lege xxv. *De fundo instructo, vel Instrumento legato §. Quidam.* Illæ autem in agris quomodo essent exercendæ, Hostilii Sisennæ Pater & Filius libris editis docuerunt, M. Varrone teste libro primo De re rustica capite altero. Quæ quum ita sint, si Portius Cato apud Gellium revera de Brutiis loquutus fuisset, profecto non alio, quam Latino more, usitatoque eleganti, ac sui seculi nomine eos appellasset: neque latina florente lingua, barbaro ac non nisi post Christum natum orto vocabulo usus fuisset. Hæc omnia serio expendenti, si alibi, heic potissime locum sibi vindicare videtur Ludovici Vivis in Gellium censura gravissima, qua libro III. De tradendis Disciplinis prodidit. *Aulus Gellius, homo rapsodus plane: congestor potius, quam digestor, & ostentator, quam peritus: loquaculus sine eruditione, in verbis ac sententiis putidulus. Quæ de significato vocum differit, sunt frivola, & plerumque imperita, ac falsa. Legendus est quidem, sed ita, ut rem levem scias inspicere:*

XIV. At vero alio etiam nomine in Catonis loco interpretando Aulus Gellius plus sibi sumsit, quam Brutiani vocabulum jure posceret. Nam etsi ultro daremus, id unum certo significare Bruttios hodiernæ Calabriae populos, de servis publicis potius ad eam poenam irrogandam additis, quam de iis, qui

proprii erant Q. Minutii Thermi, re ipsa natione Bruttii, aut tandem de Brutiis militibus accipiendum esse, nulla, valida evinceret ratio. Certe ex variis nationibus Patricios Romanos proprios habuisse servos, notum est ex Romana historia. Minutios præterea non semel per id temporis magistratum, ac publica munera in Brutiis gessisse, & Livius, & alii memorant. Q. Minutius Thermus domi, forisque nobilis, ædilis Curulis fuit, tum etiam Consul cum L. Cornelio Merula, ut constat ex Livio libro xxxi. & xxxiv. Si locus, ubi ea injuria decemviris a Thermo est illata, ipsa fuit Bruttiorum regio, ex eaque homines sumti, qui patrum magistratum violarent, quemadmodum gravius admissum scelus exstitisset, ita longe Portius abesset a mente, & interpretatione Gellii. Loci ipsius obscuritas Bruttiorum causæ favere debet, non officere. Saltem in utramque partem ancipitem sententiam, quo quisque jure in aliam detorquet, pro altera alius contra efferet. Præter servos publicos, præcipuos etiam Lictores habebant Urbes, quorum opera facile uti potuit, ac forte omnino voluit Thermus, ut acerbiorum suo Magistratui inferret injuriam. Enimvero LICTOR BRIXIANORVM memoratur in antiqua Inscriptione apud Gruterum pag. DCXXXI. num. 6. alter autem Lapis literatus in agro Numentano, non longe a via Salaria sic habet.

M. ONESIMO FVLVO

LICTORI MVNICIPI NVMENT.

OPT. COH. V. PRAET.

LAELIA CONIVS B. MERENTI  
ET SIBI ET FILIUS DVLCISS.

P.

IN AG. P. XII.

At quemadmodum ex re ita acceptum  
nihil



nihil probrosum Bruttiorum nationi jure potest inferri, ita memoratis a Portio Bruttianis Licitorum ministerium, ob majorum noxam Genti impositum, a Gellio gratis affingitur, quum nihil tale Cato indicet. Non negaverim, tamen ego, Q. Minutium Thermum publico tunc Magistratu ornatum fuisse; abusumque potestate esse iniquo imperio, quod servitutem afferebat Sociis, addita contumelia. Quæ tria illi Cato non sine magno animi sensu, & exprobratione aperte objicit. Iniquum enim fuit imperium, servitutemque Sociis imposuit Thermus; ea jubens, quæ non debebat. Constat siquidem ex Livianæ historiæ libro quadragesimo secundo, Romanorum Magistratus ad A. Posthumii Albinii consulatum, qui in annum ab Urbe condita quingentesimum septuagesimum quartum ex Petavii calculo incidit, nihil itineris & adventus causa imperasse populis: nec quidquam illis debitum cibariorum aut viatici gratia. Quem morem, quum contra fas Thermus violasset, addidit etiam non ferenda dominatione contumeliam, ea poena in Socios animadvertens, quæ ut iniqua erat, ita quoque liberis corporibus minime congruens. Etenim, vel in suppliciis juste sumendis habenda fuerat personarum ratio. Propterea, si quando jure essent verbera infligenda, servi flagris, liberi suffibus erant cædendi, non autem contra. Quod erudite ex Romanis legibus illustrent viri doctissimi Radulphus Fornerius *Rerum quotidianarum* libro IV. capite altero, & Barnabas Brissoni *selectarum ex jure civili antiquitatum* libro tertio, capite nono. An vero in ipsa Provincia, aut loco id Thermus egerit, ubi jus suum, & potestatem explicare debuerat, seu potius

in itinere, decernere non audeo.

XV. Neque hæc tantum, sed & alia momenta suppetunt, quibus Gellianam confidentiam magis magisque improbemus, ac propulsemus Bruttiorum injuriam. Commentus fuerat ipse, omnium primos in Italia post Cannensem pugnam ad Hannibalem defecisse Bruttios: eos proinde ab Romanis ignominie causa non milites scriptos, nec pro sociis habitos: sed Magistratibus in Provincias euntibus apparere, ac præministrare servorum vice jussos. Apparitorum multa erant genera etiam ætate Gellii, quæ late explicantur in codice Justiniano libro XI. titulo LIII. & sequentibus. Philippus Broideus in additionibus ad Historiam Fori Romani Francisci Polleti libro quinto, capite XI. Apparitoris nomen (inquit) generale videtur a parendo, vel apparendo dictum: quod omnibus Ministris commune est: de quibus omnibus ordine dicemus. Eos porro distinguit in Scribas, Commentarienses, Amanuenses, Grapharios, Actuarios, Notarios, Accensos, Præcones, Interpretes, Viatores, Lictores, Statores. Ex tanto apparitorum numero, nulla suadente ratione, atque evincente momento, in unum Licitorum ordinem Bruttios conicere placuit Aulo Gellio. Atqui, quomodocumque ipsius accipiat assertum, novis illud difficultatibus sit obnoxium. Constat siquidem ex Livii libro secundo, eos, qui Romæ apparebant Magistratibus, ex plebe Romana fuisse. Præterea Justus Lipsius libro primo Electorum capite XXII. ejusdem Livii, aliorumque scriptorum Romanæ historiæ testimonio ostendit, liberos illos fuisse, non servos. Liber profecto non servus fuit C. Manius Rufus Licitor simul atque Viator, Papiria,

vel

vel Papia censitus tribu: & quod alio  
item nomine adversatur Gellio, natio-  
ne VMBER, non Bruttius, ut con-  
stat ex sequenti epitaphio Narbonensi  
descripto a cl. V. Scipione Maffeo, in  
egregio opere hoc anno Parisiis vulga-  
to, cui titulus: *Gallie antiquitates quæ-  
dam selectæ*, Epistola XVI. pag. 80.

C. MANIVS CF  
PAP RVFVS VMBER  
EXS DECVRIA  
LICTORVM VIATORVM  
QVÆ EST CIPNM  
FECIT SIBI ET SVIS  
Item apud Gruterum pag. CCCXXII.  
num. 7. legimus.

D. M.  
L. AEL. MALCO. LICTORI. EQ. PRÆTORIANO  
COH. III. PR. QVI. ET. VRB. TEM. ANTISTES  
SACERD. TEMP. MARTIS. CASTRORUM  
PR.  
FECIT. BEN. MERENTI. CONIUGI. DVL. SVO  
ROSCIA. SYCCESSA. CVM. QVO. VIXIT. AN. XL.  
DECESSIT. ANNOR. LXVI.

Prodit insuper citato loco Lipsius: *Ta-  
citi vero, ac supra paullo tempore,  
etiam ex Libertinis & Libertis*, Toga-  
tos proinde illos extitisse, ac *Civitatis  
jure* gavisos. Ad rem ipsam illustran-  
dam egregie facit alia vetus Inscriptio  
proptans Romæ in hortis Mediceis  
Montis Pincii, cujus sequens est exem-  
plum.

SECVRITATI  
COGNATIONIS SVAE  
FORTVNATVS AVG. L  
VERNA PATERNVS  
AB EPISTVLIS  
ACCENSVS PATRON  
DIVO AVG. VESPASIANO  
LICTOR CVRIAT  
VIAT. HONOR DEC. COS. ET PR  
ET SIBI ET  
EPAPHRODITO AVG. L.  
AB EPISTVLIS FRATRI SVO.

*Vernas & hîc, & in aliis antiquis mo-*

*nimentis, non servos, sed libertos*  
esse, ostendit Iosephus Castalio in libro  
*Variarum lectionum* capite ultimo. Qua-  
les autem milites fuissent *Accensi*, do-  
cet Vegetius libro II. *de re militari* cap.  
xix., & Stevvechius, qui auctorem  
ipsum præclaro Commentario illustrat.  
*Liberti*, ac etiam *ingenui* Lictores, ac  
Viatores multi occurrunt in antiquis  
Inscriptionibus recitatis a Grutero, &  
aliis. Ex quibus nihil clarius patet,  
quam illos militia quoque gradus, &  
publica diversi generis gessisse munera.  
Broidæus citato loco minus accurate  
rem, de qua agimus, pertractans, dis-  
crimen temporum non animadvertit.  
Scripsit proinde pag. 703: *Apparitores  
ex libertis, & libertinis Magistratibus,*  
*quibus apparebant*, fuisse: perinde ac  
si unus idemque semper in re ipsa mos  
vigerit. Non reticet insuper Lipsius,  
*paullatim, ut Gracchum e suis libertis,*  
*ita alios sumfisse e propriis servis.* Præ-  
terea, primo JESV Christi seculo, non  
ejus generis dumtaxat præcipuos fami-  
liarum servos, verum etiam *Publicos*  
(qui nimirum publico essent ære em-  
ti) *plerisque Magistratibus apparuisse,*  
eosque Licitorum functos fuisse ministe-  
rio, ab Sexto Julio Frontino, Petro-  
nio Arbitro, & Dione Cassio discimus.  
Morem ipsum, vel sub initium Roma-  
ni Imperii, obtinuisse, liquet ex Var-  
rone libro xxi. *Rerum Romanarum:*  
*Ædiles Stipati servis publicis, non  
modo præbendi non possunt, sed & ul-  
tro summovent populum.* Eosdem vo-  
ce valde apta, sed pene obsoleta LIMO-  
CINTOS quandoque appellatos esse,  
animadvertit, & nomenclationem il-  
lustrat L. Pignorius in commenta-  
rio *de servis, & eorum apud veteres  
ministeriis* capite v. Vbi prodit, hujus-  
modi *servos publicos non modo Civita-*  
*tribus*



tibus, atque Provinciis, sed etiam municipiis, Collegiis, Decuriis, Fisco, Societatibus, Fanis, Curiis, Corporibus fuisse. Idem pluribus antiquarum Inscriptionum testimoniis ostendit & Fabrettus cap. IV. num. 563. & sequentibus pag. 336., & 337. Sed hæc nihil ad ætatem M. Catonis, & Q. Minutii Thermi, qui ab Legatione Asiæ cum C. Manlio in Italiam rediens, a latronibus Thracibus interemptus est, anno ab Urbe condita quingentesimo sexagesimo. Gellius constanti negligentia, & oscitantia Romanam historiam miscens, sua, non antiqua tempora, expreflit, moremque recentem, non priscum aperuit, ut confictam in Bruttios fabulam arbitrariis momentis undecumque muniret. Eodem errore laborant, qui antiquum morem non alium, quam recentem arbitrati, M. Catonis, Q. Minutii ævum Tiberii Cæsaris, & Christi Domini ætati ad amissim, hac in parte respondere fingunt, ut immerentes dedecore, & invidia onerent.

XVI. Hæcenus satis fusc, atque perspicue vidimus, *Brutianorum* vocabulum ab Catone usurpatum non dubiæ modo, & ancipitis significationis esse, magisque ad *Brutos* quam *Bruttios* spectare; verum adeo inepte illi Gellium novas fabulas affixisse, ut nihil a proposito sit magis alienum; ac ab historia, & congruente disceptatæ rei antiquitate discrepet. Nunc causam, quamobrem gravissimam probrosamque illi pœnam Gelliano iudicio, ac testimonio luerint, excutienda est: videndumque, an hoc saltem nomine

Gellius, & qui cum Gellio sentiunt, vera loquantur. Cum Hannibal Pœnus (inquit) cum exercitu in Italia esset, & aliquot pugnas Populus Roma-

nus adversas pugnasset, primi totius Italia Bruttii ad Hannibalem deseruerunt. Atqui tam falsum est, omnium primos in Italia Bruttios ad Pœnos descivisse, quam verum & exploratum, id sceleris admisisse Bojos, & post eos Gallos Cisalpinos, Insubres, & Ligures: illa addita temeritate, & pertinacia, qua turpis culpæ gravitas longe multumque cumulata est: quando nec adversis pugnis accisa erat res Romana, nec hostis secundo Marte atque successu vires auxerat. Luculentum illustris historiæ testem præstat audire Livium, qui libro XXI. hæc habet: *In Italia... nihil ultra quam Iberum transisse Hannibalem a Massiliensium legatis Romam perlatum erat, quum perinde ac si Alpes jam transisset, Boji, sollicitatis Insubribus, defecerunt. Nec tam ob veteres in Populum Romanum iras, quam quod nuper circa Padum Placentiam, Cremonamque Colonias in agrum Gallicum deductas agre patiebantur. Itaque armis repente arreptis, in eum ipsum agrum impetu facto, tantum terroris, ac tumultus fecerunt, ut non agrestis modo multitudo, sed ipsi Triumviri, qui ad agrum venerant assignandum, diffisi Placentiæ mœnibus, Mutinam confugerint... Id quoque dubium est: legati ad Bojos expostulandum missi, violati sint, an in Triumviros agrum metantes, impetus sit factus. Mutinæ quum obsiderentur, & gens ad oppugnandarum urbium artes rudis, pigerima eadem ad militaria opera, segnis in tactis assederat muris. Simulari cœptum de pace agi: evocatique ab Gallorum principibus legati ad colloquium, non contra jus modo gentium, sed violata etiam, quæ data in id tempus erat, fide, comprehenduntur: negantibus Gallis, nisi obsides sibi redderentur, eos*

*se dimissuros . Veteris historiae sequu-  
tus fidem Silius Italicus libro .v. de bel-  
lo Punico secundo , Bojos perinde ac  
Gallos Senonas , in Italia Poenis conjun-  
ctos , apud Ticinum adversus Romanos  
alacriter decertasse memorat versu  
148. & sequentibus .*

*Bojorum ante alios Cbryxo duce  
mobilis ala*

*Arietat in primos , obicitque im-  
mania membra .*

*Ipse tumens Atavi Brenni se stir-  
pe ferebat*

*Cbryxus , & in titulos Capito-  
lia capta traherebat ,*

*Tarpeoque jugo demens & verti-  
ce sacro*

*Pensantes auro Celtas umbone fe-  
rebat .*

*Colla viri fulvo radiabant lactea  
torque ,*

*Auro virgate vestes , manicaeque  
rigebant .*

*Ex auro , & simili vibrabat cri-  
sta metallo .*

*Sternitur impulsu vasto , perculsa  
Camertum*

*Prima phalanx , spissaeque ruunt  
conferta per arma*

*Unde Bojorum , sociata exami-  
na densant*

*Infandi Senones , collisaeque qua-  
drupedantum*

*Pectoribus toto volvuntur corpo-  
ra campo .*

*Arva natant , altusque Virum  
cruor , altus equorum*

*Lubrica belligera sorbet vestigia  
turma*

*Seminecum letum peragit gravis  
ungula pullis ,*

*Et circum volitans tetros a san-  
guine rores*

*Spargit humo , miserisque suo la-  
vat ora cruore .*

XVII. Post haec Boji L. Manlium Mutinae obseffis opem ferentem ad-  
riuntur , magna edita caede Romano-  
rum , quam eodem libro XXI. narrat  
Livius . Quam pertinaci vero odio Pu-  
nico vigente bello adversus Romanos  
perstiterint , satis perspicue produnt  
historici . Ita autem in Romanum no-  
men crevit ira , & acerbitas , ut ex cal-  
va Posthumii Consulis poculum sibi fe-  
cerint celatum auro , teste Livio libro  
XXI. Qui Gallis Cisalpinis contermini  
fuerunt Ligures , non levioris perfidiae  
notas ab historicis retulere . Venienti in  
Ligures Hannibali ( inquit Livius libro  
XXI. ) per insidias intercepti duo Quae-  
stores Romani C. Fulvius , & L. Lucre-  
tius cum duobus Tribunis militum , &  
quinque equestri ordinis Senatorum  
ferme liberis , quo magis ratam fore  
cum his pacem , Societatemque crede-  
ret , traduntur . Neque vana data Du-  
ci fides existit , aut opis expertus . Pro-  
gredienti siquidem ultra Poeno valida  
utrique populi tribuerunt auxilia . Qui-  
bus audacior factus hostis , ad extre-  
mam fere calamitatem , & perniciem  
rem Romanam adduxit . Livius libro  
XXI. Quanta copiae transgresso in Ita-  
liam Hannibali fuerint , nequaquam  
inter scriptores constat . Qui plurimum ,  
centum millia peditum , xx. equitum  
fuisse scribunt . Qui minimum xx. mil-  
lia peditum , sex equitum . L. Cin-  
cius Alimentus , qui captum se ab Han-  
nibale scribit , maximus auctor move-  
ret me , nisi confunderet numerum Gal-  
lis , Liguribusque additis . Cum his scri-  
bit LXXX. millia peditum , X. millia  
equitum adducta in Italiam . Qui au-  
xiliares in Romanorum castris mere-  
bant Galli mox popularium perfidiam  
turpissimo scelere superarunt . Etenim  
inter Padum Alpesque ab Carthagi-  
nienfi-



nienſibus cum Romanis pugnata pugna: Hannibal, ut narrat Livius in eodem libro. *Paucis poſt diebus, ſex millia paſſuum a Placentia, caſtra communiavit, intempeſtivo die, in conſpectu hoſtium acie directa, poteſtatem pugnae fecit. Inſequenti nocte caedes in caſtris Romanis, tumultu tamen, quam re major, ab auxiliariis Gallis facta eſt, ad duo millia peditum; & CC. equites, vigilibus ad portam trucidatis ad Hannibalem transfugiunt. Quos Pœnus benigne alloquutus, ſpe ingentium donorum accenſos in Civitatem, quemque ſuam ad ſollicitandos popularium animos dimiſit. Ne multa. Ex late fuſa Gallica gente, quo tempore ad Cannas pugnatum eſt, Cenomanorum dumtaxat auxilia in fide manſiſſe idem ſcriptor memorat citato libro. Inſitam ab Liguribus cum Pœno Societatem perincommodam atque moleſtam rebus ſuis Romanus in dies agnoſcens, quaeriturus ingenti malo remedium, Q. Fabio, & M. Attilio Coſſ. Legatos ad eos miſit ad expoſtulan- dum (inquit Livius libro xxii.) quod Pœnum opibus, auxiliis ſue ſuis juviſſent. Simul ad viſendum ex propinquo que in Boiis, atque Inſubribus gererentur. At nihil Romanis ea induſtria profuit: conſtantesque non minus Boji & Galli, quam Ligures Hannibali ſtuderunt, ut conſtat ex Livio libro xxvii. De ipſorum auſis, bellis, ira, & odio in Populum Romanum porro auctis ſatis fuſe agunt hiſtorici. Prodit autem Livius libro xxiv. Ligures potiſſimum audaciores in dies factos Lunenſem agrum, & Piſanum populares eſſe; Placentinum caedibus & incendiis vaſtaſſe, & lege ſacrata exercitum in Romanos coegiſſe.*

XVIII. Dum propiores Urbi re-

giones petit Hannibal, compluries ab eo feliciter pugnatum eſt: ac primum, quidem ad Ticinum, tum ad Trebiam, deinde ad Traſimenum, poſtea in Umbria: eademque adverſa Romano Populo prælia enarrat Livius libro xxi., & xxii. De huiusmodi Pœnorum ſucceſſibus loquens Cornelius Nepos in Hannibale num. iv.: *Conſullexerat (inquit) apud Rhodanum, cum P. Cornelio Scipione Conſule, eumque pepulerat. Cum hoc eodem de Claſidio apud Padum decernit: ſaucium inde, ac fugatum dimittit. Tertio idem Scipio cum collega Tiberio Longo apud Trebiam adverſus eum venit, cum his manus conſeruit: utroſque proſligavit. Inde per Ligures Apenninum tranſiit petens Hetruriam. Hoc itinere adeo gravi morbo afficitur oculorum, ut poſtea numquam dextero æque bene uſus eſt. Qua valetudine cum etiam premeretur, leſticaque ferretur, C. Flaminium Conſulem apud Traſimenum cum exercitu inſidiis circumventum occidit. Neque multo poſt C. Centenium Pretorem cum delecta manu ſaltus occupantem. Quales animos, ac virtutem adverſus Romanos Inſubres conjuncti Pœnis ad Traſimenum oſtenderint; libro xxii. ex Livio diſcimus. Multitudinem Italici generis pro Romanis adverſus Hannibalem ibidem militaſſe, citato loco memorat idem Livius. Hos inter non dubito quin fuerint Brutii. Ipſos enim Cannenſi prælio, quod paulo poſt in Apulia commiſſum eſt, Romanorum auxilia ſuis copiis auxiſſe prodit Silius Italicus libro viii. de bello Punico ſecundo carminibus ſequentibus.*

*Bruttii haud diſpar animorum unaque juventus*

*Lucanis excita jugis, Hirpinaeque pubes*

*Horrebat telis, ex tergo hirsuta  
ferarum.*

*Additur his Calaber, Sallentina-  
que Cohortes*

*Nec non Brundisium, quo desi-  
nit Itala tellus*

*Parabat legio audaci permissa Ce-  
thego*

*Cui socias vires, atque indiscre-  
ta manipulis*

*Arma recenscebant . . . . .*

Quod autem longe potiori momento  
rem nostram comprobat adversus falsa  
asserta Gellii, Livius ipse in fine ejusdem  
lib. xx. secundi, narrata Cannensi clade,  
inter Socios, qui ad eam diem firmi pro  
Romanis steterant, 'Bruttios recenset.

XIX. Funestissimum, ac seculis  
omnibus memorandum excidium, si  
Q. Claudio credimus in libro V. Anna-  
lium apud Gellium lib. V. cap. xvii. an-  
te quartum nonas; si Livio, aliisque  
sexto idus Sextilis editum est, M. Te-  
rentio Varone, & L. Æmilio Paulo II.  
Cofs. Cujus historiam, quum recentio-  
res scriptores Gelliano testimonio  
freti, potissime adversus Bruttios de-  
torqueant, & obijciant, ut suum stet  
perspicuæ veritati pretium, opportune  
illustrabimus. Mali magnitudo tantis  
ambagibus Viam aperuit: quæ subinde  
erroribus gravibus causam præbue-  
runt. In eo conflictu non Æmilius tan-  
tum Consul est occisus, sed teste Dio-  
ny시오 Halicarnasseo in libro secundo,  
ex octoginta Romanorum millibus tria  
millia dumtaxat evasere. Titus Man-  
lius in Oratione de Captivis redimen-  
dis quinquaginta millia interemta si-  
gnificat: nec desunt authores gravif-  
simi, qui Romanæ Reipublicæ dispen-  
dium augeant. Enimvero Polybius li-  
bro 1. historiarum ad septuaginta mil-  
lia cæsa tradit. Livius autem libro xxii.

diligentiori calamo tristem casum po-  
steritati commendans, quadraginta  
millia peditum, duo millia & se-  
ptingentos equites cecidisse: præter-  
ea supra tria Romanorum millia  
capta scribit. Tanto per Hannibalem  
edito Romanorum excidio, quatuor  
fere hominum millia, & ducenti Equi-  
tes, quibus in maximo omnium luctu,  
atque discrimine satis virium, aut ani-  
mi fuit, Canusium profugerunt, una-  
que sententia Ap. Claudio Pulchro,  
qui proxime Ædilis fuerat, & P. Cor-  
nelio Scipioni admodum juveni impe-  
rium detulerunt: Quibus consultantibus  
inter paucos de summa rerum (in-  
quit Livius citato libro) nuntiat P. Fu-  
rius Philus consularis viri filius: NE  
QUICQUAM EOS CONSULTARE  
PERDITAM SPEM FOVERE: DE-  
SPERATAM, COMPLORATAM-  
QUE SPEMESSE PUBLICAM. Ad-  
dit præterea: Nobiles juvenes quosdam,  
quorum Principem L. Cæcilium Metel-  
lum mare ac naves spectare, ut, deserta  
Italia, ad Regem aliquem transfugiant.  
Quod malum, eodem teste Livio, præ-  
terquamquod atrox, super tot Clades  
etiam novum, cum stupore, ac mira-  
culo torpidos defixisset, Scipio fatalis  
Dux bujusa belli, consilium renuens, eo  
ubi conventus erat, perrexit, strictoque  
super capita juvenum consultantium  
gladio, jurare universos coegit, se rem-  
publicam non deserturos. Narrat insu-  
per Polybius in fine libri VII. Romanos  
in summam desperationem adductos,  
non modo de suo, sed de totius patriæ  
interitu dubitasse, ferocissimum ho-  
stem ad ipsa Romana moenia jam jam  
expectantes. Tam late accisæ Roma-  
næ rei omnes detinebat cogitatio, ti-  
morque transversos agebat, ac despe-  
ratio. Neque id sine justa, & gravi  
caussa



caussa accidit. Hac siquidem pugna Romani imperii opes pene concidisse, Plutarchus in Hannibale, & Valerius Maximus lib. iv. cap. vi. num. 10. verissime memorant. Lactantius item Firmianus Divinarum Institutionum libro II. capite xvii. *Romanum nomen apud Cannas pene deletum* scribit. Durissimum, fustissimumque acceptæ cladis malum ipsemet Romanus Consul Legatis Campanorum ingenue aperuit, apud Livium libro xxiii. Quum enim ii significassent, Senatum, Populumque Campanum ægre ferre adversi quicquam evenisse Romanis: quæque ad bellum opus essent, pollicerentur. *Morem* (inquit) *magis loquendi cum Sociis servastis, Campani, jubentes quæ opus essent ad Bellum comparare, quam convenienter ad præsentem fortune nostræ statum locuti estis. Quid enim nobis ad Cannas relictum est, ut quasi aliquid habeamus, id quod deest, expleri ab Sociis velimus? Pedites vobis imperemus, tamquam equites habeamus? Pecuniam deesse dicamus, tamquam ea tantum desit? Nihil, nec quod suppleremus quidem, nobis reliquit fortuna. Legiones, equitatus, arma, signa, equi, virique, pecunia, comatus, aut in acie, aut in ruinis, postero die amissis castris perierunt. Itaque non juretis nos in bello, oportet, Campani, sed cum Pœnis bellum pro nobis suscipiatis. . . . . Pulchrum erit: Campani, PROLAPSVM CLADE ROMANORVM IMPERIUM, vestra fide, vestris viribus retentum, ac recuperatum esse. Triginta millia peditum, quatuor equitum, arbitror ex Campani vos scripsisse: jam pecuniæ affatim esse, frumentique. Qui si parem fortune vestræ fidem habetis, nec Hannibal se vicisse sentiet, nec Romani se victos esse.*

XX. Campani, detrimenti intellecta magnitudine, longe alia via, quamvis infelici exitu, rei suæ consilere, quam Romanæ maluerunt. Romani autem auctis in dies malis in extremas compulsi angustias, id porro consilii suscipere sunt coacti, quod magis magisque discriminis immanitatem patefecit. Narrat enim Livius citato libro, & post Livium Valerius Maximus libro vii. cap. vi. num. i. *exhausta juventute Romana, Senatum, auctore Tiberio Graccho Consule designato, censuisse, uti publice servi adversus propulsandorum hostium impetum emerentur. Eaque de re per Tribunos Plebis ad populum lata rogatione, tres creati sunt viri, qui quatuor, & viginti millia servorum comparaverant: adductosque jure jurando strenuam se, fortemque operam duros, quoad Pœni essent in Italia, datis armis, in castra miserunt. Cladis præterea magnitudo ita Urbem confudit, ut eodem teste Valerio. M. Junii opera Dictatura rempublicam administrantis spolia hostium affixa Templis, Deorum Numini consecrata, instrumento militiæ futura convellerentur, ac pretextati pueri arma induerent. Addictorum etiam, & capitali crimine damnatorum sex millia conscriberentur. De re ipsa S. Augustinus libro III. de Civitate Dei Capite xix. scribit: Cannense excidium tanta militum inopia sequuta est, ut Romani reos facinorum, proposita impunitate, colligerent: servitia libertate donarent, atque ex illis pudendus non tam suppleretur, quam instrueretur exercitus. Servis itaque, imo ne faciamus injuriam, jam libertis pro Romana Republica pugnaturis armæ defuerunt, detracta sunt Templis. . . . . Tunc etiam stipendiis sufficiens, quum defe-*

defecisset ararium, in usus publicos opes  
venere privata. Adeo unoquoque id,  
quod habuit conferente, ut præter sin-  
gulos annulos aureos, singulasque bul-  
las, miserabilia dignitatis insignia,  
nihil sibi auri Senatus ipse, quanto ma-  
gis ceteri ordines, tribusque relinque-  
rent. Præstat. hic & L. Valerii testi-  
monium afferre, qui in oratione pro  
lege Oppia apud Livium libro xxxiv.  
ita disserit: Hannibal in Italia erat vi-  
ctor ad Cannas. Jam Tarentum, jam  
Arpos, jam Capuam habebat. Ad ur-  
bem Romam admoturus exercitum vi-  
debatur. Defecerunt Socii. Non mili-  
tes in supplementum, non Socios nava-  
les ad classem tuendam, non pecuniam  
in arario habebamus. Servi, quibus ar-  
ma darentur, ita ut pretium pro iis,  
bello perfecto, dominis solveretur, eme-  
bantur. In eandem diem frumentum,  
& cetera, quæ belli usus postulabant,  
præbenda publicani se conducturi pro-  
fessi erant. Servos ad remum numero  
ex censu constituto cum stipendio nostro  
debeamus. Aurum, & argentum om-  
ne a Senatoribus initio orto in publicum  
inferebamus. Viduæ, & pupilli pecu-  
nias suas in ararium deferebant. Cau-  
tum erat, quo ne plus auri, & argen-  
ti facti, quo ne plus signati argenti, &  
æris domi haberemus.

Ex his duo potissimum pro re  
nata licet colligere, ac serio animad-  
vertere: Romanos nempe ob Can-  
nense excidium in durissimam, & ex-  
tremam necessitatem coniectos, æger-  
rime se ab hoste victore, ac potentis-  
simo tueri potuisse, alieno indigentes  
auxilio: Socios autem eodem & ipsos  
laborantes malo, a Romanis omni ope,  
ac viribus destitutis in præsentis discrimine  
juvari nequisse. Quamobrem au-  
xilium orantibus, Senatus id ab se præ-

stari non posse respondit; liberrima;  
ut rebus suis consularent, potestate  
facta. Perspicuum ejus rei exemplum  
habemus in Petellinis Brutiis, quod  
paullo post opportuniore loco illustra-  
bimus. Cui tamen ea nunc lubet at-  
texere, quæ de Siculis, & Sardis So-  
ciis ex Romana historia narrat Vale-  
rius Maximus lib. vii. cap. vi. n. 3. his ver-  
bis: Propter eandem cladem (Cannen-  
sem) Senatus Otacilio, qui Siciliam;  
& Cornelio Mammulæ, qui Sardiniam  
pro prætoribus obtinebant, querentibus  
quod neque stipendium, neque frumen-  
tum classibus eorum, & exercitibus  
Socii præberent, affirmantibus etiam,  
ne habere quidem eos unde id præstare  
possent: rescripsit: Ararium longin-  
quis expensis non sufficere: proinde quo  
pactò tantæ inopiæ succurrendum esset,  
ipsi viderent. His literis quid aliud,  
quam imperii sui gubernacula e mani-  
bus abjecit? Siciliamque & Sardiniam  
benignissimas Urbis nostræ nutrices,  
gradus & stabilimenta bellorum, tam  
multo sudore, & sanguine in jus, &  
potestatem redactas, paucis verbis, te  
scilicet necessitate jubente, dimisit?

XXI. Immanis clades, quæ am-  
plissimum ordinem, ejusque Romanos  
ita commoverat, Sociorum quoque  
dejecit animos. Actum propterea de  
Romano imperio arbitantes, ac dete-  
riora ab hoste potentissimo, ac barba-  
ro victore timentes, quum suis se viri-  
bus nullatenus tueri possent, nec a Ro-  
manis defendi, partim vi, partim in-  
stantium pœnarum terrore, ad eos de-  
fecerunt. Miserabile mali genus non  
unam, & alteram dumtaxat gentem,  
sed universos fere Italiæ populos cor-  
ripuit. Id tamen iniqua expensâ con-  
ditione temporum, non pravæ volun-  
tatis argumentum, sed adversæ fortu-  
næ



næ, uno cunctos volentis turbine, fuit indicium: proinde non scelus, neque culpa ab ipfomet antiquis Scriptoribus, qui Gellium & Appianum ætate præcellerunt ea defectio appellata est, sed ERROR. Livius in fine libri xxxii. *Quanto autem major hæc clades (Cannensis) Superioribus cladibus fuerit, vel ea res indicio est: quod qui Sociorum ad eam diem firmi steterant, labare cœperunt. NULLA PROFACTO ALIA DE RE, quam quia desperare cœperant de Imperio. Defecere autem ad Pœnos hi Populi. Atellani, Calatini, Hirpini: Apulorum pars, Samnites: præter Petellinos Bruttii omnes, Lucanos. Præter hos Surrentini (meliores codices habent Sallentini) & Græcorum omnis ferme ora. Tarentini, Metapontini, Crotonienses, Locrique, & Cisalpini omnes Galli; Ipsa Hirpinorum, Lucanorum, & Volscen-tium ad Pœnos transgressio, non alio quam Erroris nomine notata fuit ab eodem Livio lib. xxvii. quando in Romanorum gratiam, & Societatem a Q. Fulvio Consule fuisse receptos scribitur. Silius Italicus libro xi. versu xvii. & sequentibus, quum memoratos prior loco Italiæ populos, pari motus causa, ad Hannibalem defecisse narrasset, postremo Calabriæ, & Sallentinorum oram Jonio ablutam mare indicans, inquit:*

*Letas res Libyæ & fortunam Er-  
rore sequuta*

*Juravit pavitans Tyrio sua præ-  
lia Marti.*

Quantum inter crimen & errorem inter-sit, facile quisque noscit. Cn. Plan-cus scribens ad M. Tullium Ciceronem libro x. Epistolarum familiarum nume-ro xxv. inter errorem & culpam, jure discrimen constituit: atque illum ad

factorum excusandum pravitatem, ac scelus propullandum prodesse pluri-mum, sapienter indicat. Ob id Publ. Ovidius *erroris* nomine sæpenumero peccatum suum, quo Augustum Cæsa-rem gravissime offendit, imminuere studet, ubi de illo incidit sermo. Li-bro iii. Tristium Elegia 1. ad Augustum vers. 51.

*In quo pœnarum, quas se meruisse,  
fatetur,*

*Non facinus causam, sed suus  
error habet.*

Et ejusdem libri Elegia v. vers. 49.

*Inscia quod crimen viderunt lu-  
mina, plector*

*Peccatumque oculos est habuisse  
meum.*

*Non equidem totam possum defen-  
dere culpam,*

*Sed partem nostri criminis error  
habet:*

Abeſt itaque quam longissime, ut qui post Cannense excidium *neceſſitate*, & errore ducti ad Hannibalem defecerunt, memoranda ſeculis omnibus pœna di-gni cenſeri debeant: In iis autem lon-ge graviore, quin etiam turpiſſima ple-cti debere Bruttios, qui nec primi ad Pœnos ſunt transgreſſi, nec talem, qualem Campani, alique oſten-derunt nefariis factis adverſus Roma-nos animum. Neque illam ſubinde in errore præ ſe tulere pertinaciam, quæ miſerationem non meretur, ac veniam.

XXII. Omnium ſane primos ex Italiæ Populis, qui poſt cladem Can-nenſem a Romanis ad Pœnos deſcive-runt, alios omnino fuiſſe quam Brut-tios, exploratum eſt. Liqueſt ſiquidem ex Livii, & Polybii hiſtoria, primum univerſa fere Apulia Hannibalem fuiſſe potitum. Ex Apulia a Samnitibus voca-  
tum

tum, nulla mora interposita, in Samnium movisse, ut Hirpinos, Cossamque ultro sese dedentes acciperet. Partito deinde exercitu Magonem fratrem ad occupandas illarum regionum Urbes; quæ deficiebant, misisse. Ipsum autem ad Capuam, quo ab legatis accessitus fuerat, perrexisse. Post hæc Magonem e Samnio evocatum, Carthaginem ad insignem, ac memorandam victoriam nunciandam legatum fuisse. Ante tamen per Bruttios transisse, ut civitates desciscences reciperet. Omnia indicatis Romanæ historiæ locis comprobabimus, quo magis magisque Gellii inscitiam, ejusque iniquum in Bruttios commentum fiat clarius. Livius sub initium libri xxiii. *Hannibal post Cannensem pugnam, ex castris capta, ac direpta confestim ex Apulia in Samnium moverat, accitus in Hirpinos a Statio, pollicente se Cossam traditurum. Cossanus erat Trebius nobilis inter suos; sed premebat eum Cossanorum factio, familie per gratiam Romanorum potentis. Post famam Cannensis pugnae, vulgatumque sermonibus adventum Hannibalis, cum Cossani Urbe excessissent, sine certamine tradita urbe Pæno, præsidiumque acceptum est. Ibi præda omni atque impedimentis relictis, exercitu partito, Magonem regionis ejus Urbes, aut deficientes ab Romanis accipere, aut detrectantes cogere ad defectionem jubet: Ipse per agrum Campanum mare inferum petit, oppugnaturus Neapolim, ut Urbem Maritimam haberet. Hirpini Samnitum erant proles, Strabone teste in Geographiæ libro vi. Samnitibus autem latum per eas regiones fuisse imperium, latet neminem. Jam tum, dum hæc agebantur, Campani rebus novis studere cœperant: proinde vel omnium*

*primi, aut certe, cum primis fuere, qui ab Romanorum societate desciverunt. Livius etenim eodem libro de militibus Prænestinis Romanorum subsidio in Apuliam contententibus scribit: Profecti a Casilino avertit eos retro Casilinum nuntius Cannensis pugnae. Ibi quum dies aliquot suspecti Campanis, timentesque cavendis, ac struendis invicem insidiis, transduxissent, jamque de Capua defectione agi, accipique Hannibalem, satispro certo haberent, interfectis nocte oppidanis, partem Urbis, quæ cis Vulturnum est, (eo enim dividitur amni) occupavere. Neque id mirum. Jampridem siquidem, quum ad Trasimenum infelicer a Romanis pugnatum est, Campani equites multis illecti donis, promissisque Hannibalis, ad conciliandos popularium animos dimissi fuerant. Eodemque Pæno nuntiarunt. Si in Campaniam exercitum admovisset, Capuae potiunda copiam facere: teste Livio libro xxii. Rem ipsam remotis ambagibus aperit L. Furius Purpurio apud eundem Livium libro xxxiv. An inquit, Campanorum pœna (nec ipsi quidem queri possunt) nos pœniteat? Hi homines, quum pro eis bellum adversus Samnites per annos prope LXX. cum magnis nostris cladibus gessimus, ipsos fœdere primum, deinde connubio, atque inde cognationibus, postremo civitate conjunximus. Tempore nostro adverso PRIMOMNIUM ITALIÆ POPULORUM, PRÆSIDIO NOSTRO FOEDE INTERFECTO, AD HANNIBALEM DEFECERUNT. Deinde indignati se obsideri a nobis, Hannibalem ad oppugnandam Romanam miserunt. L. Furius Purpurionis testimonium in hac illustranda historia; ac dirimenda quæstione fidem longe-*



gravissimum sibi vindicat: quippe qui ipso secundo bello Punico Tribunus Militum sub Claudio Marcello meruit, multis deinde gestis magistratibus, anno demum ab Urbe condita DLVIII. Consul fuit cum M. Claudio Marcello. Purpurioni, ac Livio probe concinit Polybius, qui Africani minoris præceptor existit, vicinusque eidem Punico bello. Nec aliter sentit Silius Italicus Neroni Cæsari æqualis ætate, qui descriptum ex Liviana historia priorem locum ob oculos habens, ac pene commentans, libro xi. vers. i. & sequentibus hæc habet:

*Nunc age, quas clades insignis  
Iapyge campo  
Verterit ad Libyam populos, Sar-  
ranaque castra,  
Expediam: Stat nulla diu mor-  
talibus usquam  
Fortuna titubante fides: adju-  
gere dextras  
Certavere palam rumpenti fœde-  
ra Pœno.  
Heu nimium faciles læsis diffide-  
re rebus!  
Sævior ante alios iras servasse re-  
postas,  
Atque odium renovare ferox in  
tempore Samnis;  
Mox levis, & sero pressurus fa-  
cta pudore  
Bruttius; ambiguus fallax mox  
Appulus armis.  
Tum Gens Hirpini vana, indoci-  
lisque quietem,  
Et rupisse indigna fidem: Ceu  
dira per omnes  
Manarent populos fœdi contagia  
morbi.  
Jamque Atella suas, jamque &  
Calatia abegit,  
Fas superante metu, Pœnorum in*

*castra cohortes.  
Inde Phalanteo levitas animosa  
Tarento  
Ausonium laxare jugum: patefe-  
cit amicas  
Alta Croton portas, Afrisque ad  
barbara jussa  
Thespidum docuit submittere col-  
la nepotes.  
Idem etiam Locros habuit furor:  
Ora vadof  
Littoris Argivos major qua Græ-  
cia muros  
Servat, & Ionio luitur curvata  
profundo,  
Latas res Libyæ, & fortunam  
errore sequuta,  
Juravit pavitans Tyrio sua præ-  
lia Marti.*

Non statim tamen a Samnitum defectione Hannibali sese adjunxit Bruttios, sed aliquo interjecto tempore, paullo post ostendemus. Mox enim eo sensu adhibuit Silius, quo usus est Suetonius ejusdem fere ætatis scriptor in Otthone capite x. *Inter fuit (inquit) huic bello Pater meus. Mox crebro referre solebat . . .* Illud etiam hic animadvertimus in antiquo ejusdem Poetæ MS. codice, quem Neapoli nobiscum communicavit Vir clarissimus Michael Amatus doctrina, & eruditione præstans, non Gens Hirpini, sed Gens Harpini legi in xi. versu. Quæ sane germana libri lectio utrisque nostrum visa est: nec dubito, quin alii quoque facile sint consensuri. Harpi siquidem pervetusta & illustis Dauniae Urbs fuit, a Diomede condita, alias Argyripa scriptoribus dicta: de qua Virgilius libro II. Æneidum versu 245.

*Ille Urbem Argyripam patriæ co-  
gnomine Gentis*

*Condebat.*

E

Apu-

*Apulos*, quibus finitimi sunt *Daunj*, proxime memoraverat Silius; *Samnites* vero, ad quos pertinebant *Hirpini*, ante *Apulos*. Argyripanorum ad Hannibalem defectio potissime narratur a Polybio. Non parvi præterea illa tempestate Arpos in Daunia fuisse momenti, liquet ex oratione L. Valerii pro lege Oppia apud Livium libro quarto decadis quartæ: ubi scribit: *Hannibal in Italia erat victor ad Cannas. Jam Tarentum, jam Arpos, jam Capuam habebat.*

XXIII. At vero quemadmodum purum putumque figmentum est, omnium primos ex Italiæ populis ad Hannibalem descivisse Bruttios, ita plane apertum, ac testatissimum, ipsos nec uno tempore, neque omnes ad Pœnorum partes accessisse. Quin eodem adverso tempore, quando infestis furentium hostium agminibus, duroque bello premebantur, ea Bruttii edidere erga Romanos integræ fidei, & voluntatis exempla, quæ de aliis Italiæ populis ipso affecti malorum genere plane non legimus. Quoniam vero Bruttii partim errore, partim vi, Pœnorum subierunt imperium, meliorem adepti mentem, ac novendarum rerum occasionem nacti, mature malefacta mutarunt. Ob id tamen adversis contriti præliis, donec Hannibal in Italia mansit, assidue inter extrema pericula sunt versati. Post pugnam Cannensem, quum adversus Romanos Punicum magis magisque faveret bellum, Q. Fabio Maximo Verrucoso quartum, & M. Claudio Marcello tertium Coss. duodecim in Bruttii Populi sese adjunxerunt Hannibali, ut ex Livio libro xxiii. & Julio Obsequente libro de Prodigiiis capite xxxv. licet addiscere. Infessa siquidem jam inde fuerat a Pœnis Brut-

tiorum regio, eorumque duces præcipui inibi rem suam curantes, Himilco, Anno, & Hamilcar eodem libro memorantur a Livio. Quinam omnes illi Populi exstiterint, historici minimearrant. Promiscue nihilominus inter Bruttiorum oppida fuere Urbes Græci nominis, jampridem a Bruttiiis ipsis subactæ, quæ aliis vivebant ritibus, moribus, legibus, aliaque utebantur lingua: ut constat ex Livio libro sequenti. Eutropius in *Epitome Historiæ Romanæ* libro III. ita rem narrat, ut Bruttiorum causæ, non uno nomine, novum præsidium adiciat: *Anno quarto (inquit) postquam in Italiam Hannibal venit, M. Claudius Marcellus Consul apud Nolam contra Hannibalem bene pugnavit. Hannibal multas civitates Romanorum per Apuliam, Calabriam, & Bruttios occupavit. Illud etiam certum, multas tunc in Bruttiiis fuisse civitates, quæ singularem erga Populum Romanum fidem ostenderunt, & in amicitia Romanorum permansere, quamvis Carthaginienses, ut scribit Livius libro xxiii. Regionem obtinerent.*

XXIV. In his memorandi præ ceteris sunt *Petellini*: qui quum ea de causâ a Pœnis perinde atque a Bruttiiis ceteris, ob separata ab se consilia oppugnarentur, nec resistere malis possent, *Legatos*, inquit Livius citato libro, *Romam ad præsidium petendum miserunt. Quorum preces, lacrimæque (in questus enim flebiles, cum sibi met ipsis consulere iussi sunt, sese in vestibulo Curiæ profuderunt) ingentem misericordiam Patribus ac populo moverunt. Consultique iterum a M. Pomponio. Pretore patres, circumspectis omnibus imperii viribus, fateri coacti, nihil jam longinquis Sociis in se præsi-*  
dii



dii esse. Redire domum, fideque ad ultimum expleta, consulere sibi ipse in presenti fortuna iusserunt. Hæc postquam nuntiata legatio Petellinis est, tantus repente moeror, pavorque Senatum eorum cepit, ut pars profugendi, qua quisque posset, ac deferenda Urbis auctores essent: pars, quando deserti a veteribus Sociis essent, adjungendi ceteris Brutiis, ac per eos dedendi Hannibali. Picit tamen ea pars, quæ nihil raptim, ac temerè agendum: consulendumque de integro censuit. Relaxata postero die per minorem trepidationem re, censuerunt optimates, ut convectis omnibus ex agris, Urbem ac muros firmarent. Non modo omnibus numeris & partibus, verum etiam longe, multumque supra debitum erga Romanos expleta fide, tandem, eodem teste Livio: Petellia in Brutiis, aliquot post mensibus, quam cæpta oppugnari erat, ab Hamilcone, Præfecto Hannibalis, expugnata est, multorumque sanguine ac vulneribus ea Pœnis victoria stetit. Nec ulla magis vis obsessos, quam fames expugnavit. Absumtis enim frugum alimentis carnisque omnis generis quadrupedum; Sutrina postremo coriis, herbisque, & radicibus, corticibus teneris, frictisque rubis vivere: nec antequam vires ad standum in muris, ferendaque arma deerant, expugnati sunt. Neque unum, aut alterum, sed undecim omnino menses hostes consumpsere, ut urbe obfessa potirentur. Petilia (inquit Frontinus lib. iv. Strata-gematum cap. v. num. 8.) a Pœnis obfessa parentes, & liberos propter inopiam eiecerunt: ipsi coriis madefactis, & igne siccatis, foliisque arborum, omni genere animalium vitam trabentes undecim menses obsidionem tolera-

runt. Et Athæneus in lib. xii. Dipnosophistarum . . . . Πετελίνοι δὲ τηρήσαντες τὴν πρὸς Ῥωμαῖς πίσιν τῆς τοσούτου κατερίας ἤλθον πολιορκούμενοι ὑπὸ Ἀννιβᾶ ὥστε μετὰ τὰ πάντα μὲν τὰ κατὰ τὴν πόλιν δένδρων τὸς φλοιὸς, καὶ τὸς ἀπαλὰς πτόρεθας ἀναλῶται. Tantum ego facinus memorans, non alia, quam quæ jampridem Valerius Maximus in libro vi. cap. vi. numero secundo, inter externa prodidit, referam. Petellinis nempe, quibus propter recentem cladem Cannensem succurri non potuit, permissum esse, uti facerent, quod utilissimum incolumitati ipsorum videretur. Liberum ergo erat Carthaginensium gratiam amplecti. Illi tamen feminis, omni-que ætate imbelli urbe eiecta, qua diutius armati famem traberent, pertinacissimi in muris perstiterunt. Expiravitque prius eorum tota Civitas, quam ulla ex parte Romana Societatis respectum deponeret. Itaque Hannibali non Petelliam, sed fidei Petellina sepulcrum capere contigit. Ob hanc singularem in Romanos fidem Scriptores laudibus eximiis Petellinos ornant. Eodem nomine Petelliam effert & Silius Italicus libro xii. versu 431, ubi eam alteram Saguntum appellat, incendia quoque ab hoste crudeli passam memorans.

*Fumabat versis incensa Petilia  
testis,*

*Infelix fidei, miseraque secunda  
Sagunto.*

XXV. *Recepta Petellia*, inquit Livius eodem libro xxiii., *Pœnus ad Consentiam copias traduxit: quam minus pertinaciter defensam intra paucos dies in deditioem accepit: Rhegium Bruttiorum item Urbs longe clarissima, portus opportunitate, populi frequentia, & mœnibus valida;*

magna hostium contentione, ac primo quoque tempore tentata est. *Dies aliquot in eo molimine nequicquam absumptos*, narrat Livius libro xxiv. Quapropter in suscepto proposito magis magisque confirmati, & in fide erga Romanos, & potestatis suæ usque ad ultimum manserunt, eodem teste Livio libro xxiii. Interea hostium vim Locrenses veriti, nihil intentatum reliquerunt, quo affectam in Romanos voluntatem, constantemque animum ostenderent. Ubi propius periculum novere, studio conatuque majori in id incubuerunt. Bellum proinde adversus Pœnos cogitantes, & propugnationem, certatim frumentum, lignaque, & cetera necessaria usibus ex agris in urbem rapere, etiam ne quid relictum præda hostibus esset: & in dies major omnibus portis multitudo effundi. Postremo ii modo relictæ in Urbe erant, qui reficere muros ac portas, telaque in propugnacula congregare cogebantur. At vero, dum præclaro insunt operi, in permixtam omnium ætatum ordinumque multitudinem, & vagantem in agris magna ex parte inermem Hamilcar Poenus Equites emisit, exclusitque ab Urbe fuga dissipatos. Eadem civibus spoliata, & robore, quum interim hostis instaret, & qui pauci intra mœnia relictæ fuerant, ad deditionem compellerentur, ut extremo periculo populum, qui in hostium potestate erat, eximerent, contra votum durissimæ necessitati cessere. Neque in tanto miseræ Civitatis casu visa erga Romanos imminui fides est. Enimvero antequam urbs dederetur, L. Attilium, Romanosque, qui cum eo erant, milites, clam in portum deducos, Rhegium devehicurarunt, pacta etiam conditione, ut

*foedus extemplo æquis legibus fieret: Cujus rei*, inquit Livius libro sequenti, *prope non servata fides est, quum Pœnus dolo demissum Romanum incusaret: Locrenses profugisse ipsum causarentur. . . . . Locrensis nihilominus jussu Hannibalis data pax, ut liberis suis legibus viverent. Urbs pariter & portus in potestate Locrensi esset. Societas eo jure staret, ut Pœnus Locrensem, Locrensisque Pœnum pace, & bello juvaret. Si posteriori hoc Livii Testimonio caruissimus, ex priori hujus historiæ oscitanter, minusque fide mandata literis narratione, immerita Locrenses premerentur invidia. De ipsis enim libro xxiii., prodidit: Et Locrenses descivere ad Bruttios Pœnosque, prodita multitudine a principibus. Quæ quam probe hic enarratis, ac sinceræ veritati congruant, facile quisquam videt. Nisi aliam Urbem germana codicum indicet lectio, graviori longe errore laborat Livius, memorans paulo post in eodem libro, quo tempore Ap. Claudius Messana Locros trajecit, specie circumeundæ Provinciæ, ut Bomilcarem cum supplemento militum, & commeatu Carthaginæ ad Annonem in Bruttios profectum, incautum opprimeret, Locrenses Romanis portas clausisse. Hoc enim tantum a vero abest, quantum ipsemet Scriptor nobilissimus diffidet ab iis, quæ narrat sub initium libri sequentis de Locrensis, ad id usque tempus Romanorum Societati conjunctis, Pœnoque adversantibus. Sed eundem Livianæ historiæ locum rursus expensuri sumus numero XXVII. Illud etiam hic notandum: quum de Locrorum deditione, novaque societate cum Carthaginensibus ineunda ageretur, nullam inter Cives dissensionem recenferi a Li-*



( XXXVII. )

a Livio, quin ipse ita rem narrat, ut sine diffidio atque tumultu transacta credi queat. Fuisse nihilominus vehementem inter illos discordiam primoresque principes, audacter a Romanis stantes, naviter obstitisse tradendæ Urbis proposito, atque ob id extorres actos, conjicere licet ex libro xxix. ubi idem Livius Locrensum principes memorat, qui exulabant Rhegii, pulsique ab adversa factione, quæ Hannibali Locros tradiderat. Si fides itaque huic asserto habeatur, videtur, non multitudinem a Principibus Civitatis fuisse proditam, sed contra.

XXVI. Designatis conditionibus ad deditionem exceptos Locros ægroferentes animo, qui Hannibali studebant, Bruttii, conscriptis armatisque juvenutis sue quindecim millibus, ut scribit Livius xxiv. Crotonem Græcam Urbem circumfident: opulentam quondam (eodem teste libro xxiii.) armis virisque: tum jam adeo multis, magnisque cladibus afflictam, ut omnis ætatis minus viginti millia Civium superessent. Itaque Urbe defensoribus vacua facile potiti sunt hostes. Arx tantum retenta, in quam inter tumultum captæ Urbis e media cæde quidam effugere. Arcem ipsam Optimates tenebant, circumsedente cum Brutiis eos etiam plebe sua ex Livio libro xxiv. Neque id mirum: Ut enim ibidem narrat idem historicus: Crotone nec consilium unum inter populares, nec voluntas erat. Unus præterea velut morbus invaserat OMNES ITALIÆ CIVITATES, ut Plebs ab Optimatibus dissentiret: Senatus Romanis faveret, Plebs ad Pænos res traheret. Diu frustra oppugnandum obfessorum constantia tentata est. Postremo quum arx inexpugnabilis suis viribus hosti vide-

retur, Anno certis conditionibus Optimates compellere conatur, ut Coloniæ Bruttiorum eò deduci, antiquamque frequentiam eorum recipere vastatam, ac desertam bellis Urbem, paterentur. Sed quum sua Dux ipse frustratus esset opera, Locrenses subinde legati permissu Annænis arcem intrant, persuadentque, ut traduci se in Locros paterentur, nec ultima experiri vellent. Jam hoc, ut sibi liceret, impetraverant, & ab Hannibale, missis tunc legatis. Ita Crotone excessum est; Deductique Crotoniæ ad mare, naves consuevunt: Locros omnis multitudo abeunt. Quæ Crotoni & Sybari finitima erant oppida, in Romanorum item fide mansisse, conjicere licet ex eodem Livio libro xxvi. Qui, quum vix quinque Romanis ipsis per id temporis fuisse naves narrasset, quibus extremæ Italiæ lustrarent littora, & commectum ex Sicilia in arcem Tarentinam inferrent, D. Quintius a Sociis Rheginis & Velia, & Pesto debitas ex fœdere exigendo classem viginti navium effecit prodi: quas pro illarum magnitudine egregie instructas, & armatas circa Crotonem, Sybarimque supplevisse remigio.

XXVII. Qui Livium de Brutiis ad Hannibalem descendentibus libro secundo & vigesimo scribentem legerit, tum illa, quæ de ipsorum Urbibus porro addit, mature expendet, facile judicabit, eum parum diligenter illustris populi, Punico faviente bello, res narrasse; præcipuaque expositione indigere, ut dicta sibi invicem consent, tum etiam temporum rationi, atque historicæ veritati congruant. Itaque Henricus Glareanus in notis Livianis pag. 122. locum ex libro xxvi. nuperrime indicato expen-

expendens, quo narrata clade Cannen. si, cum alios Italiae populos, tum etiam præter Petillinos, Bruttios omnes ad Pœnos defecisse proditur: *Non subito* ( inquit ) *defecere omnes, quos hic enumerat, Populi, sed quidam statim, quidam post annum, ut Croton, & Locri; Tarentum vero, Metapontus, & Thurium quarto post anno, Ap. Claudius Pulchro, & Q. Flavio Flacco consulis: nec omnes Bruttii defecere:* Hac in parte non solum fidem, verum etiam diligentiam Glareanus in Livio desiderat: tum autem temere hæc mixta esse conqueritur. Multo magis incogitantia Livius est redarguendus, si ex Sigonii sententia, vera locilectio est: *Samnites præter Pentros, Bruttii omnes, Petellinis prorsus exclusis.* Sigonius ipse, quamvis Livio addictissimus, ejus vitium usquequaque dissimulare non audet. Viam proinde, ac rationem excogitat, qua objectas difficultates, & ambages benigna dictorum explicatione depellat. Scribit ergo in Scholiis ad librum xxv. capite primo: *Illo anno (nempe ad Urbe condita xxxv. ut ipse enumerat) omnium Bruttiorum Populorum, quos hoc loco duodecim fuisse ait, defectionem factam esse accipere debemus; ita ut ter de hac re loquutus sit: Primum brevissime: post aliquanto latius, idque non suo anno, sed anno DXXXIV. ad Cannensis cladis damna ingentia demonstranda, quæ consternati tot populi defecerint: postremo latissime anno suo DXXXV. Quamquam ibi nihil de Petellia, & Consentia dixit, de quibus obiter antea dixerat. Hæc mihi pluribus verbis exponenda fuerunt, ut quoquo modo possem, Livium a Glareani obrectatione defenderem.* Ita quidem Vir clarissimus. Ea tamen tanti non sunt, qui Li-

vium omni prorsus culpæ eximant. Enimvero dignam peculiari laude Rheginorum fidem erga Romanos ab se alibi commendatam oblitis idem historicus, lib. xx. i. i. Petelliam quo tempore ab hostibus oppugnabatur, unam in Romanorum fide mansisse narrat: Quum tamen & Consentia tum Romanis studeret, eademque post Petelliae expugnationem intra paucos dies, quum minus pertinaciter se defendisset, Carthaginensibus dedita est, eodem teste Livio. Noxiæ item historicæ rei oblivionis arguitur Livius, scribens in ipso libro: *Ap. Claudius per simulationem provincie circumveunda Messanam raptim exercitu ducto, æstu secundo Locros trajecit. Jam inde Bomilcar ad Annonem in Bruttios profectus erat, & Locrenses Romanis portas clausurunt.* Ex libro enim sequenti luce meridiana clarius constat, vel post reditum Annonis in Bruttios e Campania, tentatumque Rhegium, constanter Locros Romanis hæsisse; eorumque præsidium militum intra Urbem, quo validius Pœnis obsisterent, habuisse. Ob id merito Livius a Glareano reprehenditur in notis ad librum iv. decadis tertiæ. Latius autem, quod ad Bruttios attinet, ejus vitium fusum detegens: *Eadem (addit) de Crotoniatibus oblivio. Quam Urbem expugnatam a Bruttiorum exercitu ait (libro tertio) hic (libro quarto) rursus oppugnari ab eisdem. Non est mihi dubium, in tanto rerum gestarum acervo Livium memoria lapsum. Nam quod quidam hunc locum excusant, obiter priore libro innuisse, hic vero rem ipsam diffusè scripisse, ut acta sit, mihi non probatur:* Et Sigonius, qui Livium tueri studet, ejus verbis libro xxiii. expressis deceptus, ubi de Urbium Bruttiorum oppugna-



gnatione, ac deditione agit, aperte fallitur. In Scholiis siquidem ad librum xxv. cap. 1. de ordine, quo ille ab hostibus bello sunt petita, vel accepta, hæc habet: *Petilia in Brutiis a Pœnis capitur: post Consentia: tum Croton Vrbs Græca a Brutiis occupata: postremo Locrenses descivere ad Bruttios, Pœnosque*. Et tamen ex eodem Livio libro sequenti perspicue liquet, post subactas Peteliam atque Consentiam, primum a Carthaginensibus frustra tentatum fuisse Rhegium, tum Locros ad deditionem compulso, deinde Crotoni bellum inlatum. Hæc autem quum ita se habeant, longe gravi momento apud criticos, atque historica rei peritos eorum fides laborat, quæ idem Livius citato libro xxiii. prodidit, narrata defectione Capuæ. *Dum hæc ( inquit ) Romæ atque in Italia geruntur, nuntius victoriæ ad Cannas Carthaginem venerat Mago, Amilcaris filius, non ex ipsa acie a fratre missus, sed retentus aliquot dies in recipiendis Civitatibus Bruttiorum, quæ deficiebant*. Fatale Romanis apud Cannas prælium M. Terentio Varone, & L. Emilio Paulo II. consulibus mense Augusto commissum est. Duodecimo vero Bruttiorum Populi Q. Fabio Maximo Verrucofo 1v. & M. Claudio Marcello III. Coss. ad Pœnos defecisse, produnt Livius libro xxv. & Julius Obsequens in libro de Prodigis capite xxxv. Tertio itaque post anno seculis omnibus memorandam victoriam Carthaginensi Senatui Hannibalem nuntiassè credibile non est. Quæ quum ita sint, quemadmodum omni major laude aliis nominibus jure habetur Scriptor tantum, ita narratarum rerum curam exactiorem, atque constantiam quandoque desiderari patitur. Ob id tam-

quam *verbosum*, & *negligentem in historia* a Cajo Cesare ipsum notatum fuisse, ex Suetonio in ejus vita c. xxxiv. censent viri critici. Neque injuria Erasmus in Ciceroniano pag. 109. scripsit *T. Livius non raro secum ipse dissidet in rerum gestarum narratione: tantum abest, ut numquam aberret a vero*. Horum tamen judicium ita æquo lectori propono, ut nihil penitus celeberrimo historico detractum cupiam: Cui tantum semper tributum volo, quantum ipse jure meretur, & veritas exigit.

XXVIII. Ex duodecim Populis, quos in Brutiis Maximo Verrucofo, & Claudio Marcello Consulibus ad Pœnos accessisse diximus, illorum Societatem averfati, & imperium, anno sequenti, ut constat ex Livio libro xxv. *Consentini, & Thurini in fidem Populi Romani redierunt: & plures, eodem testante, rediissent, nisi L. Pomponius Vespertinus Præfectus Socium prosperis aliquot populationibus in agro Bruttio, justis Ducis speciem nactus, tumultuatio exercitu coacto, cum Arnone conflixisset. Magna ibi vis hominum, sed incondita turba agrestium, servorumque cæsa, aut capta est. Minimumque jacturæ fuit, quod Præfectus inter ceteros est captus, & tum temerariæ pugne auctor, & ante publicanus omnibus malis artibus, & Reipublicæ, & Societatibus infidus, damnosusque*. Hoc in loco mendum, esse suspicatur Sigonius in Scholiis ad librum xxv. cap. xv. ac pro *Turini, Terinei* legendum contendit. Nam Strabo Geographiæ libro vi. & Plinius historiarum naturalium libro III. capite v. *Consentia Terinam adnectunt*. Ea vicina mari Urbs fuit, ut liquet, ex Lycophrone in Cassandra. Cujus locum perperam accipiens Stephanus Byzantinus

tinus in Ethnicis, ex oppido maritimo *Insulam* finxit, quem errorem merito reprehendit L. Holstenius in notis, & castigatibus ad illius opus verbo **TEPINA**. Hinc *Terinaeus sinus* Plinio citato loco, nunc *Golfo di S. Eufemia*. Thurii vero ad oram sinus Tarentini posita urbs erat ad ostia illustrium fluviorum Crathis, & Sybaris. Duæ itaque longe inter se diversæ Civitates temere in Livio non confundendæ, ne satis in Bruttis perturbata secundi belli Punici historia densioribus tenebris, & ambagibus obducatur. Terina rursus ab Hannibale subinde capta est: quumque se illam retinere, ac tueri posse Dux barbarus desperaret, improbo sævitæ exemplo evertit, teste Strabone loco citato. Quod alterum ejusdem Urbis erga Romanos constantis voluntatis, & fidei eximium argumentum est. Labet hic Gabrielis Altilii Polycastrensis Episcopi, doctrina atque poetica facultate clari, Epigramma describere, quo ejusdem Urbis ruinam in eximium elogium merito vertit.

*Quos spectas lapidum tumulos, &  
grandia saxa,*

*Urbs Terina fuit, mole superba,  
& Avis.*

*Dum Romæ studet, ac socialia jura  
tuetur,*

*Dat fidei pœnas subruta ab Han-  
nibale.*

*Cur stupidus mœres lugens fera fa-  
ta viator?*

*Clarius e cineri nunc capit illa  
decus.*

Succensus expeditionis, tanto rerum molimine ab Hannibale tentatæ in Bruttis, magis magisque, quod pro Bruttis ipsis assertum est, ac propugnatus, illustrat. Si omnes indifferen-

minatim Bruttii Pœno favissent, nullo negotio tota illico regione Carthaginenses potiti fuissent. Longe tamen aliter se rem habuisse, & Livius, & alii memorant. Quia imo, si Latini, Græcique Scriptores antiqui de altero bello Punico agentes expendantur, facile comperietur, Hannibalem post tot labores exanthlatos, & dura certamina, non adeo magnam terrarum tractum in Bruttis occupasse: in eaque regionis parte, quæ ad Orientem versa est, Petiliæque, Locrorum, & Crotonis agros complectitur, potissime confedit, & quod maxime notandum, numquam Bruttiorum Vrbes meridionalis, vel occidentalis littoris ipsi parvere. Quæ utpote viciniore Africæ ad institendum, retinendumque cum patria gente commercium longe multumque opportuniores fuissent: pluribusque nominibus Carthaginensium res juvassent. Spe proinde sua frustratus Dux barbarus, ex illa demum ora solvit, quando ex Italia in Africam rediit: maritimum iter tenere coactus longum, minus sibi compertum, & incommodum, ut ex Valerio Maximo libro ix. capite viii. §. *Externa*, numero 1. licet addiscere.

XXIX. Interea vero, Punico in extrema Italia fervente bello, miserrima, si qua alias, exstitit Bruttiorum condito, qui, quum hostem potentissimum acerrimeque instantem paterentur, eidem, nonnisi cogente necessitate, ac vi inlata, cesserunt. Subactas autem ab Pœnis urbes recuperaturi Romani, quibus Livio teste lib. xxiv. nusquam in Bruttis deerat studiosa factio, adversa belli mole hostes vexabant: assiduisque utriusque partis conflictibus grave oppidis detrimentum



accedebat, populisque perniciēs. Quod innuit Strabo Geographiæ libro iv. narrans, Bruttios ab Hannibale, atque Romanis attritos fuisse: Βρεθίσις δὲ ἐπέτριψαν Ἀννίβας τὴν καὶ Ρωμαῖοι. Valerius item Maximus lib. vii. cap. vi. numero 4. *Alterum Italiae latus*, quod ad Bruttios pertinebat, *Hannibalem lacerasse* memorat. Quod certe fieri non poterat, si omnes ad Pœnos defecissent, eisque ad extremum studuissent mordicus. In tanta temporum iniquitate, & rerum angustia aliquod etiam præcipui adjumenti Romani ceperunt ex Brutiis. Enim vero quamvis ipsis, quum ab gravissima accepta clade relevarentur, aliunde suppetere militares copiæ, quas hosti objicerent, negari tamen nequit, non minimam subsidiariæ opis partem in ipsis Brutiis ex incondita hominum agrestium, atque fervorum multitudine *tumultuario collectam existisse*: quod aperte citato nuper loco innuit Livius. Illud etiam notandum: ex eo Bruttiorum numero, quos Pœni sub suis vexillis habebant, frequentes ad Romanos transiisse, ipsorumque adjuntos copias, mox strenuissime pro Romano Populo contra Hannibalem decertasse. Quorum virtutem laude præcipua non fraudat Livius libro xxvii., ubi hæc narrat: *Additi erant Bruttiorum indidem perfugæ, & audaciæ, & ad audendum omnia necessitatibus pares.* Hanc manum ad Bruttium primum agrum depopulandum duci jussit, inde ad Cauloniam Urbem oppugnandam. Imperata non impigre solum, sed etiam arvide exsequuti, direptis fugatisque cultoribus agri, summa vi Urbem oppugnabant. Depopulationes hic, libro xxv. & alibi passim in hujus belli historia a Livio memoratæ, ad

corruptæ militaris disciplinæ morem referendæ sunt: quo non probo jure belli, sed Latronum ritu a Pœnis, ac Brutiis, perinde ac Romanis res gerebatur. Id merito reprehendit, ac queritur ipsemet Livius libro undetricesimo: nam magis magisque aliorum in alios irritabant animos, extremamque vastitatem afferebat hostium campis. Qui, quum ali intra suas quique Regiones non possent, alibi necessaria humanæ vitæ alimenta, atque animalium pabula quærere cogebantur: ira semper incensæ majori, ac turpioribus fœdati exemplis. Ferenda tamen levius injuria, & scelus fuisset, si in hostium dumtaxat agris, & non in Sociorum quoque prædiis id actum esset. Dummodo enim hosti cibum, & pabula adimerent, in amicorum, an in adversantium regionibus rem auderent, nihil habebant penſi. Neque hoc vitium gregales dumtaxat milites, sed duces etiam præstantissimos occupasse legimus. Consentinos jam tum in Romanorum amicitiam, & societatem rediisse vidimus: & tamen libro xxxviii. narrat Livius *In Consentinum Agrum Consules exercitum duxerunt* (L. Vetutius nimirum, & Q. Cæcilius) *passimque depopulati, quum agmen jam grave præda esset, in saltu angusto a Brutiis jaculatoribus disturbati sunt, itaut non præda tantum, sed armati quoque in periculo fuerint.* Major tamen tumultus, quam pugna fuit: & præmissa præda, incolumes legiones in loca tuta evaserunt. Annonæ in Brutiis difficultatem prudenter expendit Livius eodem libro. Enim vero suum alendi exercitum *nonnisi ex Bruttio agro spes erat* Hannibali, qui nec totus colebatur; nec si totus fuisset cultus, par tanto alendo copiarum

numero habebatur. Quare, & fame subinde Pœnos in Brutiis super modum laborasse, idem in citati libri fine narrat Historicus.

XXX. Metapontum, & Thurium munita Bruttiorum oppida, quo tempore L. Pomponius temere infelicitateque cum hoste conflixit, adhuc Romanis fideliter hærebant, Romanosque milites retinebant. Illorum tamen exacerbati injuriis par pari referre cogitarunt. Quum autem C. Servilius suis validum militare præsidium, quod Metaponti erat, Tarentum ab Hannibale obfessum, ac summopere laborans, traduxisset, Metapontini, ut scribit Livius libro xxv. extemplo metu, quo tenebantur, liberati, ad Hannibalem defecere. Hoc idem eadem Ora maris & Thurini fecerunt. Movit eos non Tarentinorum magis desertio Metapontinorumque, quibus indidem ex Achaja oriundi, etiam cognatione juncti erant, quam ira in Romanos propter obfides nuper interfectos. Eorum amici, cognatique literas, ac nuntios ad Hannonem, Magonemque, qui in propinquo in Brutiis erant, miserunt: si exercitum ad mœnia admovissent, se in potestatem eorum Urbem tradituros. M. Atinius Thuriis cum modico præsidio præerat: quem facile elici ad certamen incundum rebatur posse, non tam militum, quos perpauca habebat, fiducia, quam Juventutis Thurinæ. Nam ex industria centuriaverat, armaveratque ad tales casus. Ex composito res peracta est. Conjurati conglobati, quum popularium agmen patentibus portis accepissent, ubi Romanos fusos ad urbem ferri viderunt, conclamant, instare Pœnum, permixtosque hostes urbem invasuros, nisi propere portas claudant. Ita exclusos Romanos præbuere hosti ad

cedem. Atinius cum paucis receptus. Seditio inde paullisper tenuit. Quum alii urbem tuendam, inde alii cedendam fortunæ, & tradendam urbem victoribus censerent. Ceterum, ut plerumque, fortuna & consilia mala vicerunt. Atinio cum suis ad mare, ad naves deductos, magis quia ipse ob imperium in se mite, ac justum consultum volebant, quam respectu Romanorum, Carthaginenses in urbem recipiunt. Ausi viribus Pœni, quæ a Romanis stabant, oppidis negotium augebant. Mago enim cum valido præsidio in Brutiis præerat, atque ultro citroque adversæ factionis milites vim aliis inferebant, & detrimenta. Ita variante fortuna suspensa omnia utrimque erant, integra spe, metuque integro. Nec Hannibal, quamvis alibi præfens administraret bellum, ut in dies singulos in ea Italiæ parte opibus crederet, quidquam calliditatis prætermittebat, & operæ. Quo tempore vehementiori studio, atque conatu Romani Capuam obsidebant, ipse teste Livio libro xxvi, Ex Lucanis in Bruttium agrum, ad fretum vero, ac Rhegium eo cursu contendit, ut prope repentino adventu incautos oppresserit. Nihil tamen tunc factum memorabile, virtute, ac fide facile superante conatus, & fraudes.

XXXI. Lectis, magnisque ad eam diem Hannibal sultus copiis, urbes, quæ Pœno studebant, tuebatur valide, durissimumque Romanis in ea regione negotium facefcebatur. Nota Ducis sævitia, atque calliditas facile Bruttios detertere poterant, ne noxii quidpiam adversus ipsum pro Romanis molirentur; multo facilius impedire, ne deditæ sibi



sibi Civitates in Populi Romani jus, ac potestatem redirent. Contra tamen accidit. Enimvero publicæ rei conditione diligentius explorata. Bruttii, Italarumque nomen inclytum & immortale in Romanis reveriti, de instauranda cum illis pristina societate mature constituerunt. Neque illustri Populi sano consilio præsens opera, & res defuit. Vibium siquidem & Pactium in ea regione genere, atque auctoritate longe præstantes, ad Q. Fulvium Consulem legatos miserunt, qui deditionem iisdem omnino æquis perinde ac honorificis conditionibus, quibus per id temporis Lucanis, Hirpinis, atque Volscentibus restituta. Societas erat, pacifcerentur. Benigne accepti, auditique Oratores, quod postulabant, impetrarunt, Livio teste libro xxvii. : qui ignoratam ab Gellio, & aliis, qui cum Gellio perperam sentiunt, historiam narrat his verbis : *lisdem ferme diebus ad Q. Fulvium Consulem Hirpini, & Lucani & Volscentes, traditis præsidii Hannibalis, quæ in urbibus habebant, dediderunt sese : clementerque a Consule cum VERBORVM TANTVM castigatione ob ERROREM PRÆTERITVM accepti. Et Brutiis similis spes veniæ facta est, quum ab iis Vibius & Pactius fratres longe nobilissimi Gentis ejus, eandem, quæ data Lucanis erat, conditionem deditionis potentes venissent.* Bruttii Lucanis erant finitimi, quamobrem facile fuit aliorum alios duci exemplo. Quinto autem Fabio Maximo quintum, & Q. Fulvio Flacco quartum Consulibus, Idibus Martiis, quo die magistratum inierunt, ita ab Senatu Italicarum Regionum esse partitum imperium, ut

*C. Fabius ad Tarentum, Fulvius in Lucanis, & Brutiis rem gereret, paullo ante in eodem libro Livius memorat. Probe itaque loco, tempori, atque personis reparata a Brutiis cum Romanis concordia congruit. Livius tamen alio prorsus loco, & tempore Lucanorum deditionem repetit. Post nominatos enim C. Cæcilius, & L. Veturius Consules; Inde (scribit libro sequenti) in Lucanos profecti, ea sine certamine tota gens in ditionem Populi Romani rediit. Nihil hic de Brutiis, auctor gravissimus. Julius nihilominus Obsequens in libro de Prodigiiis capite XLl. posteriori Livianæ historiæ loco priorem miscet, quartumque demum, in annum protracta historia errores cumulat; proditque Q. Veturio Philone, & Q. Cæcilio Metello Cons. Lucani in ditionem Populi Romani sine certamine redierunt. Bruttiorum Vrbes sese Romanis dediderunt. Perspicua. Livii sententia alio profecto trahinequit, nec Obsequens rectæ temporum rationi, solidæ historiæ, ipsique Livio cohæreret, si quæ de Lucanis & Brutiis in Romanorum Societatem, & hîdem a Q. Fulvio Consule receptis scripta sunt, in annum ab Urbe condita quingentesimum quadragesimum octavum referantur.*

XXXII. Bruttiorum in fidem, ac ditionem Populi Romani reductis merito præcipuo ac laudi vertetur Genti, si non modo libera, quæ id egerunt, voluntas, sed temporum quoque cogitetur conditio. Quæ licet impeditissima, ob idque iisdem Brutiis iratus, & adhuc potens hostis extremam perniciem facile posset asferre, constantissime tamen in

fufcepto propofito perfifterunt . Neque tantum perfiftere , verum etiam luculentis exemplis fuam erga Romanos fidem , utilemque operam , nec uno quidem argumenti genere , comprobarunt . Hæc omnia gravibus ex Romana hiftoria petitis momentis ita monftrabimus , ut jure quifpiam inficiari nequeat . Vix Bruttii deditiois conditionem per legatos cum Romanis pepigerant , quum certis comperitur nuntiis : in utroque e malum imminere Hafdrubalem , qui validis fultus copiis fratris vires aucturos , celeriter fuperatis alpiibus , Italiam feliciter eft ingreffus . Sed aliter , quam Poeni putabant , evenit . M. Livino fiquidem Salinatore , & C. Claudio Nerone Cof. Dux idem cædes , atque incendia Italæ ac Romano Populo minitans , cum florenti exercitu ad Metaurum deletus eft : in eaque clade quinquaginta fex hoftium millia a Romanis cæfa narrantur ab Obfequente capite xl. capta quinque millia , & quadringenti . Civium autem Romanorum , qui captivi apud hoftes detinebantur , quatuor millia recepta . Eo vulnere perculfus Hannibal periculum Brutiis auxit , non ademit . Enimvero *amotis inde castris* , ut fcribit Livius libro xxviii. , *omnia auxilia , quæ diffufa latius tueri non poterat , in extremum Italæ angulum Bruttios , contrahit , & Metapontinos civitatem univerfam excitos fedibus fuis , & Lucanos , qui fuæ ditionis erant , in Bruttium agrum traduxit* . Id fpectans Silius libro xvi. verfu 1. cecinit ;

Bruttia mærentem cafus , patriæque , fuosque  
Hannibalem accepit Tellus : hic  
agere feptus

*In tempus pofta ad renovandum bella coquebat .*

Hodieque in Brutiis locus eft , qui *Castra Hannibalis* appellantur . Quamvis autem non femper inibi eum confediffe , certum fit , vero tamen eft quam fimillimum , ibi poft deletum Hafdrubalem præcipuam fixiffe fedem , & castra vallaffe . Quod indicare fortaffe voluit Silius , Hannibalem *agere feptum* in Brutiis memorans : indeque loco nomen factum , quem feniior Plinius libro tertio hiftoriarum naturalium cap. x. his verbis designat . *Terineus Sinus peninfulam efficit , & in ea Portus , qui vocatur CASTRA HANNIBALIS , nufquam anguftiore Italia , xx. millium paffuum latitudo eft . Itaque Dionyfius major intercifam eo loco adiacere Siciliam voluit* . Lucas Holftenius in notis ad Italiam antiquam Philippi Cluverii libro iv. pag. 1306. putat fuiffe *sub loco* , qui nunc *Rocella* dicitur : vel ad Oftia Fluvioi , qui *Rio cupo* . Ibi enim anguftus eft Italæ Isthmus ; atque hoc confirmat Tabula itineraria , quæ ab Lacinio promontorio ad Castra Hannibalis xxxvi. millia paffuum numerat , confentitque accolarum traditio .

XXXIII. Minus valide , negligerterque defenfa Capua multorum Italæ Populorum ab Hannibate animos averterat : quos , quum neque omnes fine virium imminutione ( quod minime tunc expediebat ) divifis retinere præfidiis poffet ; nec iis deductis fpei liberam , vel obnoxiam timori Sociorum fidem relinqueret , majore , ac turpiore malo neceffitatem in fcelus vertit . Præceptum enim , ut fcribit Livius libro xxvi. , in avaritiam , & crudelitatem animus ad fpolianda , quæ tueri



rueri nequibat, ut *visitata hosti relinquerentur, inclinavit*. Id *sedum consilium, tum incepto, tum etiam exitu fuit*. Neque enim indigna patientium modo alienabantur animi, sed ceterorum etiam: quippe ad plures exemplum, quam calamitas pertinebat. Narrat præterea idem Livius libro xxvii. cetera tunc Italia concessisse Hannibalem. Ad reliquas autem difficultates, eam quoque accessisse, ut, *ne alendi quidem exercitum, nisi ex Bruttio agro, spes esset: qui ut omnis coleretur, exiguus tamen tanto alendo exercitui erat*. Jam magnam partem juvenutis bellum occupaverat, & mos vitio etiam insitus genti inter latrocinia militiam exercendi. Nec ab domo quicquam mittebatur, de Hispania retinenda sollicitis, tamquam omnia prospera in Italia essent. Exercitus autem, quem ducebat Hannibal, & in Bruttios transfexerat, eodem teste Livio, non suus Civilis erat sed mixtus ex colluvione omnium gentium: quibus non lex, non mos, non lingua communis, sed alius habitus, alia vestis, alii arma, alii ritus, alia sacra, alii prope dii. Quæ nihilominus quum ita essent, mirum profecto fuit, ac præcipuè duci laudi merito vertit Romanus historicus, prodens: ita quodam vinculo eos copulasse, ut nulla, nec inter ipsos, nec adversus ducem seditio exstiterit; quum & pecunia sæpe in stipendium, & commearus in hostium agro deessent: quorum inopia primo bello Punico multa infanda inter duces, militesque commissa fuerant. Illud longe majori admiratione dignum, extero barbaroque homini, tantum quandoque studium ostendisse Italos, ipsosque Romanos milites, ut non modo frequentes essent ad illum transfugæ, sed vel ex

adverso exercitu quam fidissime secreta proderent. Quo fiebat, ut hostis callidus audaciores animos indies sumeret, dolique, atque fallaciæ in Romanos instructæ feliciter sæpenumero succederent, magno cum rei publicæ detrimento, atque extremo privatorum dispendio. Id & in Bruttios per eosdem dies spectatum est. Quum Locri ab L. Cincio summa vi, & operibus, ac omni tormentorum genere a Sicilia advecto oppugnarentur, Claudius vero Marcellus, ac T. Quintius Crispinus Consules præsentibus subsidii oppugnationem juvare contenderent, neque hostiles suspicarentur insidias ab Hannibale, qui clam de rebus agendis fuerat instructus, mature circumventi, dum temere, ac tumultuario certant, Marcellus lancea transfixus occubuit. Crispinus graviter vulneratus paullopost & ipse periit. Ita duo Consules sine memorando prælio interfecti, ut scribit Livius lib. xxvii. & Julius Obsequens lib. de Prodigis cap. xxix. *velut orbem rempublicam reliquerunt: quod nullo ante bello acciderat*. Hoc casu magis magisque elatus Hannibal, quum frustra subinde tentasset Salapiam, Locros est profectus, ubi Cincium fugavit, urbem obsidione solvit, potitusque si mul est universis machinis, & operibus, quibus muri quatiebantur.

XXXIV. Promissam Romanis fidem quum dederentur, religiose quidem implevere Bruttii: Brutiis tamen pro meritis ac debito Romani non responderunt. Post pactam deditionis conditionem Bruttiorum præsidium, quod ex Hannibalis imperio Tarentum servabat, & tuebatur, re cum Fabio Consule communi-

cata

cata, urbem Romanis per proditorem dedidere. Ingressi nihilominus urbem ex condito Romani, alii alios passim, sine discrimine armatos, inermesque cédunt, Carthaginenses, Tarentinosque pariter. Bruttii quoque multi, inquit Livius libro xxvii., passim interfecti, seu per errorem, seu vetere in eos insito odio, seu ad proditoris famam, ut vi potius, atque armis captum Tarentum videretur, extinguendam. Locri, quo omnis Crotonensis civitas translata erat, tam valido muniebantur Civium praesidio, & Punicis copiis, ut omnem Romanorum conatum facile eluderent. Nec illis Romani potiti essent, nisi cives ipsi, qui Rhegii partim captivi, partim a contraria factione acti exules morabantur, de restituenda urbe pristino illorum imperio ultro consultassent: initisque consilii fidem, ac strenuam adiunxissent operam. Tribus millibus itaque Romanorum cum Q. Pleminio pro Praetore in urbem noctu per scalas a Brutiis exceptis, alteraque ex arcibus eis tradita, acerrimum cum Pœnis certamen incipitur. Livius lib. xxix. *Oppidani Urbem habebant victoribus premium in medio positam. Ex arcibus duabus praeliis quotidie levibus certabatur. Q. Pleminius Romano, Amilcar Punico praesidio praeerat, & accersentes ex propinquis locis subsidia copias augebant. Ipse postremo veniebat Hannibal. Nec sustinissent Romani, nisi Locrensum multitudo, exacerbata superbia, atque avaritia Pœnorum, ad Romanos inclinasset. Novis subinde per Scipionem a Messana allatis suppetiis, territi Carthaginenses, noctu fugiunt. Scipio, ut arcem relictam ab hostibus, & vacua vidit castra, vocatos ad concionem Locrenses graviter*

*ob defectionem incusavit. De auctori-  
bus supplicium sumfit; bonaque eorum  
alterius factionis principibus ob egre-  
giam fidem erga Romanos concessit.  
Publice nec dare, nec eripere se quic-  
quam Locrensis dixit. Romam mit-  
terent Legatos: quam Senatus equam  
censuisset, eam fortunam habituros.  
Et si male de Populo Romano meriti es-  
sent, in meliore statu sub iratis Roma-  
nis futuros, quam sub amicis Cartha-  
ginensibus fuerint. Mox Q. Pleminio  
legato, ac militum praesidio ad urbis  
tutelam relicto, cum auxiliariis copiis  
Messanam repetiit. Scipionis in Lo-  
crenses iudicium severius fuit, quam  
ob mutatam voluntatem, strenuosque  
pro Romanis adversus Pœnum cona-  
tus merebantur. Si autem modus,  
& causa, quamobrem Hannibali olim  
sunt dediti, procul a partium studiis,  
prudenter expendantur ex Livio, ini-  
quum etiam non injuria censeretur po-  
tuit, ac truculentum. Id quod ipsius  
Romani Senatus Consultum, nulla  
non ex parte Locrensis favens, paulo  
post luculenter ostendit.*

XXXV. Male etiam Romani milites, qui Locris ab eodem Scipione sunt relictis praesidio, publice, atque privatim de Locrensis meriti sunt, crudelibusque ac turpibus factis proborum civium expectationem fecerunt. Rem non ex alia, quam ex Romana Livii aperiemus historia, qui lib. xxix. hæc habet. *Tam superbe crudeliterque habiti Locrenses a Carthaginensibus post defectionem ab Romanis fuerant, ut modicas injurias non equo modo animo pati, sed prope libenti videri possent. Verum enim vero tantum Pleminius Amilcarem praesidii Praefectum, tantum praesidiarii milites Romani Pœnos scelere atque avaritia supera-*  
*runt,*



runt, ut non armis, sed vitiis videretur certari. Nihil omnium, quæ inopi inuisas opes potentioris faciunt, prætermisum in oppidanos est ab Duci, aut a militibus. In corpora ipsorum, in liberos, in coniuges infandæ contumeliæ editæ. Jam avaritia ne sacrorum quidem spoliatione abstinuit. Nec alia modo templa violata, sed Proserpina etiam intacti omni ætate thesauri: præterquam quod a Pyrrho, qui cum magno piaculo sacrilegii sui manubias retulit, spoliati dicebantur. . . . Summæ rei Pleminius præerat: militum pars sub eo, quam ipse ab Rhegio abduxerat, pars sub tribunis erat. Rapto poculo argenteo ex oppidani domo Pleminii miles fugiens, sequentibus quorum erat, obuius forte Sergio, & Matieno tribunis militum fuit. Cui quum iussu tribunorum ademptum poculum esset, iurgium inde & clamor, pugna postremo inter Pleminii milites, tribunorumque, ut suis quisque opportunus adveniret, multitudine simul ac tumultu crescente. Victi Pleminii milites, quum ad Pleminium, cruorem ac vulnera ostentantes, non sine vociferatione, atque indignatione concurrissent, probra in eum ipsum iactata in iurgiis referentes, accensus ira domo sese proripuit, vocatosque Tribunos nudari, ac virgas expediri iubet. Dum spoliandis iis [repugnabant enim, militumque fidem implorabant] tempus teritur, repente frequentes milites, feroces recentî victoria, ex omnibus locis, velut adversus hostes ad arma conclamatum esset, concurrerunt. Et quum violata jam virgis corpora Tribunorum vidissent: tum vero in multo impotentiore subito rabiem accensi, sine respectu non majestatis modo, sed etiam humanitatis, in Legatum impetum, lictoribus prius indignum in modum mutilatis, faciunt.

Tum ipsum ab suis interceptum, & seclusum hostiliter lacerant, & prope exanguem, naso auribusque mutilatis, reliquunt. His Messanam nuntiatis, Scipio post paucos dies Locros hexeri ad-  
 vectus, quum causam Pleminii, & Tribunorum audisset, Pleminio noxa liberato, relictoque in ejusdem loci præsidio, Tribunis fontibus judicatis, & in vincula coniectis, ut Romam ad Senatum mitterentur, Messanam, atque inde Siracusam rediit. Pleminius impotens iræ, neglectam ab Scipione, & nimis leviter latam suam injuriam ratus, nec quemquam æstimare alium eam litem posse, nisi qui atrocitatem ejus patiendo sensisset; Tribunos attrahi ad se jussit, laceratosque omnibus, quæ pati corpus ullum potest, suppliciis, interfecit. Nec satiatum virorum corpora, insepultos projecit. Simili crudelitate & in Locrensum principes est usus, quos ad conquerendas injurias ad Scipionem perfectos auditvit: & qui antea per libidinem atque avaritiam fœda exempla in Socios ediderat, tunc ab ira multiplicia edere, infamiæ atque invidiæ, non sibi modo sed etiam Imperatori esse.

XXXVI. Decem propterea Legati Locris ad expostulandas injurias a Pleminio, militibusque Romanis acceptas Romam missi nullo non verborum pondere illorum scelera aperuerunt: nec quidquam omisere, quod vel externo corporis habitus ex more gentis intimum animi dolorem, moeroremque ostenderent. Querentibus autem in Comitio Consulibus, Locrenses esse dixerunt, ea passos a Q. Pleminio legato Romanisque militibus, quæ, ne Carthaginenses quidem, velit Populus Romanus. Orare uti sibi Patres adeundi, deplorandique ærumnas suas potestatem facerent. Senatu dato, maximus na-

eu ex iis, scio, inquit, quanti aestimentur nostrae apud vos querele P. C. Plurimum in eo momenti esse, si probe sciatis, & quomodo proditi Locri Hannibali sint; & quomodo, pulso Hannibalis praesidio, restituti in ditionem vestram. Quippe si & culpa defectionis procul a publico consilio absit, & reditum in vestram ditionem appareat, non voluntate solum, sed ope etiam ac virtute nostra, magis indignemini bonis, ac fidelibus sociis tam atroces, atque indignas injurias ab legato vestro, militibusque fieri. Sed ego causam utriusque defectionis nostrae in aliud tempus differendam arbitror esse, duarum rerum gratia; unius ut coram P. Scipione, qui Locros recepit, quique omnium nobis recte, perperamque factorum est testis, agatur: alterius, quod qualescumque sumus, tamen hae, quae passi sumus, pati non debuimus. Non possumus dissimulare P. C. nos, quum praesidium Punicum in arce nostra haberemus, multa feda indigna, & a praefecto praesidii Amilcare, & ab Numidis, Afriisque passos esse. Sed quid illa sunt collata cum iis, quae hodie patimur? Cum bona venia, quaeso, audiat P. C., id quod invitatus eloquar. In discrimine est nunc humanum omne genus, utrum vos, an Carthaginienses principes orbis terrarum videat. Sed si ex iis, quae Locrenses, aut ab illis passi sumus, aut a vestro praesidio nunc quam maxime patimur, aestimandum Romanum, ac Punicum imperium sit, nemo non illos sibi, quam vos Dominos praepiet. Et tamen videte quemadmodum Locrenses in vos animati sunt. Quum a Carthaginiensibus injurias multo minores acciperemus, ad vestrum imperium confugimus: quum a vestro praesidio plusquam hostilia patiamur, nusquam alio, quam ad vos quereelas detu-

limus. Aut vos respicietis perditas res nostras P. C., aut ne ab Diis quidem immortalibus, quod precemur, quicquam superest. Q. Pleminius legatus missus est cum praesidio ad recuperandos a Carthaginiensibus Locros, & cum eodem ibi relictus est praesidio. In hoc legato vestro (dant enim animum ad loquendum libere ultimae miseriae) nec hominis quicquam est, praeter figuram, & speciem, neque Romani civis praeter habitum, & sonum Latinae linguae. Pestis, ac belua immanis, qualem fretum quondam, quo ab Sicilia dividimur, ad perniciem navigantium circumfedissee fabulae ferunt. Ac si scelus, libidinem, & avaritiam solus ipse exercere in Socios vestros satis haberet, unam profundam quidem voraginem tamen patientia nostra expleremus. Nunc omnes Centuriones, militesque vestros [adeo in promiscuo licentiam, atque improbitatem esse voluit] Pleminius fecit. Omnes rapiunt, spoliunt, verberant, vulnerant, occidunt, constuprant matronas, virgines, ingenuos, raptos ex complexu parentum. Quotidie capitur Urbs nostra, quotidie diripitur: dies, noctesque omnia passim mulierum, puerorumque; qui rapiuntur, atque asportantur, plorantibus sonant. Miretur, qui nesciat, quomodo, aut nos ad patiendum sufficiamus, aut illos qui satietas ceperit. Neque ego exsequi possum, nec vos operae est audire singula, quae passi sumus. Communiter omnia complectar. Nego domum ullam Locris, nego quemquam hominem expertem injuriae esse. Nego ullum genus sceleris, libidinis, avaritiae superesse, quod in illo, qui pati potuerit, praetermissum sit. Vix ratio iniri potest, uter casus Civitatis sit detestabilior, quum



*hostes bello urbem cepere, an quum ex-  
-ciabilis tyrannus. vi atque armis oppres-  
-sit. Omnia, quæ capta urbes patiuntur,  
-passi sumus, & nunc quam maxime  
-patimur P. C. Omnia crudelissimi, at-  
-que importunissimi tyranni scelera in  
-oppressos civis edunt, Pleminius in  
-nos, liberosque nostros, & conjuges  
-edidit. Pleminii Romanorumque mi-  
-litum deinde narratis sacrilegiis, gra-  
-vissima orationi Legatus finem impo-  
-nit, tot injuriarum, ac scelerum pœ-  
-nas deposcens. Jussis extemplo legatis  
-excedere, ingens animorum est facta  
-commotio. Pleminius juxta ac Scipio  
-principum orationibus lacerari: præ-  
-ceteris autem Q. Fabius, natum ad  
-corrumpendum disciplinam militarem  
-ipsum arguere. Sententiam porro ad-  
-jecit: Pleminium legatum vincitum Ro-  
-mam deportari placere, & ex vincu-  
-lis causam dicere: ac si vera forent quæ  
-Locrenses quærentur, in carcere necari,  
-bonaque ejus publicari. P. Scipionem,  
-quod de provincia decesserit injussu Se-  
-natus, revocari; agique cum Tribunis  
-plebis, ut de imperio ejus abrogando  
-ferrent ad populum. Locrensisibus co-  
-ram Senatu respondere quas injurias  
-sibi factas quærentur, neque Senatum,  
-neque Populus Romanus velle factas.  
-Viros bonos, sociosque, & amicos eos  
-appellare, Liberos, conjuges, quæque  
-alia erepta essent, restitui; pecuniam,  
-quanta ex thesauris Proserpina sublata  
-esset conquiri, duplamque pecuniam in  
-thesauris reponi, & sacrorum piacula-  
-re fieri. . . . Milites qui Locris essent,  
-omnes in Siciliam transportari: qua-  
-tuor cohortes Sociorum Latini nominis  
-in præsidium Locros adduci. Prætor  
-Legatique, ut Senatus decreta exsequu-  
-tioni mandarent, in Bruttios profecti,  
-primum Religionis curam ex præscri-*

*pto habuerunt. Post restitutam deinde  
-loco sacro pecuniam, resque cujusvis  
-generis, & libera corpora, quibus de-  
-bebantur, reddita, Locrensiū concio  
-advocatur, denuntiaturque. Iis liber-  
-tatem, legesque suas Populum Roma-  
-num, Senatūque restituere.*

XXXVII. Tot injurias, & mala,  
gravissima, quæ ab improbis militi-  
bus Romanis, atque præfectis reverſi  
in eorum ditionem populares multifa-  
riam patiebantur, profecto non ignora-  
bant alii Bruttii, qui in paucis illis op-  
pidis, ab Hannibale Punico præsidio  
adhuc oppressis, confidebant: & ta-  
men vicit hæc omnia affecta ipsorum  
erga Romanos voluntas, novisque fa-  
ctis, proprio ubique contento periculo,  
ostenderunt. Enimvero quamvis Brut-  
tiorum deditio Q. Fulvio Consuli facta  
nobiliores populos, ac longe majorem  
eorundem urbium partem ad Roma-  
nos attraxerit, aliquot nihilominus  
sub Hannibalis imperio restabant op-  
pida, obscuri fere nominis, si unum,  
aut alterum excipias. Ex his Petilia a  
M. Scipione Consule vi capta, Consen-  
tia, & Pandosia inquit Livius libro  
undetricesimo, & ignobiles aliæ Ci-  
vitates in deditionem venerunt. Anno  
nihilominus sequenti testatur idem Li-  
vius libro XL. Ad Cn. Servilium Con-  
sulem, qui in Brutiis erat, Consen-  
tia, Uffugum, Vergæ, Besidia, He-  
triculum, Sybbeum, Argentanumque,  
Dampetia, multique alii ignobiles po-  
puli, senescere Punicum bellum cernen-  
tes, defecere. Verum, & hic Livius ne-  
gotium facessit. Quæ siquidem ab eo  
nominatur, Consentiam jampridem in  
Romanorum ditionem rediisse constat,  
nec rursus ad Carthaginenses defecisse  
legimus. In nonnullis MS. Codicibus  
non Consentia, sed Cossennia, & Cos-  
sannia

*fannia* scribitur. Cossennia autem id oppidum censetur, quod nunc in Bruttiiis *Cassanum* dicitur, Episcopali fede insigne. Ad ipsum pertinet vetus epigraphium in agro Uxentino a nobis descriptum.

D. M.

L. HETERIO Q. F.

DOMO COSSENNIA

CENT. LEG. GALBIANAE

QVI MIL. ANN. XVI. M. X

IVL. ROSCIUS COMMILEX

B. M. P.

Verum, si hoc idem, quocumque fuerit, oppidum, ad Romanos rediit M. Cornelio Cerrhego, & P. Sempronio Tuditano Cofs., quomodo paucos post menses jam actum agit? Perperam fortasse a Livio divisa sunt, quæ uno fuerant loco narranda. Conjecturam, firmat Obsequens in libro de Prodigiiis cap. xliii., ubi Sempronio Consule, nullas in Bruttiiis urbes in Romanorum fidem rediisse memorat, sed tantum anno sequenti, quo Cn. Servilius Consulatum gessit. Scribit enim capite xlv. *Romani multas in Bruttiiis ad se deficientes Civitates receperunt, Hannibalemque in agro Crotoniensi ceciderunt.* Prior Livii locus, si penitus expendatur, designatam interpretationem facile admittit, obiectosque nodos solvit. *Mirabile* siquidem *videri* potest, tam sæpe illustrem Urbem defecisse, neque suspectam ejus, a quibus semel defecerat, fidem habitam. Quod scite, atque opportune expendit, & fatetur Sigonius in Scholiis ad librum xxv. pag. 213. ubi ingestas a Livio ambages, minime retinet. Interea constans Bruttiorum in Romanos voluntas & opera strenua magis magisque illorum vires adversus Pœnos confirmabant; contra vero

( L. )

hostiles debilitabant opes, sine quibus diutius in ea regione Dux Barbarus perstare non poterat. Et Romani quidem Bruttiorum in se animos probe noscentes, utilemque in dies comprobantes operam, nihil habuerunt antiquius, quam militum ex ipsis Bruttiiis augere præsidia, ubi Carthaginenses extremos conatus experiri volebant. Proinde libro vicefimo nono narrat Livius: *M. Cornelio, P. Sempronio Cofs. ( quintus decimus is annus belli Punici erat ) Provincia Cornelio Hetruria cum veteri exercitu, Sempronio Bruttii, ut novas scriberet legiones decreta. Pauca demum illa Oppida Punico in Bruttiiis ab Hannibale firmata præsidio, ipsomet Livio teste libro xxx. magis metu, quam fide retinebantur: tantum abest, ut seclusa vi atque necessitate, ultro libenterque Bruttii Carthaginensibus studuerint, quamvis iisdem obtemperare cogerentur.* Errat autem Paullus Diaconus libro iii. historiarum cap. xvii. scribens: *Q. Cecilio, & L. Veturio Cofs., triennio nimirum ante devictum Hannibalem, omnes prorsus Civitates, quæ in Bruttiiis ab Hannibale tenebantur, Romanis se dedisse.* Paullus ducem habuit Eutropium, qui totidem fere verbis idem prodit in Epitome libro iii. *A Petilia classe ducem barbarum Africam repetisse freta,* ex Valerio Maximo libro nono capite viii. alibi notavimus. Ab Italia vero discessurus Hannibal, belloque cum primis gravi, ac permolesto finem impositurus, *quod roboris in suo exercitu erat, teste Livio eodem libro, in Africam transvexit.* Multos autem *Italici generis*, quod illò sequi Pœnos abnuerent, quum in Junonis Laciniae delubrum, ad eum diem inviolatum, concessissent, ibidem sæde interfe-



interfecit. In illis Bruttii plerique erant, sed eos vi ac necessitate, barbari ducis sequi iussa, fuisse compulso, paullo post auctor ipse testatum reliquit. His ipsis Italici generis in Africam abstractis militibus adeo parum fidei idem Hannibal, ut quo die sinistro eventu cum Scipione confligit, singulari arte ex eodem Livio exercitum instruens Italicos intervallo quoque diremtos, incertus socii, an hostes essent, in postremam aciem summotos voluit. In his fuisse aliquam saltem partem sex Romanorum millium, quæ capta in Castris apud Cannas Hannibal retinebat, ac redimere Senatus renuit, quum ab eo potestas fieret, memor, tantam multitudinem armatorum juvenum, si honeste mori voluissent, turpiter capi non potuisse, facile quispiam putabit: de quibus Valerius Maximus lib. ii. cap. vii. num. 15., & alii.

XXXVIII. Hæc autem quum ita se habeant, toto errat cælo, gerrasque Siculas lectoribus obtrudit Appianus Alexandrinus in Hanniballica Historia pag. 598. editionis Amstelodami, curatæ ab Alexandro Tollio, prodens Ἀντίβου ἀποπελεύσαντες ἢ βουλῇ τοῖς μὲν ἄλλοις ἔγνωσι τῆς Ἰταλίας, οἱ σοὶ μετέθεντο πρὸς ἑμῶν συνέγνω τῶν γεγονότων, καὶ ἀμνηστίας ἐψηφίσαντο. Βρυττιῶν δὲ μόνων, οἱ μέχρι τέλους αὐτῶν προθυμότητοι ἐγενένηντο, χώραν τὰ πολλὰν ἀφελετο, καὶ ὅπλα εἰ τινα ἔτι χωρὶς ὧν Ἀντίβου ἀφῆρητο, ἐς τὰ μέλλον ἀπῆλθεν αὐτοῖς μὴ στρατεύεσθαι ὡς ἔδ' ἐλευθέροις ἔσιν ὑπερήτας δὲ τοῖς ἐς τὰς τῶν ἔθνων ἡγεμονίας ἀπῆλθιν, ἐς τὰς δημοσίας ὑπογεσσίας οἷα τεράτωντας ἀκολουθεῖν. Id est: Hannibale digresso, Senatus omnibus Italiciis populis, qui ad Pœnum defecerant, veniam tribuit, resque omnes antea actas oblivione sempiterna delendas censuit.

Bruttiis, quia ad ultimum promptissimi Socii Hannibali permanserunt, pars agri ademta, armaque, si qua restabant, præter ea quæ Hannibal prius eriperat. Omni etiam militia, ut qui jus libertatis amisissent, illis interdictum, & Romanos Consules in provincias euntes, ad publica munia obeunda, veluti famuli sequi iussu sunt. Appianus Græcus auctor, altero Christi sæculo floruit, quæque hic de Bruttis narrat, omnium primus, post annos ferme trecentum quinquaginta ab eo tempore, quo res ipsæ decretæ produntur, commentus est. Si quis hæc tenus prolata ex Livio longe graviore, & antiquiori Romanorum historico cum Appiani loco conferat, facile intelliget, plus æque exaggeratæ in Bruttios enarrationi a Græco homine fuisse indultum. Joannes Bodinus in method. histor. cap. iv. Appiano de Romanis scribenti se non ubique assentiri fatetur. Ipsum in Romanorum antiquitate sæpe lapsu, compertum est Antonio Possævino in Bibliotheca selecta. Neque injuria multis in rebus levem jampridem notavit Sigonius de historia Romana cap. xv. Obtrusa de pœnis fabula, quas ex omnibus Italiæ populis unus Bruttios ob defectionem, constanterque ad Hannibalis in Africam reditu servatam Pœno fidem & societatem, dedisse memorat, non una de causa Appianum redarguit erroris & incitiæ. Enimvero quæ Romani infligere Campanis supplicia, postquam illorum urbs vi & armis recuperarunt, satis fuisse narrat Livius libro xxvi. Ad lxx. ( inquit ) principes Senatus interfecit. Trecenti fere nobiles Campani in carcerem traditi. Alii per sociorum Latini nominis urbes in custodias dati variis casibus interierunt. Multitudo alia

*civium Campanorum venum data. De urbe agroque reliqua consultatio fuit: quibusdam delendam consentibus urbem praevalidam, propinquam, inimicam. Ceterum praesens utilitas vicit. Nam propter agrum, quem omni fertilitate terrae, satis constabat, primum in Italia esse, urbs servata est, ut esset aliqua aratorum sedes. Vbi frequentandae multitudo incolarum, libertinorumque et insitiorum, opificumque retenta. Ager omnis, et tecta Populi Romani facta. Ceterum habitari tantum tantquam Urbem Capuam frequentarique placuit. Corpus nullum Civitatis, nec Senatus, nec plebis concilium, nec magistratus esse. Sine consilio publico, sine imperio multitudinem, nullius rei inter se sociam ad consensum inhabilem fore. Praefectum ad iura reddenda ab Roma quotannis missuros. Quod profecto paene genus prudentium virorum iudicio gravius aestimatum fuit, quam si solo Urbs aequata esset, moenibusque destituta & aedificiis. Hinc Legatus Macedonum apud Livium libro xxxi. pronunciavit: Capua quidem sepulchrum, ac monumentum Campani populi, elato, et extorri ejecto ipso populo, superest urbs trunca, sine Senatu, sine plebe, sine magistratibus, prodigium relicta crudelius habitanda, quam si deleta foret.*

XXXIX. Joannes Lamenfis in Oratione de origine, et situ Tarenti ad Raymundum Urfinum Soleti, & Lupiarum Comitem: secundo (inquit) bello Punico, ob defectionem ad Hannibalem, aversumque ab Romanis animum ad extremum ostensum, Tarentum a Senatu male multatum fuit. Magna siquidem ex parte aequata solo urbe, pristina amplitudine sua Civium frequentia, et opibus defecit. Qui

Joannis Orationem legit Antonius Galateus, Ferdinando I. Aragonio Neapolitanorum Regi aequalis aetate, in libro de situ Japygiae, de Tarento loquens, id ipsum sensisse videtur. Scribit enim pagina 27: *Hae amplitudine et divitiis et civium multitudine diu floruit usque ad secundum bellum Punicum.* Scimus non deesse, qui Joannis testimonio freti majorem in Appianum conflent invidiam: quasi aliarum ipse Italicarum Urbium peccatum, & poenas dissimulans, unos Bruttios immerito probis oneret. Altius tamen investiganda Tarentinorum historia est, nec plus recentium Scriptorum assertis tribuendum, quam explorata antiquorum monumentorum fides postulat. Livius libro xxvii. post narratum Bruttiorum reditum in Romanorum fidem priistinam, Urbes Mandurium, atque Tarentum in Sallentinis recuperatas memorat. Addit praeterea: *De Tarentinis inde magna contentione in Senatu actum coram Fabio, defendente ipso quos ceperat armis, aliis insensis, et plerisque aquantibus eos Campanorum noxae poenaeque, Senatus consultum in sententiam M. Aurelii factum est, ut oppidum praesidio custodiretur, Tarentinique omnes intra moenia continerentur; res integra postea referretur, quum tranquillior status Italiae esset.* Auctor ipse libro xxx. Dictator ad idipsum creatus P. Sulpicius pro jure majoris imperii, Consulem in Italiam revocavit. Reliquum anni cum M. Servilio Magistro equitum circumeundis in Italia Urbibus, quae bello alienatae fuerant, noscendisque singularum causis consumsit. At de illis nihil actum, nec in ipsos ultra progressum, apud Livium legitur. Et quidem benigne, clementerque cum



cum Tarentinis rem esse transactam, nihilque eos communiter pœnæ dedisse, quæ perennaret ad posteros, liquet ex Oratione Sulpitii recitata libro xxxv. Livianæ historiæ: Ubi narratur, pactum primo cum illis jus fœderis, & societatis, constanter deinceps viguisse, ac etiam post bellum Punicum secundum mansisse integrum. *Ab Rheginis, & Neapolitanis, & Tarentinis, ex quo in nostram venerunt potestatem, uno, & perpetuo tenore juris, semper usurpato, numquam intermisso, quæ ex fœdere debent, exigimus.* Præterea quamvis post receptos in fidem Bruttios Tarentum a Romanis sit subactum, id nihilominus non extremo illo tempore accidit, quo Hannibal in Africam transmissurus, reliquit Italiam, sed aliquot ante annos. At vero, si non Tarentini, alii certe Italiæ Populi eo nomine Appianum urgent, ac magis magisque Bruttiorum causam tuentur, atque commendant. Ligures enim, & qui finitimi Liguribus erant Galli, quo tempore Hannibal in Africam rediit, pertinaciter Pœno studebant, hærebantque, ut liquet ex Livii libro xxx. Postquam in Africam Dux ipse remigravit, bellum adversus Romanos continuans, *Auxilia Ligurum, Gallorumque* habebat in acie. Variam autem ipsius adhortationem pro militum discrimine idem historicus referens: *Gallis* (inquit) *proprio, atque insito in Romanos odio accenduntur. Liguribus campi uberes Italiæ deductis ex asperrimis montibus in spem victoriæ ostentantur.* Quam infesti porro Romano Populo Ligures fuerint libris xxxiv. & vi. prosequitur Livius. Victi demum atque deleti meritis diuturnæ temeritatis, & impo-

tentiæ luere pœnas, ut legimus in libris xxix. & xl. Falsum itaque est, ex omnibus Italiæ Populis unos Bruttios ad ultimum a Romanis averfos stuidisse Hannibali: falsum quoque solos proinde dedisse pœnas defectionis, & societatis pertinacissimæ.

XL. Strabo Græcus item auctor, qui Tiberio imperante vixit, libro v. Geographiæ, Livio ipsique Appiano adversus oppido, scribit ob defectionem ad Hannibalem non Bruttios tantum, sed & Picentes, Lucanosque pari ab Romanis pœna fuisse affectos, *Cursum nimirum ac Tabelliariorum fungentes munere:* Τὸν δὲ Πικαντῶν ὑπὲρ χε μητρόπολιν Πικαντίαν, νυνὶ δὲ κομινθὸν ἔχουσιν ἀποσπέντες ὑπὸ Ρωμαίων διατεταμένους Ἀντίβαν κοινωρίαν, ἀντὶ δὲ στρατίας ἡμεροδρομεῖν, καὶ γραμματοφορεῖν ἀπεδείχθησαν ὅν τῳ τότε δημοσίῳ, κατὰ περ καὶ Λευκανοί, καὶ Βρῆττοι κατὰ τὰς αὐτὰς αἰτίας. Id est: *Picentum caput fuit Urbs Picentia, sed nunc per pagos habitant, a Romanis urbe expulsi, quod se Hannibali conjunxissent: quo quidem reipublicæ statu pro militariis iis injunctum fuit, ut Cursores ac Tabellarii essent: sicut & eandem ob causam Lucanis, & Bruttis.* Josephus Scaliger in castigationibus ad Sexti Pompei libros de Verborum significatione, Verbo *Bruttiani* pag. xxxiii. editionis Parisiensis, huc referre contendit locum Fulgentii Placiadæ, in libello de *Prisco sermone* ad Chalcidium Grammaticum, verbo *Congerones*. At longe aliam inibi esse auctoris mentem, ita exploratum est, ut explicatione plane non egeat: *Congerones* (inquit) *qui aliena ad se congregant: unde apud Romanos Gerones Brutiani sunt.* Enimvero *congerere* Latinis *accumulare,*

*lare*, & coacervare est, Bruttii autem eo nomine sunt appellati, quod eas, in quibus late dominabantur regiones, & oppida, finitimis populis eripuerant: tantasque opes brevi sunt adepti, ut etiam Regibus perniciosi essent, teste Justino in summa historiarum Tregi Pompei lib. xxiii. Tum vero Scriptor ipse citato loco, tum Livius libro xxviii. Bruttios prædæ conquirendæ potissimum fuisse addictos testantur. Alio etiam ex capite Strabonis assertum fide laborat. De Picentinorum siquidem ad Pœnos defectione nulla, prorsus apud Livium occurrit mentio, quando alios, & quidem finitimos, nominat; verbisque, & amplificationi non parcat, ut Italorum Populorum vitium, extremumque Romanæ Reipublicæ periculum aperiat. Idem scriptor Lucanorum tantum partem ab Romanis descivisse prodit. Cum autem ipsos tum etiam Bruttios sola *verborum increpatione ob præteritum errorem* pristinae illorum gratiæ, & societati restitutos fuisse, ex eodem historico paullo ante notavimus. Vir eruditissimus Laurentius Pignorius in Commentario de *Servis*, & eorum apud veteres ministeriis, agens de Cursoribus, & Tabellariis, locum Strabonis, vel non animadvertit, vel, quod mihi longe verosimilius videtur, consulto præterit: adeoque ne verbum quidem de Cursoribus, & Tabellariis Lucanis, Picentinis, & Brutiis ingerit. Quod factum bene est ab homine emundæ naris, & docto. Enimvero supervacaneum omnino erat ac turpe, putidas fabellas pro historiis obtrudere. Apud veteres insuper Scriptores, qui post alterum bellum Punicum florere, Numidas, Magyces, Cappadoces, alios, *Cursos* memora-

tos legimus, Bruttios autem *Lucanos*, atque *Picentes* nusquam.

XLl. Sed fingamus Livii antiquioris, ac longe gravioris in re Latina historici auctoritatem utrique scriptori Græco non ob stare. Qui, ut suo loco vidimus, Bruttios eadem cum Lucanis conditione, nulla scilicet infligta ob præteritum errorem pœna, in priitina Romanorum gratiam, & societatem indiscriminatim receptos memorat. Fingamus in illos fuisse animadversum, qui auctores defectionis existerent, vel ad ultimum Carthaginiensibus pertinaciter studuerunt. Si Straboni fides est habenda, supplicium reorum dumtaxat personas atfecit, nec ad posteros fuit productum. Ipse siquidem ad eum tantum reipublicæ statum irrogatam pœnam refert, qui proxime Punicum bellum excepit. Hac in parte non alia, fortasse fuit mens Appiani, quam *personalem*, ac *temporariam* Bruttiorum animadversionem aperire; non autem perpetuam, & ad posteros productam prodere. Qui aliter eum accipiunt, benigniore interpretatione privant, & id in ipso legunt, quod auctor certe non scripsit, nec rationi congruit. Nihil sane videtur iniquius, quam longa ab stirpe nepotes infantes majorum ferre supplicium: eoque non personas certas, quæ diliquerant, sed nationem universam onerare, ac gentem. Tantum vero abest, ut Romani hujusmodi sanctissimas justitiæ leges violaverint, quin etiam suapte culpa damnatis, hoc ipso adverso, ac permolesito tempore, sententiæ rigorem sapientissime temperarunt. Narrat enim Valerius Maximus libro II. Cap. VII. num. 14, eos qui apud Cannas rempublicam deseruerant, *ultra mortuorum conditionem relegasse*. Receptis tamen a M. Marcello

lite-



literis, ut eorum sibi opera ad expugnationem Siracusarum uti liceret, rescripsisse: indignos esse, qui in castra reciperentur. Ceterum se ei permittere, ut faceret quod expedire reipublicæ iudicasset: dum ne quis ex eis munere aut dono militiæ donaretur: aut in Italiam dum hostes in ea essent, eccederet. Ne id vero cum alterutro scriptori Græco sentiam: alia item faciunt, quæ in hoc, de qua agimus, historiæ genere, negotium facessunt, & difficultates augent. Strabo siquidem non Brutios tantum, sed & *Picentes*, *Lucanosque* pœnas dedisse narrat. Appianus, universis Italiæ populis, qui ad hostem defecerunt, Romanos pepercisse, unosque Brutios punitos esse. Neque illos ut *Cursores*, & *Tabellarios* agerent, sed ut publica obirent ministeria apud *Consules* in provincias euntes. Gellius contra & *Feltus*, non *Consulibus* sed promiscue *Magistratibus* ea ministeria a Bruttiis impensa pronunciant. Ut nihil addam de armis, jure militiæ, libertate, & parte agri ob id crimen Bruttiis ademta, quæ Appiani puræ putæ fabellæ sunt. Porro autem veræ historiæ argumentum est auctorum consensus, non repugnantia: suspensionemque fallitati prudentibus lectoribus non levem ingerunt, qui rem varie narrant.

**XLII.** Si quis autem ex tanto scriptorum diffidio id saltem velit colligere: affectos quidem pœna fuisse reos Brutios, licet quæ illa fuerit, & quousque se extenderit, minime constet. Quemadmodum id genus pœnæ temporariæ, vel incertiæ, quæ noxios dumtaxat Brutios attingebat, nihil universæ genti, ac posteritati obest: ita si aliter notatorum scriptorum dicta accipiantur, gravioribus absurdis de-

prehendentur obnoxia. Arbitrarium enim vero ac falsum Appiani habetur assertum, Brutios omni militia cum universa posteritate fuisse exutos, tum jure libertatis amisso, pro sociis, quod Gellius adjecit, deinde non habitos. Adversus utrumque figmentum ex Romana historia adeo aperta suppetunt argumenta, ut plane ineptus sit, ac stolidus, qui hujusmodi in posterum larvas sectari velit, atque ultro veritatem deferere. Anno decimo a peracto bello Punico secundo, *Quintio Flaminio*, & *Cn. Domitio Ahenobarbo Consulibus*, imperatum *M. Baebio Pamphilo* est, ut in Brutios proficiscens, ad legionum quæ sibi decretæ fuerant, supplementum, novos milites ex sociis scriberet. Livius libro xxxv. *Baebio Pamphilo* in Brutios duæ legiones decretæ, quæ prioræ anno *Urbanæ* fuissent, & ut sociis eodem militia produm xv. imperarentur, & *Quingenti equites*. Idem libro sequenti: *C. Livius præfectus Romanæ classis* ... quum sex *Punicas* naves in auxilium missas accepisset, & ab *Reginis Locrisque*, & ejusdem *Juris Sociis* debitas exegisset naves, lustrata classe, ad *Lacinium*, altum petit. Sub initium libri xli i.: *Q. Fulvius Flaccus, Censor* ... profectus in Brutios eadem *Junonis Lacinie* ad partem dimidiam detegit ... *Fremitus* igitur in curia ortus est. ... *censorem moribus regendis creatum*, cui *sarta tecta* exigere *sacris publicis*, & loca tuenda more *majorum* traditum esset, eum per *Sociorum Urbes* diruentem *templa*, nudantemque *tecta ædium sacrarum* vagari. Et quod, si in *privatis Sociorum ædificiis* faceret, indignum *videri possit*, id *Deum immortalium demolientem* facere. In eodem libro post medium: *Premissus a*  
Præ-

*Prætor (classis) est frater Lucretius cum quinquereme una: jussusque ab sociis ex fœdere acceptis navibus in Cephalleniam classi occurrere, ab Reginis trireme una, ab Locris duabus, ab Uritibus quatuor, præter oram Italiæ supervectus, Calabriae extremum promontorium in Ionio mari Dyrrachium trajecit. Qui in navibus militabant Navales Socii appellantur a Livio libro xxxv. ita dicti, ut ex Polybio interpretatur Turnebus libro xi. adversariorum, capite duodevicesimo, qui præter census tenuitatem, non ad bella terrestria, & legiones, quæ majores exigebant impensas, centuriabantur, sed in classe, belloque navali sua nomina dabant. Inopes vero egentisque a militia apud Romanos fuisse exclusos, propterea quod egestas facile ad prodicionem posset impellere, Julii Exuperantii testimonio notavit Henricus Savilis in Commentario de Militia Romana numero xi i. Huc spectat Arnobii locus libro II. adversus Gentes: *Define hominem proletarius cum sit, classibus & capite censeatur, adscribere ordinibus primis. Cum sit inops, pauper lare, & tugurii pauperis, nec patricie claritatis unquam meritis nuncupari.* Animadvertit autem Lipsius libro i. de Militia Romana Dialogo vii. totam Italiam sub Polybii tempus, qui Scipione Africano vivente floruit, subiectum fuisse Romanis, sed ita (inquit) ut in provinciam nulla pars redigeretur: liberi manebant suis legibus plerisque & magistratibus, excipio paucas præfecturas (quas fane nullas in Bruttiiis fuisse constat) & Socii appellabantur, quasi confœderati, & consortes armorum. In procinctu ratio virium cujusque oppidi habebatur, & census: qui ut varius cuique familiæ*

erat, ita varius quoque militum numerus imperabatur, qui publicæ rei adjumento esset, & opportuno subsidio. Si vel tenui viventes censu Bruttii Socii navalibus bellis dabant operam, ut Romanæ Reipublicæ fines suis opibus proferrent, & sanguine tuerentur, qui ampliori aucti erant, peditumque phalanges, vel equitum turmas implere poterant, profecto non excluderentur. Præstare tamen id nequaquam potuissent Bruttii, si a Romanis servilis conditionis fuissent habiti, ob idque omni prorsus exclusi militia. Ut enim libro III. de Capit. diminut. docet Paullus: *Caput servile nullum jus habet; caret nomine, censu, tribu.* Quod prodit & Quintilianus in Declamatione cccxi. multi in orbe Romano occurrunt literati lapides, in quibus Bruttios post alterum bellum Punicum militasse constat. Epitaphium Consennienis militis Centurionis legionis Galbianæ, recitavimus numero xxxvii. Alia id genus monumenta consulto præterimus, ne rei satis notæ allaborare videamur studio & opera supervacua. Bruttianæ Parmæ, quibus scilicet Bruttii milites utebantur, quod percommodæ, & quam utiles essent, ab antiquis, recentibusque Scriptoribus potissime commendantur. Sextus Pompejus Festus de verborum significatione: *Bruttianæ Parmæ (inquit) dicebantur Scuta, quibus Bruttiani sunt usi: Item: Parmulis pugnare milites soliti sunt; quarum usum sustulit C. Marius, datis in vicem earum Bruttianis: De his lo: Antonius Valtrinus libro III. de re militari Romanorum Cap. xii. Velitum forte Parmas extremis temporibus iterum sustulit Marius (ut Festus ait Verbo Parmulis) datis in vicem earum Brut-*  
tia-



tianis: idest, ut idem verbo *Bruttiana* interpretatur, scutis, quibus *Bruttiani* utebantur. Hæc autem scuta ovalis figura fuisse puto. In æreo enim Nummo vidi militem cum ovali scuto, quod secundum longitudinem induebatur, cum inscriptione *ΒΕΡΓΙΛΙΩΣ*. Sic enim Græci *Bruttios* vocant. Atque ita sane in veteri inscriptione *Regii* adhuc legitur. Recensitos *Festii* locos expendens *Aldus Manutius* lib. 111. de *Quæstis per Epistolam* Cap. VI. De *Parma*, *Clypeo*, *Scuto*, *Pelta*, & *Ancile*: Aliam conjecturam affert, qua illos illustret. Quibus verbis (inquit) non hoc dicit (*Festus*) sublatum esse *Parmarum* usum, sed pro Romanis *Bruttianas* esse inductas; non mutata forma, (rotundas enim ætate sua *Varro*, *Mario junior*, ostendit) sed magnitudine, vel aucta, vel imminuta. Auctam autem verosimilius est, quia Romanas *Festus* *PARMULAS*, *Bruttianas* vero *PARMAS* appellat. Apud *Joannem Florium* Tomo 1. *Calabriæ Illustratæ* libro 111. parte secunda, in antiquis *Bruttiorum* nummis folio 310. numeris 1V. & V. expressis armatos milites cum hujusmodi *Parmis* videre licet. Capite V. pag. 338. auctor ipse eosdem nummos exponit: ita tamen, ut majorem diligentiam & eruditionem desideres. De ejus generis nummo *Magnæ Græciæ* videndus & *Goltzius*. Opportune tamen hic animadvertendum est, contra veterum scriptorum loquendimorem *Bruttiorum Parmas* a *Festo Pompejo* *Bruttianas* dici. Quæ enim ad *Bruttios* *Calabriæ* populos res pertinebant, *Bruttias* appellasse Latinos priscos, purique sermonis, alibi num. xii. notavimus. Distinguendi enim vero sunt loquendi usus, & variantis latininitatis tempora notanda, ne illorum

confusio errores pariat, & absurda.

XLIII. *Bruttiarum* urbium vigens subinde conditio susceptæ causæ patrociniò validiora argumenta supeditat. Cujus vi non solum societatem illæ cum *Populo Romano* retinebant, & jus militiæ, verum etiam jure Civitatis potiebantur, quocum cetera quoque nobiliora *Romanæ Reipublicæ* munera capiebant, communesque pro ordinum, ac personarum discrimine habebant honores, & dignitates. Enimvero, si paucas excipias, quæ erant *Federatæ*, reliqua *Municipia* fuerunt, vel *Coloniæ*. Quæ res, quantum illorum adversetur asserto, qui puros putosque *Romanorum servos*, omni societate, jure militiæ ac Civitatis exutos post alterum bellum *Punicum* ad *Jesu Christi* mortem *Bruttios* fingunt, *Romanam* callentes historiam facile noscunt. *C. Vellejus Paterculus* libro 1. historiæ *Romanæ*, anno *Dxv.* ab Urbe condita *Valentiam* in *Bruttiis* *Coloniæ* deductam memorat. *Livius* libro xxxv. aliter prima fronte sentire videtur. Anno siquidem *Dlxvii.* *L. Quintio*, & *Cn. Domitio* *Coll.* scribit: *Vibonem* *Colonia* deducta est. Senatus consulto *Plebisque* scito tria millia & septingenti *pedites* ierunt, trecenti equites: *Trium viri* deduxerunt eos. *Q. Nevius*, *M. Minutius*, *M. Furius* *Crassipedes*. *Quindena jugera agri* data in singulos *pedites* sunt, duplex *equitibus*. *Bruttiorum* proxime fuerat ager: *Bruttii* ceperunt de *Græcis*: At *Vir* clarissimus *Guilelmus Godelevæus* in *Adnotationibus* ad *Livii* librum 1V. Capit. viii. tunc restitutam *Coloniæ*, non primo deductam censet. *Strabo* libro vi. *Geographiæ* Urbem ipsam *Hipponium*, *Locrorumque* edificium nominat: quod *Bruttiis* eripuisse *Romanos*,

ipſosque *Vibonem Valentiam* appellafſe prodit . Titus Livius libro xxxiv. P. Cornelio Scipione Africano II. & T. Sempronio Longo Conſulibus duas *Latinas* in Bruttios & Thurii agrum , qui e Bruttiorum ditione fuerat , miſſas Colonias narrat his verbis : *Exitu bujus anni Q. Aelius Tubero Tribunus plebis tulit ad plebem , plebeſque ſciuit , ut Latinae duae Coloniae una in Bruttios , altera in Thurinum agrum deduceretur . His deducendis Triumviri creati , quibus in triennium imperium eſſet . In Bruttios Q. Noevius , M. Minutius Rufus , M. Furius Craſſipes . In Thurinum agrum Cn. Manlius , Q. Oelius , L. Apuſtius . Ea bina comitia Cn. Domitius Praetor Urbanus in Capitolio habuit . At de re ipſa idem Livius libro ſequenti , Conſulibus L. Cornelio Merula , & Q. Minutio Thermo , ſui immemor haec habet : Eodem anno Coloniam Latinam in agrum Thurinum Triumviri deduxerunt Cn. Manlius Fulſo L. Apuſtius Fullo , Q. Oelius Tubero , cujus lege deducebatur . Triumviri milia peditum iere , trecenti equites , numerus exiguus pro copia agri . Dari potuere tricena jugera in pedites , ſexagena in equites . Apuſtio auctore tertia pars agri demta eſt , qui poſtea ſi vellet , novos colonos adſcribere poſſent . Vicena jugera pedites , quadraginta equites acceperunt . Fortaſſe Terinum pro Thurinum hoc loco legendum : Sed id ſine M. S. Codicum auctoritate vix aſſererem . Strabo libro vi. Geographiae & Thurios a Tarentinis everſos memorat ; deinde a Romanis eodem paucos colonos miſſos , Copiasque Coloniam appellafſe . Godelevæus id ab Auguſto Caſare poſt bellum Siculum , factum conjicit . Sed quam longe aberret a vero , deſcripti ex Liviana hiſto-*

ria loci ſatis aperte ſignificant . Civili vigente bello , Thurium Municipalibus gavifum fuiſſe juribus , colligitur ex libro III. Commentariorum Julii Caſaris , ubi *Municipium* ſcriptor appellat . Temſa , & Croton anno Urbis conditæ Dlx. Scipione Africano II. & Sempronio Longo Conſulibus , idem honoris genus fuerunt adeptæ . Livius libro xxxiv. *Temſam* ( inquit ) & *Crotonem* Civium Romanorum Coloniae deductæ ſunt . *Temſanus* ager de Bruttiiſ capſus erat . *Bruttii* Græcos expulerant . *Crotonem* Græci habebant . Triumviri Cn. Octavius , L. Oemilius Paullus , C. Pletorius Crotonem , *Temſam* , L. Cornelius Merula , & C. Solonius deduxerunt . Q. Cæcilio , & T. Quintio Coſſ. *Scyllacium* Coloniam fuiſſe conditam , narrat Paternulus libro . I. Omnium Coloniarum , quam Caſar Auguſtus deduxit , primam *Rhegium* forte exiſtiſſe , arbitratuſ eſt citato loco Godelevæus . Strabo autem libro VI. prodit , Auguſtum ipſum depulſo e Sicilia Sexto Pompejo , quum *Rhegium* deſertum , inveniſſet , permultos ex claſſe ejus ibi colonos reliquiſſe , atque inde *Ptolemaeus* Ptolomæo dictum . Videtur nihilominus non Romanorum Coloniam , ſed *Municipium* fuiſſe habitum . In antiqua Inſcriptione recitata a Jano Grutero pag. 174. numero 7. legitur : *MUNICIPIB. RHEGINIS JULI* . Cicero in Philippica I. & alibi *Municipes Rheginos* memorat . Cum autem *Rhegium* ipſum , tum etiam *Locros Municipii* nomine cohoneſtat in Oratione pro Archia Poeta . *Vibonem* , ſive *Valentiam* illuſtre ac nobile *Municipium* , actione quinta in Verrem idem nominat . Et in Oratione pro Plancio : *Iter* ( inquit ) a *Vibone Brundifium* terra petere contendis ; quum omnia illa *Municipi-*



incipia, quæ sunt a Vibone Brundisium, in fide mea iudices, essent. MUNICIPII PETELINORUM mentio occurrit in vetusto lapide apud Fabretum Capite VI. numero 95. pag. 463.

XLIV. Quæ Colonia, quæque Municipii essent jura, indicat Aulus Gellius libro XVI. Capite tertio decimo: latissime vero, ac diligenter illustrat Sigonius libro primo, & secundo de antiquo jure Italie. Cujus vestigiis inhærens vir acri judicio, & lecta eruditione præstans Janus Vincentius Gravina in libro singulari de Romano Imperio §. XLVI. scribit: Coloniarum quedam potiebantur jure Quiritium privato, & COLONIÆ ROMANÆ dicebantur: quedam LATINÆ, quæ quamvis deducerentur ex civibus Romanis, non tamen jure Quiritium fruebantur; sed jure Latii, sive Latinorum illorum veterum. Qui quum nondum civitatem Romanam accepissent, Suffragium Roma ferre non ulro poterant; sed quam a magistratu Romanæ vocarentur, & quum in Civitatem Romanam adipiscerentur. Neque a Romanis magistratum accipiebant, sed proprium sibi creabant. Quæ veniunt sub nomine juris Latii, aliis etiam Populis, nedum Colonis a senatu concedebantur, si Populum Romanum demeruissem. Diversa porro a Colonis erant Municipia, quum Colonie, ut Sigonius ait sane pereleganter, ex URBE ROMA EDUCERENTUR; MUNICIPIA VERO INTRODUCERENTUR IN URBEM. Etenim non modo Civitatem Romanam, & jus Quiritium privatum, verum etiam publicum accipiebant; eamque in Tribum ingrediebantur, in quam a Censoribus adscribebantur, & Romanos magistratus parum ceteris Civibus jure, ac sorte ca-

piebant. Exceptis his, quæ honoris causa assequerentur, Municipiorum: quorum populi tantum id cum civibus Romanis commune habebant, quod conscriberentur in Legionibus, quæ tantum ex civibus Romanis componebantur; ut municipes tales in sola militia pro civibus Romanis haberentur. Illorum autem auctoritate, qui rerum potiebantur, quandoque Municipia in jus Coloniarum, contra vero Colonias in Municipiorum jura transisse, animadvertit & prodit citato capite Gellius. Ex hoc numero fuisse nonnullas Bruttiorum urbes, quæ ab antiquis scriptoribus tum Colonie, tum etiam Municipia distinctis temporibus sunt appellatæ, nihil dubito.

XLV. Refert etiam magnopere hic agnoscere, quæ interea Sociis, atque Italicis urbibus jura peperit bellum Sociale; quod Marsicum item, & Italicum appellatum est. Sub annum ab Urbe condita sexcentesium quinquagesimum quintum, quum impotentiam equestris ordinis in judicio exercebant. Senatus ferre nollet, omni opem niti cepit, ut ad se judicia transferrentur. M. Livius Brutus Tribunus Plebis (inquit auctor Livianæ Epitomæ libro lxxi.) ut majoribus viribus Senatus causam susceptam tueretur, Socios, & Italicos Populos spe Civitatis Romanæ sollicitavit. Hisque adjuvantibus, per vim legibus Agrariis, frumentariisque latis, legem quoque judicialem tulit, ut e qua parte judicia penes Senatum, & Equestrem ordinem essent. Verum quum deinde promissa Sociis Civitas præstari non posset, Livius gladio clam confossus est: Itaque Italici, defectionem cœperunt agitare. Nec mora Eadem fax, ut scribit Lucius Florus libro iii. rerum Romanarum capite xviii, quæ illum cremavit,

vit, Socios in arma, & in expugnationem Urbis accendit. Quod hæc clade tristius? quid calamitosius? Quum omne robur fortissimorum, fidelissimorumque Sociorum sub suis quisque signis haberent municipalia illa prodigia. Quemadmodum iustissima fuit Sociorum postulatio, ita effectu non caruit. Tristissimo siquidem, ac permolesto confecto bello, Populis ipsis a Senatu Civitas data est, ex citatæ Epitomæ libro lxxx. Id spectans Cajus in Oratione habita ad Senatum pro assumendis ad honores victis populis apud Cornelium Tacitum libro xi. Annalium: Majores mei, (inquit) quorum antiquissimus Clausus, origine Sabina, simul in Civitatem Romanam, & familiam Patriciorum adscitus est, hortantur, ut paribus consiliis Rempublicam capeßam, transferendo huc, quod usquam egregium fuerit. Neque enim ignoro, quod Julios Alba, Coruncanios Comerio, Porcios Tusculo, & ne vetera sequemur, Hetruria, Lucaniaque, & omni Italia in Senatum accitos. Postremo ipsam ad Alpes promotam: ut non modo singuli viritum, sed terroresque in nomen nostrum coalescerent. Plinius libro xxxiv. historiarum naturalium capite v. de Praxitele, qui Magni Pompei ætate floruit, loquens: Hic in Græcia Italiæ ora natus, & Civitate Romana donatus cum iis oppidis. Et M. Tullius Cicero in Oratione pro A. Licinio Archia Poeta, ea potissimum ratione Civem Romanum illum habendum propugnat, quod Civitate donatus esset ab Heracliensibus, Rheginis, Locrensis, Neapolitanis, & Tarentinis.

XLVI. In tanta Sociorum, ac Civium Romanorum multitudine, non in Italia modo, sed ubique fere loco-

rum degentium, exacta, & æqua servata est exercendæ militiæ ratio, ne cuiquam plus oneris imponeretur, quam necessitas posceret: aut privatarum opes, viresque sinerent. Iustus Lipsius libro i. de militia Romana Dialogo vii. non credit omni anno per omnes itum, maxime si paucae legiones fuissent scribendæ; sed in orbem Romanum lectos ad id viros ivisse, & necessitudine quadam ex his, illisque coepisse. In ea tamen re non graves fuisse, & injurios, quia vires propemodum sciebant, cum sic numerum præscribebant. Livius lib. . . . Ex Coloniae quindecim millia peditum & quingentos equites pro numero cuiusque juniorum Consul scripsit: Didicisse id autem censet, ex Tabulis censoriis, quas probabile putat Romæ quoque fuisse. Imo ipsos tandem Romanos censores illic censum egisse colligit ex Livii lib. xxxix. in Livio, & Claudio Nerone, censoribus, ubi legitur: Duodecim, deinde Coloniarum, quod numquam antea factum erat, deferentibus censoribus, ipsarum Coloniarum censum receperunt: ut quantum numero militum, quantum pecunia valerent, in publicis tabulis monumenta extarent. Censui certe ea præcipue de causa fieri consuevit in orbe Romano, ut ejus vires noscerentur. Hinc ex prima hujusmodi descriptione facta ab Augusto, Breviarium totius Imperii, ipsius manu descriptum prodit, in quo opes publicæ designabantur, quantum Civium Sociorumque in armis, quot Classes, Regna, Provinciæ, tributa, aut vectigalia, & necessitates, ac largitiones, ut ex Taciti libro i. annalium capite altero, Suetonio in Octavio capite ultimo, & Dionis libro lvi. recte animadvertit Jacobus Oserius in Annali-



nalibus veteris Testamenti, ad annum mundi MMMM. pag. 567. novissima editionis Genevensis. Hæc autem eo enarrata volumus, ut illorum objectu importunas discutiamus ambages, quas recentes Scriptores nonnulli in aperienda militia, quam Romani cives, ac Socii profitebantur, lectoribus ingerunt, gravibusque erratis causam præbent: quibus Romanæ Reipublicæ historiam labefactari necesse est, ubi semel alia quam par fuerat ponendæ, supplendæque militiæ ex Romanis Sociis, & Civibus ratio constituitur.

XLVII. At vero, ne qua in parte Bruttiorum adversariis, & obloquutoribus non obsecundemus, fingamus ab altero bello Punico ad Jesu Christi mortem, illos memorata ab Appiano, & Gellio de causâ non militasse, nec militare potuisse: Romanisque Magistratibus in Provinciis euntibus, tanquam servos ministrasse. Præterea velut certum, & exploratum habeatur, (quod tamen, nec certum, neque exploratum revera est) nihil in tanta temporum diuturnitate, mutatione rerum, & imperii de irrogata semel in Bruttios pœna fuisse remissum; unum denique, quod illustri populo dedecus afferret, invariaturum perennasse. An inde certo colligere licet, a Bruttiis, & non ab aliis *Salvatorem* nostrum ad columnam ligatum, flagellis cæsum, & cruci fuisse affixum? Imo si solidis hæere historiæ momentis, ac recte uti ratione velimus, dicendum omnino est, ea de causâ, qua omni pœnitus exclusi militia Bruttii fuerant, alterius nationis homines, qui revera milites erant, Christi Lictores, atque carnifices existisse. Certum

enimvero est ex libris Evangelii, ea ab militibus fuisse peracta. Matthæus capite xxxvii. versu 27., & sequentibus scribit: *Tunc milites Præsidis suscipientes Jesum in Prætorium, congregaverunt ad eum universam cohortem. Et exuentes eum, chlamydem coccineam circumdederunt ei. Et plebentes coronam de spinis, imposuerunt super caput ejus, & arundinem in dextera ejus. Et genu flexo ante eum, illudabant ei, dicentes: Ave Rex Judeorum. Et expuentes in eum, acceperunt arundinem, & percutiebant caput ejus. Et postquam illuserunt ei, exuerunt eum chlamyde, & induerunt eum vestimentis ejus, & duxerunt eum, ut crucifigerent. Exeuntes autem invenerunt hominem Cyrenæum, nomine Simonem: hunc angariaverunt, ut tolleret crucem ejus. Et venerunt in locum, qui dicitur Golgotha, quod est Calvarie locus. Et dederunt ei vinum bibere cum felle mistum: & cum gustasset, noluit bibere. Postquam autem crucifixerunt eum, diviserunt vestimenta ejus sortem mittentes. Marcus capite xvi. versu 16., & sequentibus: *Milites autem duxerunt eum in atrium Prætorii, & convocant totam cohortem, & induunt eum purpura, & imponunt ei plebentes spineam coronam. Et cœperunt salutare eum: Ave Rex Judeorum. Et percutiebant caput ejus arundine, & conspuebant eum: & ponentes genua adorabant eum. Et postquam illuserunt ei, exuerunt illum purpura, & induerunt eum vestimentis suis, & educunt illum, ut crucifigerent eum. Et angaria verunt prætereuntem quempiam Simonem Cyrenæum venientem de villa, patrem Alexandri, & Rufi, ut tolleret crucem ejus. Et perducunt illum in Golgotha locum, quod est interpretatum Calvarie locus. Et dabant ei**

ei bibere myrrhatum vinum, & non accepit. Et crucifigentes eum dividerunt vestimenta ejus mittentes sortem super eis, quis quid tolleret. Joannes capite xix. versu 23. & sequentibus. Milites ergo cum crucifixissent eum acceperunt vestimenta ejus, & fecerunt quatuor partes (unicuique militi partem) & tunicam. Erat autem tunica inconsutilis desuper contexta per totum. Dixerunt ergo ad invicem: Non scindamus eam, sed sortiamur de illa cujus sit. Vt Scriptura impleretur dicens: Partiti sunt vestimenta mea, & super vestem meam miserunt sortem. Et milites quidem hæc fecerunt. Idem Græce a Joanne, & Marco Σατιρίται appellantur, veræque militiæ indicant milites, qui suas habebant classes cum muneribus. Post Evangelicam historiam veteres Ecclesiæ Patres passim idipsum testantur, verbisque adeo apertis efferunt, & inculcant, ut stupore omnino sit, atque ficulneus, qui in tanta literarum luce, divina quoque auctoritate circumfusa, cæcutire velit, turpiterque, ac stolidè errare. Juvenius Presbyter libro iv. de historia Evangelica versu 645. & sequentibus.

Traditus at trucidibus Justus, scelerisque ministris  
Innocuus, scelerata opprobria in corpore perfert;  
Purpureamque illi tunicam, chlamydemque rubentem  
Inducunt; spinisque caput cinxere cruentis;  
Inque vicem sceptri dextram committatur arundo:  
Tunc genibus nixi regem, Dominumque saluant  
Judeæ Gentis: faciem lavere salivis,  
Vertice & in sancto plagis lufere nefandis.

Hæc ubi transiegit miles ludibria,  
demon,  
Indutum propriè ducebant tegmine vestis  
Et Circes ad parnam Sanctum, Jussumque trahabant.

S. Hilarius Pictaviensis Episcopus in Commentariis ad Psalmum II. numero vi., de Gentilibus loquens: *Quæ* [ inquit ] *usque adeo fremuerunt, ut corona spinea compunxerint, veste regia indutum salutatione & honore regis illuserint, arundine caput contuderint, aceto, ac felle potaverint, lancea latus foderint, Cohors enim militum Pilato subditorum ex fremitu iræ intemperantis hæc gessit.* S. Leo Papa cognomento Magnus Sermone viii. de Passione Domini capite tertio, de Judæis differens. *Frustra* [ inquit ] *a crucifigendo majestatis Domino manus proprias continebant, in quem lethalia vocum spicula, & venenata verborum tela jaciebant. Vobis, vobis, o falsi Judæi, & Sagrilegi Principes populi totum facinoris istius pondus incumbit. Et licet immanitas sceleris & Præsidem obligavit, & milites, omnis tamen facti summa vos arguit. Et quidquid in supplicio Christi, vel Pilati peccavit judicium, vel Cohortis obsequium, hoc vos facie humani generis odio digniores.* Sedulius Presbyter libro v. Operis Paschalis, sive mirabilium Divinorum versu 161., & seqq.

Cumque datus sævis ad poenam  
Sanctus abiit  
Milicibus, rubri vilem sub tegmine cocci  
Vestitur chlamydem, species ut cuncta cruenta  
Mortis imago foret, spinis circumdedit amplum



*Nexa corona caput: quoniam spineta benignus*

*Omnia nostrorum suscepit ille malorum.*

*Implet arundo manum &c.*

S. Gregorius Magnus Pontifex Maximus homilia XVI. in Euangelia: *Certe iniquorum omnium caput diabolus est, ne hujus capitis membra sunt omnes iniqui. An non diaboli membrum fuit Pilatus? An non diaboli membra Judæi persequentes, & Milites crucifigentes Christum, fuerunt?*

XLVIII. Neque tantum adversam Euangelicis libris, priscisque Patribus fabellam fingunt, qui a Brutiis militare non valentibus Christum Dominum crucifixum effutiunt, sed Romanæ historiæ, quam nullo merito literario orbi obtendunt, minus testata produnt, & congruentia. In ea siquidem nihil magis exploratum, atque perspicuum est, quam sub initium Romani Imperii, ac primo Jesu Christi seculo milites apud Romanos supplicia, & neces promiscue irrogare consuevisse. L. Florus, seu alius germanus auctor in Epitome Liviana libro cxx. *M. Ciceronis (occisa Popilio legionario milite, quum haberet annos sexaginta tres) caput quoque cum dextera in rostris positum est. Prominenti (inquit Livius) ex lectica præbensque immotam cervicem, caput præcisum est. Nec satis folide crudelitati militum fuit: manum quoque, scripsisse aliquid in Antonium, exprobrantes, præciderunt.* Cornelius Tacitus libro 1. Annalium, loquens de Sempronio Graccho Julæ adultero: *Tum Milites ad cædem missi.* Suetonius in C. Caligula Capite xxxii. *Sæpe in conspectu prandentis, vel comessantis seræ quæstiones per tormenta habebantur. Miles decollandi artifex quibus-*

*cumque e custodia capita amputabat.* Tacitus libro 1. historiarum scribens de interitu Galbæ: *Crebrior fama tradit, Camurium, xv. legionis militem, impresso gladio jugulum ejus hausisse.* Ibidem de nece T. Vinii: *Ab Julio Caro legionario milite utrumque latus transverberatus: Et paullo post: Laco præfectus tamquam in Insulam seponeretur, ab evocato, quem ad cædem ejus Ortho præmiserat, confossus.* Idem libro xv. Annalium, ad denunciandam inferendamque necem Pisonis, *Manum militum advenisse prodit: Quos Nero (inquit) tirones, aut stipendiarios recentes delegerat. Nam vetus miles timebatur.* Libro 1. historiarum: *Advenere jussu Orthonis nominatim in cædem ejus ardentes Sulpicius Florus & Britannicus cohortibus, nuper a Galba civitate donatus, & Statius Marcus Speculator: a quibus protractus Piso in foribus templi trucidatur.* Hujusmodi militum munus spectans Tertullianus in Apologetico adversus Gentes Capite . . . . . scribit: *In crimine læsa majestatis omnis homo miles est: Nimirum, exsequenda cædis capax, ut scelus vindicet, ut locum interpreta-* tur Ludovicus Dorleans in novis cogitationibus ad Tacitum libro 1. *Et sic interpretari oportet, addit idem Dorleans, eundem auctorem libro de Corona militis Capite xi. PRETIO OPERABITUR FILIUS PACIS, CUI NEC LITIGARE CONVENIT (Nam Christiani omnes lites execrabantur) & vincula, & carcerem, & tormenta, & supplicia administrabit, nec suarum ultor injuriarum.* Erant enim hæc omnia militum munia. Noster (idest Tacitus) libro 1. Annalium infra: *Eundem ergo Senatam consulendum, quoties supplicia & prælia indicuntur. Vide supplicia & prælia simul juncta, quæ sint*

*sunt Militaris munus opere . Ita vir gra-  
vis & doctus . Non alia plane senten-  
tia Juvenalis indicaturus , quam facile  
vitæ periculum incurrerent divites im-  
perante , qui alienis inhiat opibus , ini-  
quo principe , ad crimina & mortis  
causas per fas & nefas inquirendas  
semper intento , scripsit Satyra x. ver-  
su 15. & sequentibus :*

*Temporibus diris igitur , jussu-  
que Neronis*

*Longinum , & magnos Seneca præ-  
divitis hortos*

*Clausit , & egregias Lateranorum  
obsidet edes*

*Tota cohors , rarus venit in coena-  
cula miles .*

XLIX. Non gregarios dumtaxat  
milites , sed Centuriones etiam , ac Tri-  
bunos damnatis mortem intulisse li-  
quet . Ad interficiendum M. Tullium  
Ciceronem Latinæ eloquentiæ princi-  
pem , Herennium Centurionem , & C.  
Popillum Lænatem *Tribunum Militum*  
perculsores missos , Plutarchus in ejus  
vita testatur . Tacitus libro 1. Anna-  
lium de Tiberio loquens : *Primum fa-  
cinus novi principatus fuit Postumi  
Agrippæ cædes , quem ignarum , inermum-  
que , quamvis firmatus animo Centurio ,  
egre confecit .* Idem libro xvi. Anna-  
lium de Antejo Ostorio : *Missus Cen-  
turio , qui cædem ejus maturaret . Et  
multis interjectis in eodem libro : Sila-  
nus . . . municipio Apuliz , cui nomen &  
Barium , clauditur . Illic indignissi-  
mum casum sapienter tolerans , a Centu-  
rione ad cædem missus corripitur* Sueto-  
nius Tranquillus in Cajo , Capite Lix.  
*Cæsonia gladio a centurione confossa .*  
Aliquando Centuriones supplicio erant  
præpositi , jubebantque Speculatoribus  
cædem facere , ut constat ex Seneca li-  
bro 1. de Ira Capite xvi. De Tribunis

non rara , neque obscura occurrunt  
exempla . Suetonius in Tiberio capite  
xxii. : *Excessum Augusti non prius pa-  
lam fecit , quam Agrippa Juvenc in-  
teremto . Hunc Tribunus militum cu-  
stos appositus occidit , lectis codicillis ,  
quibus , ut id faceret , jubebatur .* Idem  
in Caligula Capite xxiii. *Fratrem Ti-  
berium inopinantem , missis Tribunis mi-  
litum , interemit .* Seneca Epistola 14.  
Cajus Cæsar jussit Lepidum Decio Tri-  
buno præbere cervicem . Cornelius Ta-  
citus libro 111. Annalium de Pisone :  
*A Tribuno Pastorio Cohortis deductus  
est vario rumore ; custos salutis , an-  
mortis exactor .* Idem libro xi. *Messali-  
na etiam ictu Triumani transfigitur .* Lib.  
xi. *Ad Lolliam mittitur Tribunus , a  
quo ad mortem adigeretur .* Libro xv.  
Vestini cædem a Nerone imperatam  
narrans : *Gerclanum Tribunum cum  
cohorte militum immisit , jubetque præve-  
nire conatum Consulis .* Ibidem de nece  
Plautii Laterani item Consulibus ejus-  
dem Neronis jussu interemti : *Raptus  
in locum servilibus pœnis sepositum , manu  
Statii Tribuni cruciatur , plenus constan-  
tis silentii , nec Tribuno objiciens eam-  
dem conscientiam .* Idem in eodem lib.  
*Pœna Flavii Vejano Nigro Tribuno  
mandatur . . . . . admonitus fortiter  
protendere cervicem . Utinam , ait .  
tu eam fortiter serias . Et ille multum  
tremens , quum vix duobus ictibus ca-  
put amputasset , servitiam apud Nero-  
nem jactavit , sesqui plaga interfectum  
a se , dicendo .* Plautii ac Flavii cædes  
a Tribuno peractas expendens Gode-  
schalcus Stevvechius in Commenta-  
rio ad librum 1. Vegetii *de re milita-  
ri* Capite xxxii. suspicatur : *id ip-  
sum tunc observatum , quum qui pu-  
niendus erat , aliqua dignitate reliquis  
antistaret . Certe ( inquit ) Lateranum  
illum*



illum Consulem designatum fuisse observabam, ipsumque Flavium etiam Militum Tribunum. Idem de praefectis Praetorio imperatam sibi exsequentibus eadem, notat Ludovicus Dorleans ad librum 1. Annalium Cornelii Taciti pagina 24.

L. Justus Lipsius in Commentariis ad librum quintumdecimum Annalium Cornelii Taciti, quum animadvertisset, Tribunos interdum supplicium manu sua sumisse: Notari (inquit) volo. Nam alias Speculatores se-re ad supplicia sumenda destinati, non insignes milites. Godeschalcus Stevvechius ad librum 1. Vegetii De re militari Capite XXI. idem prodit. Erant quippe hi Speculatores supplicii sumendis destinati, ut jam audisti, & probat Tacitus libro 1. historiarum, nominatim in eade Pisonis. Quidam Speculatores non recte nominarunt, ut Abdias libro 1. v. in supplicio Jacobi, & Josie, item alii. Ceterum Speculatores appellandi sunt, ut apud Julium Firmicum libro VIII. Capite xxvi. & lege Divus: De bonis damnatorum. In Evangelio Marci Capite vi. versu 27. ἀποστρέψας οὐ βασιλεὺς σπεκουλᾶτορα. Quod de Speculatoris orthographia notat Vir gravis & eruditus, ratione valida, & veterum Latinorum scriptorum auctoritate nititur. Speculator enim ab specio, quo Ennius usus est verbo derivat M. Terentius Varro libro V. de lingua Latina, docetque auctor ipse Romanorum doctissimus: Hinc specula, hinc speculum, quod in eo specimus imaginem. Specula, de qua prospicimus. Speculator, quem mittimus ante, ut respiciat, quæ volumus. Id genus militum passim antiquæ Inscriptiones memorant. Apud Gruterum pag. 126.

SCHOLA. SPECULATORUM. LEGIONUM. I.  
ET II. ADIUTRICUM. PIAR. FIDELIUM.

Apud J. B. Donium Classe VI. num. 64.  
SPECULATOR. COHORTIS. I. PRAETORIAE

Numero 95.  
SPECULATOR. COHORTIS. VII. PRAET.

Numero 178.  
SPECULATOR. COH. VILURBAN.

Numero 136. occurrit  
VETERANUS. SPECULATORUM

Numero 3. ejusdem classis memoratur  
COHORTIS. III. SPECULATORUM. ANTIQVUS  
CENTURIO.

Numero 7.  
CENTURIO COHORT. VI. SPECULATOR.  
CLASSIS MISENAT.

Neque solum pedites Legionarii, Praetoriani, Urbani, & Classarii, sed fuerunt etiam Speculatores equites. In Syn-tagmate Inscriptionum antiquarum. Thomæ Reynesii classe VIII. numero lxiv, pag. 539. Epitaphium exhibetur, in quo legitur:

M. ALIMIVS M. F. VEL.

SABINVS EQ. R:

SPECULATOR. ET. PRAEF.

TURMAE SPECULATOR.

AUSILIAR. LEG. III. SCYTH.

Apud Rosatos Anxanenses cives nostros in Tabula ænea reperta inter ruinas antiqui Templi prope Aternum:

L. VETURIUS. PRAEF.

TURMAE. SPECULAT.

VALERIEN.

Milites Valerienteses pertinebant ad legionem vicesimam, ab Augusto Cæsare constitutam; cui VICTRICIS cognomentum exstitit. Quamvis autem Græcum Sancti Marci Σπεκουλᾶτορα (non Σπεκουλᾶτορα, vel Σπεκουλᾶτοραν, ut in pluribus apud Millium MS. Codicibus habetur) ex Latino factum, quemadmodum multa in Evangeliiis, & posterioris ævi tum Ecclesiasticis tum profanis scriptoribus leguntur, a Spiculatore potius Spiculum gestante, quam a Speculatore secundum Varronis etymologiam nonnulli dictum velint, Vossio non improban-te; atque adeo ita distinguant, ut di-

versum in utroque ministerium agnoscant: tamen quum certum sit saepe confundi, & Speculatorem in Græco-Latinis Philoxeni Glossis transferri κατ' σκοπον, & ἀποκεφαλίζοντα, satius visum est Speculatorem retinere, ut in citato Sancti Marci capite allatisque monumentis solida atque perspicua ratione vallaris, legitur: sive pro Δημίω Carnifice sive pro Διοπτῆρι, Διαγνέλω Exploratore, Annunciatore Πτεροφ' ἄφ' Ἡμεροδ' ὁ' ἄφ' Ἐκ τῶν σλοῦτων ἀγγελοφ' ὁ' ἄφ', aliisque accipitur.

LI. Munus & jus Speculatorum in vestes damnatorum ad ultimum supplicium præclare illustrat Jacobus Revardus Conjectaneorum libro iii. capite xiii. Adeo autem perspicue a Militibus Speculatoribus Jesum Christum crucifixum fuisse vir gravis ostendit, ut si verum animo liberrimo sectari velimus, non aliter nobis merito sentiendum sit. Si de reo (inquit) sumendum esset suppreum in Provinciis supplicium, Centurio cum suis Speculatoribus ad locum supplicii reum perducebat, nec ante decebat, quam Præsidis sententia mandata foret exsequutioni. Sic enim in Cypriani Martyris vita scripsit Pontius Diaconus. ET CUM EXIRET PRÆTORII FORIS, IBAT COMES MILITUM TURBA: ET NE QUID IN PASSIONE DEESSET, CENTURIONES, ET TRIBUNI LATUS TEXERANT. Eum morem visus est etiam in Euangelio expressisse dñus Marcus Capite x. In hanc enim sententiam scribit. MILITES CHRISTO EXTRA PRÆTORIUM DVCTO, TOTAM COHORTEM CONVOCANT, EVMQUE PERPVRAINDVNT. ET POSTQVAM EI ILLUSERVNT, SPOLIANTES EVM PERPVRA, IPSIVSQUE VESTI-

BVS INDVENTES, CRVCIFIGENDVM AD LOCVM GOLGOTHA, ( QVOD CALVARIÆ LOCVM SIGNIFICAT ) EDVCVNT. Et quia dñus Matheus Centurionis meminit, qui Jesum servabat, ex eo probabiliter conjectari licet, id prorsus esse vero consentaneum, quod de Centurione, & Speculatoribus dixi: Eamque Cohortem, cujus meminit dñus Marcus ex Speculatoribus, & Optionibus extitisse. Atque ita Speculatores accepisse videri potest Cornelius Tacitus libro xix. cum ait, FABIVS VALENS CVM QVATVOR SPECVLATORIBVS, ET TRIBVS AMICIS, TOTIDEMQVE CENTVRIONIBVS AD NAVES REGREDITVR MATVRE. Observari etiam solebat, ut reo ad locum supplicii perducto, eos Speculatoribus, aut sorte, aut aliqua alia ratione, exsequutio sententia mandaretur, quot esse ad eam rem necessarii viderentur. Et hinc deinde factum est, ut per SPECVLATORES interdum Carnifices intelligerentur. Cum alioquin hi proprie dici Speculatores soleant, qui hostilia silentio prospiciunt, Festo, Lucio Floro, Emilio Probo, & Tertulliano auctoribus. Julius Firmicus libro viii. Capite xxvi. SPECVLATORES FACIET, QVI NVDATO GLADIO HOMINVM AMPVTANT CERVICES. Meminit etiam SPECVLATORVM Paulus Diaconus cum ait: CYPRIANVM STETISSE IN LINEIS EXSPECTANTEM SPECVLATOREM. Et Seneca de ira libro i. TVM CENTVRIO SVPLICIO PRÆPOSITVS CONDERE GLADIVM SPECVLATOREM JVBBET: Et de hujusmodi Speculatoribus visus est Ulpianus sensisse cum scribit: PANNICVLARIA AD SPECVLATO-



**RES PERTINERE.** Capite vi. **DE BONIS DAMNATORVM.** Haud dubie per Speculatores carnifices intelligens, eorumque jus vetus simul exprimens. Moris enim erat, ut rei damnati & affecti supremo supplicio, vestimenta inter se carnifices dividerent, eumque morem docent nos Euangelistæ singuli. Ajunt enim, Milites quatuor postquam Jesum Cruci affixerant ejus vestimenta cepisse, & ex iis quatuor partes fecisse, singulis militibus unam. Nec alio videtur referendum, quod Paulus Diaconus ait, Cyprianum Martyrem ad locum supplicii perductum **SE BIRRO EXSPOLIASSE, ET TRADIDISSE CARNIFICIBVS.** Eaque omnia, quæ **PANNICVLARIA** dicuntur, sibi Jure suo hujusmodi Milites olim usurpasse, auctor est idem Ulpianus dicto capite sexto. Haftenus vir doctissimus juris peritia & eruditione cum primis illustris. Ulpiani autem verba libro x. de Officio Proconsulis, recitata in Digestorum libro xlviii. lege vi. §. **Panicularia** ex rescripto Divi Hadriani Aquilino Braude sunt, quæ sequuntur. **Panicularia** sunt, quæ in custodiam receptus secum attulit spolia, quibus indutus est quis, quum ad supplicium deducitur, ut ea ipsa appellatio ostendit. Itaque neque Speculatores ultro sibi vindicent: neque Optiones ea sibi desiderent, quibus spoliatur, quo momento quis est punitus. Hujusmodi Juris militum Speculatorum in historia quoque Ecclesiastica non obscura monumenta occurrunt. Constat etiam, quandoque ab invictis Christi Martyribus, qui libentissime mortem obibant, id ipsum Speculatoribus generosa liberalitate compensatum fuisse, vel cumulatam. In actis Proconsularibus Martyrii S. Cypriani Episcopi Carthaginensis numero

v. legimus: Cum se dalmatica expoliasset, & Diaconibus tradidisset, in lintea stetit, & cepit Spiculatorem sustinere. Cum venisset autem Spiculator, jussit suis, ut eidem speculatori viginti quinque aureos darent. Diaconibus nimirum ab Antistite sanctissimo tradita fuerat vestis Dalmatica, quæ Militi interfectori debebatur. In actis S. Maximiliani martyris vulgaris a Theodorico Ruinartio pag. 164. editionis Veronensis, ipse Christi Pugil gladio perimendus ad patrem conversus ait: Da huic Spiculatori vestem meam novam, quam mihi ad militiam preparaveras. De vestibus damnati ad mortem importune ac satis infelicitè agit Antonius Monachus in Tractatu de Exsequutione in Vestibus Capite ii. numero xlviii. & ultimo: res enim est hujusmodi, quæ majorem ab ipso eruditionem postulat & diligentiam. Gratiæ autem a lectoribus inisset, si ubi divisas a militibus Christi vestes memorat, militum Speculatorum, qui illum crucifixerunt, jus designasset. Sed hac in parte ab iis etiam, qui sacros Evangelii libros prolixis commentariis explicarunt, non raro peccatum est. Ex tot antiquis itaque scriptoribus ac diversi generis monumentis exploratum est, milites in Castris & in Urbe jussu Imperatoris, in provinciis autem jussu præsidum, damnatis poenas atque supplicia inferre consuevisse. Qui mos apud Hebræos adeo constanter servatus est, ut si qui inter indigenas extra militum ordinem supplicii quandoque fontes afficerent, id vice Militum actum haberetur ac proderetur. Chereas apud Josephum lib. xix. Judaicarum antiquitatum Capite i. διακονουµεθα δορυφοροι, καὶ δὴ μὲν καὶ θεσπικοὶ τῶν ἀντὶ στρατιῶν *Ministramus Satellites*

& Carnifices constituti pro militibus.

LII. Qui supplicia irrogabant milites, solebant & reos homines capere, eisque vincula indere. Tacitus libro xi. Annalium de Asiatico scribit. *At Claudius nihil ultra scrutatus, citis cum militibus tamquam opprimendo bello Crispinum Prætorii præfectum misit, a quo repertus apud Bajas, vincisque inditis, in Urbem raptus, neque data Senatus copia, intra cubiculum auditur Messalina coram.* Idem eodem libro de Silio, & Messalina ad supplicium quæsit: *Ceteris passim dilabentibus affuere Centuriones, inditaque sunt vincula, ut quis reperiebatur in publico, aut per latebras.* Libro xi. Fœnius Præfectus jussu Imperatoris [Neronis] a Cassio milite, qui ob insignie corporis robur adstabat, corripitur, vinciturque. Reorum custodia, ut liquet ex Ulpiano libro II. de Officio Proconsulis, alia erat publica, alia militaris, alia libera, alia fideiussoribus commissa: quas erudite, more suo, explicat Bævardus libro iii. Variorum capite xii. De militari custodia perspicua testimonia exhibent liber quadragesimus octavus novi digesti titulo *De Custodia & exhibitione reorum*, lex II. Codicis de exactoribus Tributorum, & lex xvii. de erogatione militaris annonæ; illamque præclare illustrat Lipsius in Commentario ad librum iii. Annalium. Cornelii Taciti pag. 140. & sequenti, itemque Dorleans in novis cogitationibus ad Tacitum libro vi. pag. 361. 362. Huic non solum traditum fuisse Christum Dominum ex Matthæi capite xxvii Marci cap. xv., & Joannis cap. xix., verum etiam beatos Apostolos ejus Petrum & Paullum, ut constat ex actis Apostolicis capiti-

bus xii. xxiii., & xxvii. Per milites quoque infligi verbera consuevisse, præter historiam Jesu Christi, passim Romani Scriptores narrant. Suetonius in Tiberio capite liii. *Nurum Agrippinæ post mortem mariti in Pandariam relegavit, conviciantique oculum per Centurionem verberibus excussit.* Idem in Caligula capite xxvi. *Quæstorem suum in conjuratione nominatim flagellavit, veste detracta projectaque militum pedibus, quo firmi verberaturi insisterent.* Non unus denique Matthæus in Evangelii capite xxvii. prodit a militibus asservata, & custodita fuisse interfectorum cadavera. Petronius Arbiter, qui Nerone imperante Romæ floruit, in Satyrico scribit = *Miles, qui cruces asservabat, ne quis ad sepulturam corpora detraberet injusso Magistratu.*

LIII. Historia Ecclesiastica frequentis ætatis non minus aperta de rebus ipsis exempla suppeditat. Profecto Christianos jussu Præsidum a militibus captos custodiri consuevisse, constat ex actis S. Ignatii Episcopi Antiocheni, & Martyris, editis primum ab Usserio, deinde a Ruinartio; Ex epistola ejusdem S. Ignatii ad Romanos, ex Apologia secunda S. Justini Martyris oblata M. Aurelio Imperatori, apud Eusebium Episcopum Cæsariensem libro iv. capite xvii. ex Epistola Ecclesiarum Viennensis, & Lugdunensis ad Christianos per Asiam, & Phrygiam constitutos, apud eundem Eusebium libro v. capite primo; ex actis Sanctorum Tryphonis, Respicii, aliorumque plurium collectorum ab eodem Ruinartio. Quod pertinet ad supplicia irrogata per milites, Ecclesia Smyrnenfis in Epistola de Mar-



Martyrio Sancti Polycarpi Episcopi numero xviii. scribit. Ἰδὼν ὃν ἔκα-  
τοῦ τῶν ἑταίρων γενομένην φιλονε-  
κίαν ἦν αὐτὸν ἐν μέσῳ τοῦ πυρὸς ἵκαν-  
σεν. Vicens autem Centurio a *Judeis*  
ortam contentionem, corpus in medio  
ignis positum exussit. Acta sincera.  
S. Pionii Martyris: *Utrō se vesti-*  
*mentis spoliavit. Et in calum suspi-*  
*ciens, ac Deo gratias agens, super lignum*  
*se ipsum extendit, militique tradidit,*  
*ut clavis crucifigeretur* S. Fructuosus  
Episcopus a *Militibus beneficiariis*  
captus est, atque detrusus in Carce-  
rem, ex actis ejus numero i. *Beneficia-*  
*rii* autem dicebantur, qui ad mili-  
tiam Tribunalium beneficio promo-  
ti erant, teste Vegetio libro ii. *de re*  
*militari* capite viii. Eos milites adsti-  
tisse supplicio, quum idem Fructuosus  
itemque Augurius, & Eulogius  
Diaconus vivi comburerentur, in  
iisdem actis legimus. Acta Sanctorum  
Martyrum Jacobi, & Marciiani pro-  
dunt. Tunc attentantur numerosis du-  
risque cruciatibus per stationarium mi-  
licem, justorum, piorumque carnificem.  
Ex actis Proconsularibus Sanctorum  
Claudii, Alterii, & aliorum liquet  
Eustalium *Commentariensem*, & Ar-  
chelatum *Speculatorem* tormenta, pœ-  
nasque, a Præside Lyfia imperatas ir-  
rogasse, ejusque iussa exequutioni  
mandasse. Acta sincera Passionis San-  
ctorum Martyrum Donati, Felicis,  
& fratrum eorum, edita nuper a viro  
clarissimo Victorio Ciovarado pag. 86.  
*Alia die præcepit Speculatori, ut capita*  
*eorum incideret. Decollati sunt autem*  
*beatissimi athletæ Jesu Christi Donatus*  
*& Felix in eodem loco Sentiano, die*  
*kalendarum Septembrium. Dies pro-*  
*fectio me deficeret, si quæ in rem ip-*  
*sam in aliorum Martyrum probatis*

actis leguntur, hic referrem. Pauca  
e multis indicasse sufficiat, ut quod  
hactenus luculentis, & apertis testi-  
moniis multifariam ostendimus, hoc  
etiam ex capite fiat clarius.

LIV. Exploratum ergo, cer-  
tumque est, milites non servos apud  
Romanos vincula, tormenta, & nec-  
ces inferre consuevisse; ac Jesum  
Christum Dominum nostrum ab ip-  
sis militibus usitato more cruci lus-  
fixum, & interentum. Cujus tamen  
nationis illi fuerint, penitus ignotum  
est. Ex antiquis Ecclesiæ Patribus  
sunt qui produnt, triste illud ministe-  
rium obivisse *Judeos*, alii id egisse *Ro-*  
*manos*, quorum nomen, quum latissi-  
me patuerit, novas rursus difficultates  
parit, & ambages. Lactantius Fir-  
mianus libro iv. divinarum institu-  
tionum capite duodevigesimo, scri-  
bit: Pontius, & illorum clamoribus,  
& Herodis Tetrarchæ instigatione me-  
tuentis ne regno pelleretur, victus est.  
Nec tamen ipse sententiam protulit, sed  
tradidit eum *Judeis*, ut ipsi de illo  
secundum legem suam judicarent. Du-  
xerunt ergo eum flagellis verberatum:  
& prius quam cruci affigeretur, illuse-  
runt, indutum enim coloris punicei ve-  
ste, ac spinis coronatum, quasi regem  
salutarunt; & dederunt ei cibum  
fellis, & miscuerunt ei aceti potionem.  
Post hæc conspuerunt faciem ejus, & pal-  
mis ceciderunt. Cumque ipsi Carnifices  
de vestimentis ejus contenderent, sortiti  
sunt inter se de tunica, & pallio. Et  
cum hæc omnia fierent, nullam vocem  
ex ore suo, tamquam si mutus esset,  
emisit. Tum susponderunt eum inter  
duos noxios medium, qui ob latrocinia  
damnati erant, crucique affixerunt.  
Quid ergo hic in tanto facinore deplo-  
rem..... Quid de hujus crucis indi-  
gnita-

gnitate dicemus, in qua Deus a Cultoribus Dei suspensus est atque suffixus? Optatus Milevitanus libro ii. contra Parmenianum loquens de Donatistis. Christum (inquit) partiri conati sunt, cujus Judæi nec vestimenta scindere voluerunt. S. Hieronymus libro ii. Epistola vi. ad Heliodorum de laude vitæ solitariæ. Cerne manus Judæe, quas fixeras, cerne latus Romane, quod foderas. Videte corpus, an idem sit, quod dicebatis clam nocte sustulisse discipulos. S. Augustinus sermone ii. de Epiphania Domini: Verumtamen, quod prætereundum non est, hæc Magorum illuminatio magnum testimonium cecitatis existit Judæorum. In terra eorum isti requirebant, quem illi in sua non agnoscebant. Apud eos isti infantem invenerunt, quem illi apud se negaverunt. In his terris de longinqua isti, & peregrini puerum Christum nec dum verba promentem adoraverunt, ubi cives illi Juvenem miracula facientem crucifixerunt. Sanctus Hilarius Pictaviensis Episcopus lib. vi. de Trinitate numero lii. Verumtamen etiam Gentium in eo fidem sume. Audienim inter sævas Crucis custodias Romane Cohortis indomitum ad fidem Militem. Loquitur namque conspectis tantæ virtutis operationibus Centurio: Vere filius Dei erat iste. Auctor libri, qui inscribitur: Dicta, & interpretationes Parabolarum Sacræ Scripturæ: quæstione lxxvi. apud Sanctum Athanasium Tomo II. pag. 416. Quidnam est: Quare fremuerunt Gentes, & Populi meditati sunt inania? Responsio. Gentes dicit Romanos, Francorum videlicet genus, qui Christum crucifixerunt. Ex recentioribus Joannes Baptista Mantuanus libro ii. de suorum temporum calamitatibus, Jesu Christi

erga nos charitatem ita commemorat:

Ut patrias sordes, crimenque aboleret arvitum,  
Legit inauditum fati genus:  
illita fuso

Sanguine, & ardenti liventia  
verberare membra.

Perfossamque caput, terebrataque tempora duris

Sentibus, erexit miles Romanus  
in altum

Aera. ———

De natione Militis, qui latus Jesu Christi e cruce pendentis lancea aperuit, non una item est Scriptorum sententia. Memoratus Joannes Baptista Mantuanus libro i. de sacris diebus.

Sunt qui Cappadocem, sunt qui  
testantur Isaurum

Te armorum Longine decus. Tu  
bella gerebas

Tempore, quo nobis Proles divina salutem

Attulit. Ipse suas Mavors tibi  
dedicat idus,

Octobris vero decimum tibi Græcia sextum

Jure diem celebrat, multoque illuminat igne.

Rege sub Augusto, sub successore fuisti

Centurio. Demum in foribus cum  
lenta senectus

Jam foret, ad Christi crudelia  
fata cohortem

Jam lippis duxisti oculis, ac lumine tardo.

Tu cæcus non mente minus, quam corpore, sanctum

Lancea, & admoto pectus mucrone petisti.

Inde cruor confusus aquis bastilia circum

In digitos lapsus, tetigit cum lumina, morbum

Su-



*Susſulie*

Profecto Menologium Græcorum jussu Baſilii Porphyrogeniti Imperatoris Græce editum ad sextum decimum calendas Novembris *Επι Τιβεριῆ καὶ Σταυροῦ ἡγῆτος ἐν Χόλας τὸν Καππαδοκίαν* Hic Tiberio Casare centurio fuit ex Regione Cappadocum; Petrus vero de Natalibus in Catalogo libro iii. capite xxiii. cum Asiaticum de Provincia Isauria fuisse memorat. Contra Simeon Metaphrastes in actis Sancti Longini apud Surium Tomo vii. *Judeum* appellat. Laurentius Longus, in vita ejusdem *Romanum*, & quidem e Gente Cassia. Ut nihil demum loquar de pseudo Lucio Dextro, qui in vulgatis ejus nomine Chronici ad annum Domini xxxiv. C. Opium militem natione *Hispanum* fuisse prodidit, qui Jesu Christi pro salute nostra in cruce mortui latus diro lanceæ mucrone transverberavit.

LV. Quæ quum ita sint, quemadmodum tam varia secumque adversis frontibus pugnans, antiquorum atque recentium scriptorum sententia, de natione militum, qui Christum crucifigere, in eumque patibulo affixum faverunt, obscuram, atque implexam reddit historiam, ita inconcullum Evangelicorum librorum testimonium Bruttio nomini obtestantium conlatum placitis perspicuum reddit, id sceleris nec patrasse Bruttios, neque patrare potuisse. Apud Romanos siquidem adeo diversa, & opposita fuit militis, & servi conditio, ut alia aliam omnino excluderet, ac penitus destrueret. Enimvero militandi potestatem apud Romanos non fuisse servis, Livii, Sallustiique, Florii, aliorumque testantur historia. Historicis autem aperta Scriptorum

varii generis adſtipulantur asserta. Extremas etiam pœnas leges adhibuerunt, ut id juris, & facultatis unis liberis, atque ingenuis servarent integrum. In novo digesto Titulo *De re militari* lege xi. *Ab omni militia servi prohibentur, alioquin capite puniuntur.* Trajanus Imperator apud Plinium libro x. Epistola xxxix. de Servis inter tyrones milites repertis decernit. *Leſti ſi ſint, Inquiſitor pec- cavit; ſervicarii dati, penes eos culpa eſt qui dederunt. Si ipſi, quum haberent conditionis ſuæ conſcientiam, venerunt, animadvertendum in illos erit.* Quæ lex diu ante Trajanum adeo rigide a Romanis servabatur, ut, si quando iniqua temporum, ac reipublicæ conditione cogente, servi ad militiam evocare contingeret, non ante id fieret, quam in libertatem vindicaretur, ut constat ex Livio libro xxii. Discrimen & in militia inter eos, natosque ingenuos servatum est. Tradit enim in Augusto Suetonius Capite xxv. *Ipsū ſervos viris, ſeminif- que pecunioſioribus inditos, ac ſine morā manūmiſſos, ſub priore vexillo habuiſſe: neque aut commixtos cum ingenuis, aut eodem modo armatos.* Qui in Romanum imperium succedere summi principes militare decus more ac jure priſco religioſe ſervarunt: & ne qua in parte violaretur, novis cavere legibus, ut constat ex Codice Justiniani Imperatoris, titulo de *iis, qui militare poſſunt, vel non*, lege vi. Titulo de *Tyronibus* lege i.


LVI. Patere itaque ex his arbitror, nihil adversus Bruttios, Calabriae Populos, Catonem tradere: Ipsius testimonium ex arbitrio ad sua figmenta comprobanda traduxisse Gellium, qui nulla non ex parte priſcæ

priscae Romanorum adversatur historia: Gelliano demum commento abufos esse recentiores quosdam Scriptores, qui fabulas miscentes fabulis, omni prorsus examine posthabito, arbitrariis potius aliorum excogitatis hæere maluerunt, quam veritatem inquirere. Res profecto gravissima, a memoria illorum longe remota, de qua agebatur, jure poscebat, ut antequam nobilis Italiae Populus ea nota, quacum multiplex infamia conjuncta est, adspargere-tur, antiqua, & quæ potissime ad alterum bellum Punicum pertinent, monumenta diligenter expenderentur: tum Gellii placita, & quod ex Gellio inferebatur magni ponderis asser-

tum, cum Romana; ac Jesu Christi historia, æquo ac maturo judicio componerentur. Nihil enim homini magis præstandum est, ut monet Seneca in libro de Vita beata Capite i. quam *ne pecorum ritu sequamur antecessentium gregem, pergentes non qua eundum est, sed qua itur*. In tuto etiam posita est fama Magni Cardinalis Baronii: qui in Annalibus Ecclesiasticis affictam per summam injuriam Brutiis labem depellens, veritati patrocinium impertiit; nomenque suum immortale nova meriti accessione cumulavit. Cui frustra recens Scriptor Gallus, & ipse putidissimis A. Gellii, ac recentiorum Scriptorum figmentis insistent, detrachere conatus est.

L A U S D E O.





XLVIII + 473-(1) ;

LXXII 10



